

ধনেপাতা

শ্রীপ্রমথনাথ বিশী

মিত্রালয়

১০, শ্যামাচরণ দে ষ্ট্রীট, : : কলিকাতা-১২

— আড়াই টাকা —

১৩৩৮

মিডাল ১০, জামাচরণ দে প্লট, কলিকাতা-১২ হইতে জি, ভট্টাচার্য কতৃক প্রকাশিত ও
বছর ৮০।৬, গ্রে প্লট, কলিকাতা-৬ হইতে শ্রীগৌরীশংকর রায়চৌধুরী কতৃক মুদ্রিত।

উৎসর্গ

মানবহৃদয়ের কবি
তারাশঙ্কর বন্দ্যোপাধ্যায়ের
করকমলে—

এই লেখকের

রবীন্দ্র-চর্চা

রবীন্দ্রকাব্য নির্ঝর

রবীন্দ্রকাব্য প্রবাহ ১।২

রবীন্দ্রনাট্য প্রবাহ ১।২।৩

রবীন্দ্রনাথ ও শান্তিনিকেতন

সাহিত্য

মাইকেল মধুসূদন

চিত্রচরিত্র

বাংলার লেখক

বাঙালী ও বাংলা সাহিত্য

বাঙালীর জীবনসন্ধ্যা

বিচিত্র উপল

নেহরু – ব্যক্তি ও ব্যক্তিত্ব

উপন্যাস

পদ্মা

কোপবতী

জোড়াদীঘির চৌধুরী পরিবার

অশ্বখের অভিষাপ

চলনবিলা

গল্প

শ্রীকান্তের পঞ্চম পর্ব

শ্রীকান্তের ষষ্ঠ পর্ব

গল্পের মতো

গালি ও গল্প

ব্রহ্মার হাসি

ডাকিনী

অশরীরী

প্র, না, বি-র নিকট গল্প

নাটক

পারমিত

ঋণ কুদ্রা

মানি ভিলা

পরিহাসবিজলিতম্

ডিনামাইট

গভর্নমেন্ট ইন্সপেক্টর

মোচাকে টিল

কাব্য

অকুন্তলা

যুক্তবেণী

হংসমিথুন

যন্ত্রস্থ

বাংলা সাহিত্যের নরনারী

অচলিত

দেয়ালি

বসন্তসেনা

আত্মঘাতিনী

প্রাচীন আসামী হইতে

প্রাচীন গীতিকা হইতে

বিদ্যাসুন্দর

দেশের শত্রু

ঘোষণাত্রা

চয়ন

নিবেদন

এই পুস্তকের গল্পগুলির মূল ভারতবর্ষের ইতিহাসের মধ্যে নিবদ্ধ। কোনটিই লেখকের কল্পনা-প্রসূত নয়।

অনেকগুলি গল্পের মূলের সন্ধান গল্পের মধ্যে বা গল্পের শেষে দেওয়া হইয়াছে। ‘গুরুমারা চেলা’ গল্পটির মূল পাওয়া যাইবে—ভিনসেন্ট স্মিথ-লিখিত ভারতবর্ষের ইতিহাস গ্রন্থের জলালুদ্দিন খিলজির প্রসঙ্গে। আর কালিদাস সম্বন্ধীয় গল্প দু’টিতে কালিদাস সম্পর্কে সর্বজনপরিজ্ঞাত তথ্যের বাহিরে বড় যাওয়া হয় নাই; যেখানে যাওয়া হইয়াছে, সেখানেও পরিজ্ঞাত তথ্যের সূত্র অনুসরণ করাই হইয়াছে। তবে সে-সব কাহাকেও ইতিহাস বলিয়া গ্রহণ করিতে বলি না। মোট কথা, এগুলি ইতিহাসের পাত্রে পরিবেশিত কল্পনার পানীয়। এগুলির ঐতিহাসিকতার দাবি সম্বন্ধে ইহার বেশি বলিবার কিছু নাই।

গ্রন্থকার

সূচীপত্র

মহেন-জো-দড়োর পতন	...	১
মহালয়	...	২৯
অসমাপ্ত কাব্য	...	৪২
বন্ধের প্রত্যাবর্তন	...	৭৪
ধনেপাতা	...	৮৪
গুরুমারা চেলা	...	১০২

মহেব্-জো-দড়োর পতন

সিদ্ধ নদের তীর বরাবর সুদীর্ঘ, সুদৃঢ়, সু-উচ্চ বাধ। বালির নয়, পাথরের নয়, প্রাকৃতিক নয়, ছোট মাপের ইটের তৈরী; এক সময় মাহুঘে তৈরী করিয়াছে। কিন্তু কতকাল আগে, কালের দিগন্তে সে স্থিতি আজ অস্পষ্ট; বাধের গায়ে কত দিনের শ্যাওলা। নদীর ঘাত-প্রতিঘাতের কত চিহ্ন, কোন কোন অংশে ভাঙনের ক্ষত, আবার সেখানে মেরামত হইয়াছে।

বহু পুরুষ ধরিয়া মাহুঘে বাধটি দেখিতেছে; লোকে নদীর ঐতিহ্যের যেমন সন্ধান করে না, বাধটি সম্বন্ধেও তাই—দুই-ই এখন সকল প্রশ্নের অতীত, দুইটিকেই মাহুঘে বিনা প্রশ্নে স্বীকার করিয়া লইয়াছে।

বাধের একদিকে নদী, অপর দিকে নগর। নগরের দিক হইতে মাঝে মাঝে বাধে উঠিবার সোপান-শ্রেণী। বাধের মাথাটা বেশ প্রশস্ত, ৫১৭ জন মাহুঘ স্বচ্ছন্দে পায়চারী করিতে পারে, করেও তাই। ওখানে বেড়াইবার একটা স্থান, কত লোকে সকাল বিকাল ওখানে হাওয়া খাইতে বেড়াইয়া থাকে।

আমাদের গল্পের সূত্রপাত ঐ বাধটার উপরে। সেখানে দুইজন লোক পাশাপাশি বেড়াইতেছিল, হাওয়া খাইতেছিল—এমন নয়; কারণ, এখনো সাক্ষ্য-বিচরণকারী দলের আসিবার সময় হয় নাই।

দু'জন লোকই দীর্ঘকায়, একজনের দাড়ি গোঁফ দীর্ঘ, আর একজনের গোঁফ ছোট করিয়া ছাঁটা, কিন্তু দাড়ি দীর্ঘ; দু'জনেরই চুল লম্বা—সে চুল পিছন দিকে ধোঁপার আকারে সজ্জিত, তাহাতে সোনার কঙ্কতিকা (কাঁকই) গোঁজা। বাম কাঁধের উপর, দক্ষিণ বাহুর নীচে দিয়া গায়ের কাপড় জামু পর্যন্ত প্রলম্বিত, অধোবাস অদৃশ্য। দু'জনােকেই সম্ভ্রান্ত পুরুষ বলিয়া বোধ হয়।

তাহারা নদীর দিকে তাকাইয়া কি যেন দেখিতেছিল—তাহাদের নিকটে দাঁড়াইলে, পূর্বদিকে মুখ ফিরাইলে দেখা বাইবে নদীর বিস্তৃত প্রবাহ, অনেক নীচে বলিয়া স্রোতোহীন প্রতীয়মান, কিন্তু মাঝে মাঝে জলগামী নৌকা দেখিলে

শ্রোতের প্রচণ্ডতা অহুমান হয়—আবার পশ্চিম দিকে চাহিলে দেখা যাইবে নগরের উচ্চাবচ সৌধতরঙ্গ—দূরে বলিয়া, নীচে বলিয়া দাবার ছকের মতো দৃশ্যমান—তিনতলা বাড়ীগুলোও খেলাঘরের মতো। বাঁধটা কত উচু—আর সম্মুখে পশ্চাতে বাঁধের বিস্তৃত শিরদাঁড়া—দুই দিকের দিগন্তে স্তম্ভ স্তম্ভ চালা হইয়া ঘেন মিশিয়া গিয়াছে।

ব্যক্তি দুইজন এবারে মুখোমুখী হইয়া দাঁড়াইল।

একজন বলিল—এই আমাদের শত্রু, নদীই আমাদের শত্রু, আবার নদীই আমাদের মিত্র।

অপর জন বলিল—শত্রুতা, মিত্রতা—সবই অবস্থার উপরে নির্ভর করে।

পূর্বোক্ত জন বলিল—সেনাধ্যক্ষ, তোমার কথা অর্ধসত্য, সবই নিজেদের উপরে নির্ভর করে।

দ্বিতীয় জন বলিল—পূর্ত-সচিব, তোমার কাজ নদীকে সংযত করা, আমার কথাকেও তুমি সংযত করিয়া যথার্থ রূপ দিয়াছ।

তাহাদের কথোপকথন হইতে বুঝিতে পারা যাইবে—একজন নগরের সেনাধ্যক্ষ—অপর জন পূর্ত-সচিব, দু'জনেই নগরপ্রধানগণের শ্রেণীভুক্ত।

পূর্ত-সচিব বলিল—এবারে বন্যায় খুব জোর ধরবে।

সেনাধ্যক্ষ শুধাইল—কি ভাবে বুঝিলে?

—দেখ না কেন, এখন বর্ষার প্রারম্ভ, ইতোমধ্যেই জল বাঁধের কতটা গ্রাস করিয়া ফেলিয়াছে। তা' ছাড়া, আমি দেখিয়া আসিতেছি যে, পাঁচ বৎসর অন্তর প্রবলতর বন্যা হইয়া থাকে।

—হোক প্রবল বন্যা। তোমার বাঁধ আমাদের প্রহরী।

—প্রহরী প্রাচীন হইয়া পড়িয়াছে—আজ তাহার জীর্ণদশা। এবার বর্ষা-অস্ত্রে বাঁধ মেরামত না করিলেই নয়।

—আমিও তাহাই বুঝি, কিন্তু নগরপ্রধানগণ কি অর্থ ব্যয় করিতে রাজী হইবেন?

—আমারও সেই আশঙ্কা। তাহাদের অধিকাংশই বয়সে নবীন, তাঁহারা

নগরের সমৃদ্ধি ও নিরাপত্তাকে প্রকৃতির অলঙ্ঘ্য নিয়ম বলিয়া মনে করেন। বাধ-
মেরামতের প্রস্তুতি তুলিলেই তাঁহারা বলিবেন—ওটা পূর্তসচিবের একটা খেয়াল,
নিজের প্রতিষ্ঠা বাড়াইবার জন্য কেবল বাজে খরচের বাবদ অর্থ চান ! কিন্তু—

—কিন্তু আমরা হুঁজুনেই বৃদ্ধ, আমরা জানি—হাস বৃদ্ধি, উত্থান পতন, জীবন
ও মৃত্যু প্রকৃতির নিয়ম !

—সেই তো বিপদ ! নবীনরা এসব কথা বুঝিতে চায় না। তাহারা বাধ-
মেরামতের অনিবার্য অর্থ দিয়া নগরের স্থানে স্থানে দেবলিঙ্গ স্থাপন করিতেছে,
অনর্থক ধুমধাম করিয়া অর্থের অপব্যয় করিতেছে। আমাদের সতর্কবাণী তাহারা
শুনিতে চায় না।

—ঐ আর এক বিপদ। আমাদের প্রাচীন মৎস্য-পূজায় এখন আর
কাহারো মন নাই। নবপ্রবর্তিত লিঙ্গ-পূজায় এখন সকলেই উন্মত্ত। কিন্তু
পূর্ত-সচিব, ভাবিয়া দেখে, সে পূজা কত সরল ছিল, আড়ম্বর ছিল না, আবার
আন্তরিকতারও অভাব ছিল না। আর এই মৎস্যদেব তো সিঁধু নদেরই প্রতীক।

—সেই কথাই তো বলিতে চেষ্টা করিতেছি, নদীর দিক হইতে আমাদের মন
নগরের দিকে, সরলতার দিক হইতে আড়ম্বরের দিকে ঘুরিয়া গিয়াছে। বাধের
উত্তর দিকটা দেখিয়াছ কি ? এবার বর্ষায় যদি টেঁকে—সোভাগ্য, বর্ষার অন্তে
মেরামত না করিলেই দুর্ভাগ্যের চরম হইবে।

—পূর্ত-সচিব, তোমার ঐ উত্তর দিকের প্রসঙ্গে একটি জরুরী বিষয় মনে
পড়িল। আমার গুপ্তচরদেরা নানা দেশে ঘুরিয়া বেড়ায়। তাহাদের আমি উত্তর
দিকের ধবর সংগ্রহ করিতেই বিশেষভাবে আদেশ করিয়াছি। একজন দূত
হুই শত কোশ অবধি গিয়াছিল। সেখানে একটি সমৃদ্ধিশালী নগর ছিল, সে
আগেও সেখানে একবার গিয়াছে। কিন্তু এবারে গিয়া দেখিল, নগরের সে
পূর্বসমৃদ্ধি নাই।

—এমন বিপদ কেন ঘটিল ? বজ্র ?

—না।

—অগ্নি ?

—না।

—ভূমিকম্প ?

—তবে কি শত্রু ?

—এবারে ঠিক অনুমান করিয়াছ।

—কিন্তু তাহাদের কি সৈন্ত ও অস্ত্র ছিল না ?

—ছিল বই কি।

—তবে ?

—আততায়ী মহাশক্তিসম্পন্ন।

—হইলেও মানুষ ছাড়া কিছু নয়।

—সে কথা ঠিক ! কিন্তু তাহাদের বাহন এক প্রকার ক্ষতগামী জীব। সেই বায়ুগতি বাহনে চড়িয়া তাহারা অতর্কিতে আসে, অতর্কিতে যায়, পদাতিকে তাহাদের সঙ্গে পারিয়া উঠিবে কেন ?

—এত সংবাদ দূত রাখিল কি প্রকারে ?

—একবারের আক্রমণের সময়ে সে উপস্থিত ছিল।

—কি সেই জন্তু।

—দূত তাহার একটা ছবি আঁকিয়া আনিয়াছিল।

—ছবিখানা দেখিয়াছ ? দেখিয়া কি বুঝিলে ?

—বুঝিলাম, সে জন্তু তেজস্বী, ক্ষতগামী ; আর বুঝিলাম, এদেশে কেহ তাহা দেখে নাই, এদেশে সে জন্তু নাই !

—কিন্তু দুই শত ক্রোশ দূরের ভয়ে ভীত হইবার তো কারণ দেখি না।

—পূর্ত-সচিব, যে বস্তায় আমরা সর্বদা শঙ্কিত, তাহা তো আরও দূর হইতে আসিয়া থাকে।

—তা বটে।

—আর এমন ক্ষতগামী বাহন বাহাদের, তাহারা কি একটা নগর ধ্বংস করিয়াই সন্তুষ্ট হইবে ? সিকুলালিত শ্রেষ্ঠ নগরের সংবাদ কি তাহাদের কানে পৌছিবে না ?

—এ আশঙ্কা মিথ্যা নয়। চলো, আ। তামার আবাসে গিয়া সেই অদ্ভুত জীবের ছবিটা দেখিব, সেখানা আছে তো ?

—আমি যত্নে রাখিয়া দিয়াছি।

দুইজনে যখন বাঁধ হইতে নামিবার জন্য প্রস্তুত হইতেছে, তখন একজন নাগরিক ব্যস্তভাবে তাহাদের সম্মুখে আসিয়া দাঁড়াইল, নত হইয়া অভিবাদন করিল ; বলিল, নগরপ্রধানগণ শীঘ্র আপনাদের স্মরণ করিয়াছেন।

—কেন হে বাপু ?

—তাহা আমি জানি না, তবে কোন বিপদ ঘটিয়া থাকাই সম্ভব।

—তাহারা কোথায় ?

—মুখ্য স্নানাগারের নিকটবর্তী চত্বরে, সেখানে একটা ভিড় জমিয়া গিয়াছে।

—ভিড়ের মধ্যে কি আছে ?

—তাহা আমি দেখি নাই, আমি দূরে ছিলাম।

—আচ্ছা, চলো যাওয়া যাক।

তখন তাহারা দুইজনে দূতের অনুসরণ করিয়া সিঁড়ি বাহিয়া বাঁধ হইতে নামিল এবং কিছুক্ষণের মধ্যেই পূর্বোক্ত স্থানে আসিয়া পৌঁছিল। তাহারা দেখিল, সতাই এক বৃহৎ জনতা, চত্বর পূর্ণপ্রায়। তাহাদের দেখিবামাত্র পথাধ্যক্ষ, শকট্যাধ্যক্ষ এবং আরও ২১৪ জন রাজপুরুষ অগ্রসর হইয়া আসিল, বলিল—আমুন, এক বিচিত্র ব্যাপার ঘটিয়াছে।

হঠাৎ এমন কি বৈচিত্র্য ঘটিল, ব্যস্তিতে না পারিয়া তাহারা ভিড়ের মধ্যে প্রবেশ করিল—দেখিল, মাঝখানটা ফাঁক, আর সেখানে দাঁড়াইয়া আছে এক অদৃষ্টপূর্ব জন্তু !

পূর্ত-সচিব বলিল—সেনাধ্যক্ষ, দেখ এক অদৃষ্টপূর্ব জানোয়ার।

সেনাধ্যক্ষ বলিল—আমার একেবারে অদৃষ্ট নয়, এ সেই জানোয়ার।

পূর্ত-সচিব সেনাধ্যক্ষের মুখের দিকে তাকাইয়া দেখিল, সে মুখে পরিহাসের ছায়ামাত্র নাই, দেখিল—অমিতবিক্রম সেই পুরুষের মুখ পাংশু ! পূর্ত-সচিবও ভীত হইয়া উঠিল।

ইতোমধ্যে জনতা সেই জন্তটিকে লইয়া মাতিয়া উঠিয়াছে, কেহ লেজ ধরিয়া টানিতেছে, কেহ খোঁচা মারিতেছে, কেহ বা মুখের কাছে শঙ্গমুষ্টি ধরিতেছে, কিন্তু তেজস্বী জন্তটার সে দিকে ভ্রক্ষেপ মাত্র নাই। সে গ্রীবা বাঁকাইয়া দণ্ডায়মান, মাঝে মাঝে নাসারন্ধ্র ফুরিত হইতেছে, চক্ষুর খেতাংশ ঘূর্ণিত করিতেছে, দূর পথ-অতিক্রমণে ক্লান্ত বলিয়া বক্ষ কিঞ্চিৎ বিস্ফারিত হইতেছে, আর নিতান্ত বিরক্তি বোধ করিলে লেজটি আন্দোলিত হইতেছে।

সেনাধ্যক্ষ শুধাইল—এ জন্ত আসিল কোথা হইতে ?

একজন নাগরিক অগ্রসর হইয়া আসিয়া বলিল—আমার ক্ষেতখামার এখান হইতে দূরে, প্রায় দুই দিনের পথ, সেখানে মাঝে মাঝে গিয়া তদারক করি। এবারেও গিয়াছিলাম, আজ সকালে উঠিয়া দেখি, জানোয়ারটা ক্ষেতের শস্ত খাইতেছে, তখন—

—দাঁড়াও। দু'দিনের পথ তুমি একদিনের মধ্যে আসিলে কি প্রকারে ?

—উহার পিঠে চড়িয়া।

—তোমার খামার কোন্ দিকে ?

—উত্তর দিকে।

—সর্বনাশ !

সেনাধ্যক্ষের ভয়ের কারণ আর কেহ বুঝিতে না পারুক, পূর্ত-সচিব কতকটা বুঝিল।

সেনাধ্যক্ষ রাজপুরুষগণকে বলিল—নগরপ্রধানগণের এখনি একবার সম্মিলিত হওয়া আবশ্যক। আপনাদের আপত্তি না থাকে তো, আমার ভবনে আসিলে সুখী হইব।

সকলে বলিল—আপত্তি কি।

সেনাধ্যক্ষ পূর্ত-সচিবের উদ্দেশ্যে বলিল—সেই ছবিটার সঙ্গে মিলাইয়া লইতে পারিবে।

তখন রাজপুরুষগণ সেনাধ্যক্ষের ভবনের দিকে চলিল, যাইবার আগে সেনাধ্যক্ষ জানোয়ারটাকে সযত্নে রক্ষা করিবার জন্ত আদেশ দিয়া গেল।

পাঠক, এই নগরীর নাম মোহেন-জো-দড়ো। আজকার ধ্বংসাবশেষ নয়, পাঁচ হাজার বছর আগেকার ধনে জনে সমৃদ্ধিতে পূর্ণ জীবনচঞ্চল নগর, তৎকালীন নাম 'নন্দুর'। আর ঐ অদৃষ্টপূর্ব জন্তুটি একটি ঘোড়া।

২

সেনাধ্যক্ষের আবাসে রাজপুরুষগণের সভা বসিয়াছে। সেনাধ্যক্ষ বিপদের আশঙ্কা সকলকে বুঝাইতে চেষ্টা করিয়াছে। বাধের উপর পূর্ত-সচিবকে যে সব কথা সে বলিয়াছিল, তাহাই আরও বিস্তারিতভাবে বর্ণনা করিয়াছে, গুপ্তচর কাষ্ঠফলকে জন্তুর যে চিত্র আঁকিয়া আনিয়াছিল, তাহা সকলকে দেখাইয়াছে, সেই চিত্রের সঙ্গে জানোয়ারটির সাদৃশ্য দেখাইয়া দিয়াছে—আর বলিয়াছে, নূতন যে দুর্ধর্ষ জাতি সূদূর উত্তরে দেখা দিতে আরম্ভ করিয়াছে—এইরূপ জ্ঞাতগতি বাহনের জন্তুই তাহারা অজ্ঞেয়। তাহাদের হাতে দুই শত ক্রোশ দূরবর্তী সমৃদ্ধ নগরের যে ভাবে পতন হইয়াছে, তাহারও বর্ণনা করিতে ভোলে নাই। এবং সর্বশেষে সকলকে সতর্ক করিয়া দিয়া প্রস্তাব করিয়াছে যে, নগর রক্ষা করিতে হইলে অস্ত্র খাতে ব্যয় বন্ধ করিয়া উত্তর দিকে একটি সূদূর প্রাচীর তুলিতে হইবে।

পূর্ত-সচিব সেনাধ্যক্ষের যুক্তি ও প্রস্তাব স্বীকার করিয়া লইয়া বলিয়াছে যে, নগরের দুটি শত্রু। একটি নদী, এতদিন তাহাকেই মাত্র শত্রু বলিয়া জানিতাম, কিন্তু সম্প্রতি আরও একটি শত্রুর আভাস শুনিতে পাওয়া গেল। পূর্ত-সচিব প্রস্তাব করিয়াছে যে, নগর রক্ষার জন্ত উত্তর দিকে প্রাচীর গাঁথা যেমন অত্যাবশ্যক, তেমনি অত্যাবশ্যক বাধের সংস্কার। সে জানাইয়া দিয়াছে যে, বাধটি অনেক কাল সংস্কৃত হয় নাই—উত্তর দিক্‌টায় এমনি জীর্ণ হইয়া পড়িয়াছে যে, এই বর্ষাতেই কি হয় বলা যায় না। আর কোন মতে এবার বর্ষাকালে টিকিয়া গেলেও আগামী বর্ষায় ইহার পতন অবশ্যজ্ঞাবী, তখন নগরের কি অবস্থা হইবে, সকলকে বিশেষভাবে ভাবিয়া দেখিতে অমুরোধ করিয়াছে।

সেনাধ্যক্ষ ও পূর্ত-সচিব অনেকক্ষণ ধরিয়া বক্তৃতা করিয়া থামিল, কিন্তু

তাহাদের কথায় আর কেহ যে বিচলিত হইল, এমন বোধ হয় না। তাহার একটি কারণ, সমবেত রাজপুরুষগণের মধ্যে এই দুই জনেই বয়সে বৃদ্ধ, অবশ্য পদগৌরবেও শ্রেষ্ঠ। অতঃ সকলের বয়স তাক্ষণ্যের কোঠায়, দু'একজনকে প্রৌঢ়ও বলা যাইতে পারে।

পথাধ্যক্ষ বয়সে তরুণ। সে এবারে উঠিল এবং সকলকে সম্বোধন করিয়া বলিতে লাগিল—মাননীয় রাজপুরুষদ্বয়ের কথা শুনিলাম, কিন্তু আমি তো উদ্বেগের কারণ দেখি না, যেহেতু কোথায় কোন সম্ভাবিত শত্রু রহিয়াছে, তাহার আশঙ্কায় ভীত হইয়া উঠিলে জীবনযাত্রা দুর্লভ হইয়া পড়ে। একটি অদ্ভুত জানোয়ার নগরে আসিয়াছে বটে, কিন্তু তাহা স্বেচ্ছায় আসে নাই, আনিত হইয়াছে। তাহা ছাড়া ঐ নিরীহ জানোয়ারটি কিরূপে যে এমন ভয়াবহ, তাহা বুঝি না। বাঘের মতো তাহার নখ নাই, গণ্ডারের মতো তাহার খজা নাই, হস্তীর মতো তাহার দন্ত নাই, কোথায় তাহার ভীষণতা!

তাহার বর্ণনা শুনিয়া অনেকেই হাসিয়া উঠিল।

পথাধ্যক্ষ পুনরায় বলিতে লাগিল, আমার বিবেচনায় সেনাধ্যক্ষের আশঙ্কা সম্পূর্ণ অমূলক। আর আপনারা যদি অনুমতি করেন তো বলি যে, নিজের মর্যাদা ও নিজ বিভাগের ব্যয়বৃদ্ধি করিবার উদ্দেশ্যেই তিনি আমাদের ভীতি প্রদর্শন করিতেছেন।

এই বলিয়া পথাধ্যক্ষ বসিল, কেহ তাহার উক্তির প্রতিবাদ তো করিলই না, বরঞ্চ ভাবগতিকে বুঝিতে পারা গেল যে, তাহাতে তাহাদের অনেকেরই সমর্থন আছে।

এবারে শকট্যাধ্যক্ষ উঠিল, বয়সে সেও তরুণ। সে বলিল—সেনাধ্যক্ষের উক্তির অবাচীনতা সন্দেহে অনেক বলা হইয়াছে, আর প্রয়োজন নাই। আমি পূর্ত-সচিবের বক্তব্যের বিরুদ্ধে কিছু বলিতে চাই।

এই বলিয়া আরম্ভ করিল—পূর্ত-সচিব বৃদ্ধ হইয়া পড়িয়াছেন, সর্বত্র তিনি ভয়ের ছায়া দেখিতে পান। এ বাধ কত কাল নির্মিত হইয়াছে, কেহই জানে না; পূর্ত-সচিবের বয়স ষতই হোক, আমার বোধ হয় তিনিও জানেন না। এতদিনের

মধ্যে বাধা ভাঙ্গে নাই, কাজেই এবারে ভাঙ্গিবে, এমন আশঙ্কা অমূলক ! আর যদিই ভাঙ্গে, পূর্ত-সচিব আছেন কেন ? এমন অবস্থায় বাধের পিছনে অর্থব্যয় আর নদীর জলে তক্ষা ফেলিয়া দেওয়া সমান । আমার বিবেচনায় এই উদ্দেশ্যে কপর্দক ব্যয় করাও সমীচীন নয় ।

শকটাদ্যক্ষ বসিলে তরুণবয়স্ক অরণ্যাদিপতি উঠিল । সে বলিল—পূর্বোক্ত বিষয়দ্বয় সম্বন্ধে যাহা বলা হইয়াছে, তাহাই যথেষ্ট মনে করি । পূর্ত-সচিব ও সেনাধ্যক্ষের দাবী যে কত দূর ভিত্তিহীন, তাহা আপনারা সকলেই বুঝিতে পারিয়াছেন । আমার প্রসঙ্গ ভিন্ন । নগরের বৃহৎ স্নানাগারটি জীর্ণ হইয়া পড়িয়াছে—এখন সব সময়ে তপ্ত জল পাওয়া যায় না, মেঝে ক্ষয় হইয়া গিয়াছে, অনেক সময়েই স্নানাধারা পিছলে পড়িয়া যায়, এমন অবস্থায় একটি বৃহত্তর স্নানাগার-নির্মাণ আশু প্রয়োজন । নগরকোষের উদ্ধৃত্ত অর্থ প্রাচীর গাঁথিয়া অপব্যয় না করিয়া নাগরিকগণের সুখ-সুবিধা যাহাতে বাড়ে, সেই উদ্দেশ্যে একটি মনোরম স্নানাগার-নির্মাণ প্রয়োজন । অনেক বিলম্ব হইয়াছে—আর কালব্যাজ অমার্জনীয় ।

এবারে পুনরায় সেনাধ্যক্ষ উঠিলেন, তিনি বলিলেন—বিপদের আশঙ্কাকে আপনারা দূরবর্তী বলিয়াছেন, আমি তো দেখি, বিপদ একেবারে ঘরের মধ্যেই । বাহিরের আক্রমণ ভয়াবহ সত্য, কিন্তু তাহাতে জয়-পরাজয় দুই-ই সম্ভবপর । কিন্তু যে আক্রমণ আভ্যন্তরীণ, তাহার হাত হইতে বাচিবার উপায় কি ? আসল বিপদ আততায়ীর ভয় নয়, আসল ভীতি সেই ভয়কে অবহেলা । পুরাতন স্নানাগারে কেহ কেহ পা পিছলিয়া পড়িয়া গিয়াছে, ইহাতেই আপনারা বিচলিত, কিন্তু আপনাদের যে মনোভাব দেখিতেছি, তাহাতে সমস্ত নগরটাই অচিরে পা পিছলিয়া পড়িয়া যাইবে আশঙ্কা হইতেছে । আপনারা এখনো সতর্ক হোন ।

সেনাধ্যক্ষ বসিলে পথাধ্যক্ষ বলিল—বিপদকালে বৃদ্ধের বচন গ্রাহ্য করিবার পরামর্শ আছে—আগে বিপদ আসুক, তার পরে বৃদ্ধেরা যেন মুখ খোলেন । এখনই বাক্যে কি প্রয়োজন ! বৃদ্ধের মুখে বাচালতা নিতান্তই অশোভন ।

—কিন্তু 'অর্বাচীন যখন পরামর্শদাতার পদ গ্রহণ করে, তখন বুঝিতে হইবে

বে, দুঃসময় ঘরের উপরে আসিয়া পড়িয়াছে। সেনাধ্যক্ষই এই বাচালতার উত্তর দিতে পারিতেন, কিন্তু এ তাঁহার নিজ ভবন। আর সকলে তাঁহার অতিথি, কাজেই যে কথা এক্ষেত্রে তাঁহার বলা উচিত নয়—আমাকেই তাহা প্রকাশ করিতে হইল।

এই বলিয়া পূর্ত-সচিব বসিল।

এবারে অরগ্যাধিপতি উঠিল, বলিল—এই সব দূরস্থিত বিপদের কচ্‌কচানি আর ভালো লাগিতেছে না। সন্ধ্যা সমাগত। আজ রাত্রে বৃক্ষপূজার তিথি। সাতটি নর-বলি হইবে। বলি প্রস্তুত। সেখানে যাইবার সময় হইয়াছে। চলুন, সেখানে যাওয়া যাক। কিন্তু তার আগে একটা কাজ সারিয়া লওয়া ভালো। এখানে রাজপুরুষগণ সমবেত হইয়াছেন, কাজেই নূতন স্নানাগার-নির্মাণের অর্থব্যয়ের অল্পমতি আপনারা দিন।

এ বিষয়ে অধিক বিতর্ক হইল না, কেবল সেনাধ্যক্ষ ও পূর্ত-সচিব মাত্র আপত্তি করিল, কাজেই অধিকাংশের সন্মতি অল্পসারে নূতন স্নানাগার-নির্মাণের ব্যয় মঞ্জুর হইয়া গেল।

তখন আর সকলে প্রস্থান করিল, শুধু সেনাধ্যক্ষ ও পূর্ত-সচিব মূঢ়ের মতো গালে হাত দিয়া সেই শূন্য সভাকক্ষে বসিয়া রহিল। বহির্গত রাজপুরুষদের পরিহাসের অট্টহাস্তও তাহাদের মৌনভঙ্গ করিতে পারিল না।

৩

এই ঘটনার পরে পুরা তিনটি বৎসর অতিবাহিত হইয়া গিয়াছে এবং সেই সুদীর্ঘ সময়-মধ্যে পূর্ত-সচিব ও সেনাধ্যক্ষের ভবিষ্যৎকাণী সফল হইবার লক্ষণমাত্রও দেখা যায় নাই; কাজেই এখন বৃদ্ধদ্বয় সমস্ত নগরবাসীর উপহাসের পাত্র। না উত্তর দিক্ হইতে অজ্ঞাত শত্রু আক্রমণ করিয়াছে, না পূর্ব দিক্ হইতে পরিজ্ঞাত নদী, বাধ ভাঙ্গিবার উপক্রম করিয়াছে।

যুগান্তকারী বিপদ আসিতে এক যুগ সময় নেয়—তাই বলিয়া বিপদ কখনোই

আসিবে না—এমন কথা মূর্থ ছাড়া কেহ বলে না। মাহুঘের জীবনে যুগ দীর্ঘ, সভ্যতার জীবনে তাহা পলকপাত মাত্র।

সেই ঘোড়াটি এখনো নগরে আছে, লোকে বিক্রপ করিয়া তাহাকে ডাকে সেনাধ্যক্ষ, আর ঘোড়াটির নখদন্তহীনতা স্মরণ করিয়া ‘নখদন্তহীন বুড়ো’ বলিয়া সেনাধ্যক্ষের উল্লেখ করে। পূর্ত-সচিবও বাদ যায় নাই। পূর্ত-সচিবের নাম পড়িয়াছে ‘ভান্সা বাধ,’ আর বাধটাকে সকলে পূর্ত-সচিবের কবরখানা বলিয়া উল্লেখ করিয়া থাকে।

এই ভাবে স্নেহে দুঃখে তিনটি বৎসর কাটিয়া গেল। চতুর্থ বৎসরে বর্ষাকালে বন্যায় জোর ধরিল, বাঁধের উত্তর দিকটা সঙ্কটাপন্ন হইয়া উঠিল। বাঁধ রক্ষার জন্ত পূর্ত-সচিবের অধীনে কতকগুলি ‘রাজ’ থাকিত, কিন্তু এ সঙ্কট রক্ষা করা তাহাদের সাধ্য নয়।

নিরুপায় পূর্ত-সচিব রাজপুরুষগণের নিকট লোক পাঠাইল। তাহারা এখন দিবাভাগের অধিকাংশ সময় নবনির্মিত মনোরম স্নানাগারে কাটাইয়া থাকে।

“মোহেন-জো-দড়োর অন্ততম আশ্চর্য জিনিষ, একটি স্নানাগার। স্নানাগারটি এত সুবৃহৎ ও সুগঠিত যে, এই যুগের পক্ষে ইহার চেয়ে ভালো আমরা কল্পনা করিতে পারি না। ইহা উত্তর-দক্ষিণে ১৮০ ফুট ও পূর্ব-পশ্চিমে ১০৮ ফুট প্রস্থ। ইহা চতুর্দিকে ৭।৮ ফুট পুরু প্রাচীর দ্বারা পরিবেষ্টিত। এই স্নানাগারের মধ্য-ভাগে একটা প্রাঙ্গণ। এই প্রাঙ্গণে দৈর্ঘ্যে ৩৯ ফুট, প্রস্থে ২৩ ফুট এবং গভীরতায় ৮ ফুট একটি সম্তরণ-বাপী আছে।.....এই সম্তরণ-বাপীটির নির্মাণকৌশল খুব চমৎকার। বিংশ শতাব্দীর সুদক্ষ পূর্ত-বিশেষজ্ঞ ইহা দেখিয়া বিস্মিত হইয়া পড়িবেন। এই বাপীর উত্তর ও দক্ষিণ পাড়ে সিঁড়ি এবং সিঁড়ির নীচে স্নানার্থীদের জলে নামিবার জন্ত অমুচ্চ মঞ্চ ছিল। অদূরবর্তী কূপ হইতে জল আনিবার ব্যবস্থা করিয়া বাপীটি জলপূর্ণ করা হইত এবং প্রয়োজনাতিরিক্ত জলনিকাশের জন্ত দক্ষিণ-পশ্চিম কোণে সাড়ে ছয় ফুট গভীর প্রণালী ছিল। এই জলাশয়ের চতুর্দিকে তিন চার ফুট পুরু করিয়া স্নানর ও মন্ডন ইটের গাঁথনি দেওয়া হইয়াছিল এবং তৎসঙ্গেই সঁগাতসেঁতে ভাব দূর করার জন্ত এক ইঞ্চি

পুরু শিলাজতুর প্রলেপ দিয়া যাহাতে ইট গড়াইয়া না পড়িতে পারে, তজ্জন্য এক সারি মসৃণ পাতলা ইট দিয়া চাপিয়া দেওয়া হইয়াছিল।.....বৃহৎ স্নানাগারের নিকটে দক্ষিণ-পশ্চিম কোণে আর একটি গৃহ আবিস্কৃত হইয়াছে; ইহাতে পাঁচ ফুট উচ্চ কয়েকটি চতুষ্কোণ ইষ্টকমঞ্চ দেখিতে পাওয়া যায়; ঐগুলিতে চুল্লী বসানোর জন্য খাঁজ কাটা রহিয়াছে। ইহা হইতে অনুমান করা হয় যে, এই গৃহে চুল্লীর সাহায্যে স্নানাদির জন্য উত্তাপ-সঞ্চয়ের এই ব্যবস্থা করা হইয়াছিল।”*

পূর্ত-সচিবের দূত আসিয়া দেখিল যে, রাজপুরুষগণ বাপীসলিলে জলক্রীড়া করিতেছে। সে সমস্ত নিবেদন করিল। একজন রাজপুরুষ বলিল—বড় সুসংবাদ। বাঁধ ভাঙ্গাই এখন দরকার, বাপীতে আজ জল কম।

সকলে হো হো করিয়া হাসিয়া উঠিল।

আর একজন বলিল—তুমি তোমার প্রভুকে গিয়া বলো, তিনি যেন আর একটু কষ্ট করিয়া বাঁধটা ভাঙ্গিয়া দেন। নদী আমাদের মিত্র।

আবার সকলে হাসিয়া উঠিল।

তৃতীয় আর একজন বলিল—পূর্ত-সচিব বাঁধ ভাঙ্গিয়া জল ঢুকিবে—হুশিস্তা করিতেছেন, কিন্তু জলের সঙ্গে যে প্রচুর মাছ ঢুকিবে—সে সুসংবাদ কি রাখেন? হাসিতে হাসিতে বারংবার সুবৃহৎ স্নানাগার চমকিয়া উঠিতে লাগিল।

অপ্রস্তুত দূত প্রস্থান করিল।

রাজপুরুষরা নিজেদের মধ্যে বলাবলি করিতে লাগিল, নাঃ, বুড়ো ছ’টোকে আর সহ্য করা যায় না।

কেহ বলিল—এ ছ’টো আমাদের সকল সুখের কাঁটা!

কেহ বলিল—মরেও না, মুখও বোজে না।

—কেবল শত্রু আর বত্মা!

—কেবল এলো এলো, গেলো গেলো!

—ভয় দেখিয়ে আমাদের ভালো করিতে চান!

—আমরা খারাপটাই বা এমন কি?

—ওদের কালে ওঁরা যে কেমন ছিলেন, তা' শুনেছি তো ঠাকুরমার কাছে !

—রসনা ছাড়া যাদের আর সব ইঞ্জিয় শিথিল, তাদের আর গতি কি বলা !

—সেদিন 'নখদন্তহীন বোড়া' বলছিল যে, আমাদের বিলাসিতা আজকাল বড়ই বেড়ে উঠেছে, তাতেই নাকি আমাদের অধঃপতন হয়েছে ।

—হয়েছে ! একেবারে হওয়া শেষ ! কি সর্বনাশ !

—এবারে বুড়ো দু'টোকে সরানো দরকার ।

—না হে, দু'টো একটা বুড়ো থাকাকালো, তাতে যৌবনের মূল্য বোঝবার সুবিধা হয় ।

—তবে ফ্যাচ-ফ্যাচ করতে নিষেধ করে দিয়ে ।

—তা না হলে আর বুড়ো কেন ?

যাই হোক, পূর্ত-সচিবের প্রাক্তনের পুণ্যেই হোক আর বজ্রার তীব্রতার অভাবেই হোক, বাঁধটা সে বার রক্ষা পাইয়া গেল । তাহাতে অস্ত্রান্ত রাজপুরুষ-গণের বৃত্তিই প্রমাণিত হইল, বাঁধ ভাঙ্গিবার নয় । আর যা ভাঙ্গিবে না, তাহা রক্ষা করিবারই বা উত্তম কেন ! ঐ সূত্রে আরও একটা প্রসঙ্গ অনেকের মনে উকি-ঝুঁকি মারিতে লাগিল । যে বস্তু ভাঙ্গা-গড়ার অতীত, তাহা রক্ষা করিবার নিমিত্ত আবার বৃত্তিদানের ব্যবস্থা কেন ? ভাবে-গতিকে মনে হইতে লাগিল যে, বাঁধটি যাইবার আগেই হয় তো বা পূর্ত-সচিবের বৃত্তিটি যাইবে । হয় তো বা সত্যই যাইত, এমন সময়ে সেই বছরেই শীতকালে উত্তরের প্রত্যাশিত আশঙ্কা অপ্রত্যাশিতরূপে দেখা দিল ।

শীতকালের প্রারম্ভে গুপ্তচর আসিয়া সেনাধ্যক্ষকে জানাইল যে, উত্তর দিকে অস্বারোহী আততায়িগণ দেখা দিয়াছে । সে বলিল—ষোল ক্রোশ উত্তরে যে নগর আছে, অস্বারোহিগণ তাহা লুটপাট করিতেছে এবং অগ্নিসংযোগে পোড়াইয়া দিতেছে ।

সেনাধ্যক্ষ শুধাইল, তাহারা সংখ্যায় কত ?

পাঁচ শতের অধিক হইবে মনে হয় না, কিন্তু আমি নিশ্চয় করিয়া বলিতে পারি না ।

—তাহারা কি এ নগরে আসিবে ?

—আমার মনে হয়, এই নগরের উদ্দেশ্যেই আসিতেছিল, ঐ নগরটি পথে পড়ায় এবং তাহারা বাধা দান করায় আগে সেটিকে ধ্বংস করিয়া দিতেছে।

সেনাধ্যক্ষ বলিল—আচ্ছা, তুমি যাও, আমি যথোচিত ব্যবস্থা করিতেছি।

সেনাধ্যক্ষ রাজপুরুষগণের উদ্দেশ্যে বাত্মা করিল। সে জানিত, তাহারা কোথায় থাকিবে। স্নানাগারের দ্বিতলে বিশ্রামক্ষেত্রেই অবশ্য তাহাদের পাওয়া যাইবে। পশ্চিমধ্যে পূর্ত-সচিবকে সংগ্রহ করিয়া লইয়া তাহাকে বিপদের কথা জানাইল এবং দুইজনে স্নানাগারের বিশ্রামক্ষেত্রে দ্বিতলে গিয়া উপস্থিত হইল। সেখানে গিয়া দেখিল, রাজপুরুষরা সেখানে অক্ষত্রীড়ায় নিযুক্ত।

সেনাধ্যক্ষ সংক্ষেপে তাহাদের সব সংবাদ নিবেদন করিল, কিন্তু কেহ যে বিশ্বাস করিল, এমন বোধ হইল না।

একজন রাজপুরুষ বলিল—আপনি আমাদের বালক বলিয়া মনে করেন, তাই সদা-সর্বদা জুজুর ভয় দেখাইয়া থাকেন।

আর একজন বলিল—আজ চার বৎসর ধরিয়াই তো তাহারা আসিতেছে ! এতদিন যদি আসিয়া না থাকে, তবে আজই বা আসিবার নিশ্চয়তা কি ?

সেনাধ্যক্ষ বলিল—আজ না আসুক, কাল আসিবে।

—তবে সে কাল দেখা যাইবে। আজ আমাদের খেলা শেষ করিতে দিতে দিন।……নাও—তোমার রাজাকে সামলাও।

সেনাধ্যক্ষ রুষ্ট হইয়া উঠিল—বলিল, আপনাদের সব খেলাই একেবারে শেষ হইবে।……

—দেখো মন্ত্রী গেলো।

একজন রাজপুরুষ বলিল—শত্রু আসে—যুদ্ধ করুন।

—শত্রু আসিলে যে যুদ্ধ করিতে হয় জানি। কিন্তু যুদ্ধ করিতে সৈন্তের প্রয়োজন। আজ চার বৎসর বৃত্তি না পাইয়া সৈন্তগণ কর্মাস্তর গ্রহণ করিয়াছে, কেহ বা নগরান্তরে গিয়াছে। আর যাহারা আছে, শুধু হাতে তাহারা লড়িতে পারে না, সংস্কার অভাবে অস্ত্রশস্ত্র ব্যবহারের অযোগ্য হইয়া পড়িয়াছে।

—আমরা তাহার কি করিব ?

—কি করিব ? আপনারাই কি এজন্ত দায়ী নহেন ? সৈন্তদলের প্রাপ্য বৃত্তি দিয়া আপনারা স্নানাগার গড়িয়াছেন, নূতন নূতন লিঙ্গ-প্রতিষ্ঠায় অজস্র মুদ্রা ব্যয় করিয়াছেন—এখন আমরা কি করিব ?

—তবে এক কাজ করুন, অর্থ দ্বারা আততায়ীদের বশ করিয়া ফিরাইয়া দিন ।

—আমি ব্যবসায়ী নহি, সৈনিক, আমি যুদ্ধ করিতে পারি, কিন্তু দালালী করিতে জানি না ।

পূর্ত-সচিব বলিল—অর্থের স্বাদ তাহাদের দিবেন না, তাহা হইলে প্রতি বৎসর তাহারা অর্থের লোভে আসিয়া হাজির হইবে ।

—তখন দেখা যাইবে । এবারে তো একটা ব্যবস্থা করুন ।

—ও ব্যবস্থার মধ্যে আমি নাই । তার চেয়ে আসুন, সৈন্তদলের উপরে ভরসা না করিয়া আমরাই যুদ্ধের জন্ত প্রস্তুত হই না কেন ?

পূর্ত-সচিব বলিল—এ যুক্তি সমীচীন বলিয়া বোধ হয় ।

—হ্যাঁ, দুইজনে মিলিয়াছে ভালো ! যান, আপনারা দুইজনে লড়াই করুন গিয়া, আমরা উহার মধ্যে নাই ।

—তা থাকিবেন কেন ?

সেনাধ্যক্ষ বলিতেছেন—আপনারা স্নানাগারে আছেন, অক্ষকীড়ায় আছেন, লিঙ্গপূজায় আছেন—আপনারা যুদ্ধের মধ্যে থাকিবেন কেন ? বৃত্তি না পাইয়া সৈন্তদল ভাঙ্গিয়া গিয়াছে—কত বার আপনাদের জানাইয়াছি ! ‘এই হইবে,’ ‘আগামী বৎসর হইবে’ ! পাছে আমার গুপ্তচরেরা অশুভ সংবাদ আনিয়া আপনাদের বিলাসবাসনে বাধা জন্মায়, তাই তাহাদের ধরিয়া ধরিয়া বৃক্ষদেবের নিকটে বলি দিয়াছেন ! এখন যখন বিপদ আসন্ন, আপনারা সব দায়িত্ব ঝাড়িয়া ফেলিয়া বলিতেছেন—আমরা উহার মধ্যে নাই ।

একজন রাজপুরুষ রাগিয়া উঠিয়া বলিল—মহাশয়, অধিক ক্যাচক্যাচ করিবেন না, যান—ভাঙুন ।

এই বলিয়া একটি অক্ষগোলক সেনাধ্যক্ষকে ছুঁড়িয়া মারিল। কাষ্ঠগোলক তাহার কপালে লাগিয়া রক্ত বাহির হইল।

পূর্ত-সচিব বলিল—আপনারা বীর বটে, বন্ধুকে আঘাত করিতে হাত কুণ্ঠিত হয় না।

সেনাধ্যক্ষ বলিল—এ মন্দের ভালো! হাত একবার উঠিয়াছে। এই হাত শত্রুর বিরুদ্ধে উঠুক!

—শত্রু আপনার মাথায়।

—তাই বুঝি সেখানে আঘাত করিলেন! আপনারা কেবল বীর নন, বুদ্ধিমানও বটে!—বলিলেন পূর্ত-সচিব।

—শত্রু আসুক, তখন দেখা যাইবে।

—শত্রু অবশ্যই আসিবে, তখন আর আপনাদের দেখা পাওয়া যাইবে না।

এই বলিয়া সেনাধ্যক্ষ ও পূর্ত-সচিব স্থানত্যাগ করিয়া প্রস্থান করিল। রাজপুরুষগণ পুনরায় অক্ষজীড়ায় মনোনিবেশ করিল।

—নাও, তোমার রাজা গেলো!

—মজ্জীর দোষেই।

তৃতীয় দিন প্রাতঃকালে নগরবাসীরা এক অপূর্ব দৃশ্য দেখিতে পাইল। তাহারা দেখিল, উত্তর দিগন্তে অকালে ধূলার ঝড় উঠিয়াছে। যাহারা জাগিয়া ছিল, ভালো করিয়া দেখিবার আশায় ছাদের উপরে উঠিল; যাহারা তখনো নিদ্রিত ছিল, নগরের কোলাহলে জাগিয়া উঠিয়া ‘কি হইয়াছে’ শুধাইতে শুধাইতে বাহিরে আসিল!

সেনাধ্যক্ষ ও পূর্ত-সচিবের কাছে এ দৃশ্য অপ্রত্যাশিত নয়। তাহারা অপমানের আশঙ্কা সত্ত্বেও রাজপুরুষগণের ভবনের দিকে রওনা হইল!

পথাধ্যক্ষ জাগরিত হইয়া বলিল,—সত্যি আসিয়াছে, না সমস্তটাই আপনাদের কল্পনা!

অরণ্যাদিপতি বলিল—দূরে আছে, এদিকে না আসিতেও পারে।

সেনাধ্যক্ষ বলিল—আসিয়া পড়িলে, আপনারা ব্যক্কা করিবেন। সৈন্ত নাই,

অস্ত্র নাই, যুদ্ধ করিবার ইচ্ছা নাই, নামে মাত্র সেনাধ্যক্ষ হইয়া আমি কি করিব ?

—সে জন্ত আপনাকে হুশিয়ার করিতে হইবে না, যান।

সেনাধ্যক্ষ ও পূর্ত-সচিব সমস্ত দৃশ্যটা পর্যবেক্ষণ করিবার আশায় বাধের উপরে গিয়া উঠিল।

বাধের উপর হইতে তাহারা দেখিল যে, ধুলার দিগন্ত ক্রমে অগ্রসর হইয়া আসিতেছে, কাছে, আরো কাছে। ক্রমে ধূলিপটল ভেদ করিয়া অশ্ব ও অশ্বারোহী দৃষ্ট হইল। গুপ্তচরের অহুমান ভুল নহে, সংখ্যায় পাঁচ শতের কাছাকাছি। তাহারা দেখিল যে, পাঁচ শত অশ্বারোহী নগর-সীমান্তে উপস্থিত। তেজস্বী জন্তর উপরে সমান তেজস্বী সব পুরুষ। তাহাদের সঙ্গে পশুচর্মের আচ্ছাদন, পৃষ্ঠে তুণ, স্বকলগ্ন ধনুক, দক্ষিণ হাতে দীর্ঘ বর্শা, বাম হাতে বলগাঁ; আর সকলকে ম্লান করিয়া দিতে পারে, দেহের এমন জ্যোতির্ময় কাস্তি। তাহারা দেখিল, আততায়ীদের বর্ণ গৌর, প্রশস্ত ললাট, তীক্ষ্ণ নাসিকা, দীর্ঘপ্রলম্বিত কেশ, মুখমণ্ডল গুপ্তক্সত্রহীন! শত্রু হইলেও তাহাদের মনে বিশ্বাসের ভাব উদ্ভিত হইল—হাঁ, ইহারাই দেশের অধিপতি হইবার যোগ্য বটে!

কিন্তু অলীক চিন্তার সময় তাহাদের ছিল না। তাহারা দেখিল যে, কয়েকজন রাজপুরুষ অশ্বারোহীদের নিকটে গিয়া উপস্থিত হইল। অশ্বারোহীদের কয়েকজন অশ্ব হইতে অবতরণ করিল। তারপর বহুক্ষণ ধরিয়া উভয় পক্ষে কি সব কথাবার্তা হইতে থাকিল। অবশেষে তাহারা দেখিতে পাইল যে, শকট বোঝাই করিয়া ধূলিপূর্ণ যব গম ও নানা প্রকার খাদ্য অশ্বারোহীদের নিকটে নীত হইতেছে। দেখিতে পাইল যে, মূল্যবান রঙিন চর্ম-খলিকায় বোঝাই স্ববর্ণ-মুদ্রা তাহাদের নিকটে নীত হইতেছে; তাহাদের বুঝিতে বাকী রহিল না যে, আশ্রয়কার সহজতম পন্থাটাই গৃহীত হইল। তাহারা জানিত, সহজতম পন্থায় আশ্রয়লাভ করিতে উদ্যত হইলে শেষ পর্য্যন্ত আশ্রয়বিনাশ ঘটিয়া থাকে। তারপরে তাহারা দেখিল যে, ধূলিগুলি অশ্বপৃষ্ঠে তুলিয়া লইয়া আততায়ীগণ বোড়ার মুখ উত্তরদিকে ফিরাইয়া দিল। তখন শীতের সূর্য পশ্চিমে ঢলিয়া পড়িয়াছে।

বাধ হইতে নামিবার মুখেই রাজপুরুষগণের সঙ্গে সেনাধ্যক্ষ ও তাহার সঙ্গীর সাক্ষাৎ হইল। তাহাদের দেখিতে পাইয়া পথাধ্যক্ষ বলিল—এবারে বিশ্বাস হ'লো তো যে, আমরা শত্রুর হাত হইতে আত্মরক্ষার সমর্থ !

পূর্ত-সচিব—ইহার নাম আত্মবিক্রয়, আত্মরক্ষা নয়।

পথাধ্যক্ষ। আপনারা তো লড়াই করিতে চাহিয়াছিলেন, কিন্তু বুকের পরিশ্রম অব সময়েই অনিশ্চিত, নিশ্চয়ের মধ্যে—লোককর।

সেনাধ্যক্ষ। আরও একটা বিষয়ে নিশ্চিত। পরাজিত হইলে তাহারা আর এদিকে আসিত না।

পথাধ্যক্ষ। আর আসিবে না বলিয়া গিয়াছে।

সেনাধ্যক্ষ। আর পাঁচ শত মাত্র আসিবে না, এবারে পকাশ সহস্র আসিবে।

পথাধ্যক্ষ। আবার ভীতি প্রদর্শন ?

অরক্ষাবিশিষ্ট। কেন পকাশ সহস্র আসিবে, কারণ শুনিতে পারি ?

সেনাধ্যক্ষ। প্রথম কারণ, তাহারা ভাবিয়াছিল, অজ্ঞাত লুপ্ত নগরের দ্বারা ইহাও একটি ক্ষুদ্র পত্তন, তাই সামান্য সংখ্যায় আসিয়াছিল। দ্বিতীয় কারণ, তাহারা দেখিল যে, সিদ্ধুপত্তনের ইহা সব চেয়ে সমৃদ্ধ ও বৃহত্তম নগর। তৃতীয় কারণ, বুঝিয়া গেল যে, এই নগরে কেবল স্ত্রীলোক, বালক ও কাপুরুষের বাস ; বুঝিয়া গেল যে, ইহারা শুধু কাপুরুষ নয়, নির্বোধও, নতুবা স্বতাহতির দ্বারা অগ্নিনির্বাপনের চেষ্টা করিত না। কাজেই আপনারা নিশ্চিত থাকুন, নীচের ইহারা এমন অমিত সংখ্যায় আসিবে, যাহাদের পরাস্ত করিবার বা উৎকোচ করিবার লোভ প্রদর্শিত করিবার ক্ষমতা আপনাদের নাই। চতুর্থ কারণ, ইহারা বীর পুরুষ।

পথাধ্যক্ষ। উহাদের বলিতেছেন বীর ! ঐ তো চেহারা ! পাথর-চাপা-পড়া খাসের দ্বারা, বিবর্ণ রঙ ! বসন বিনিবার বুদ্ধি নাই বলিয়া যাহারা পত্তন পরিত্যাগ করে। যেমন বীর, তেমনি বিদ্বান্, তেমনি বুদ্ধিমান্ !

সেনাধ্যক্ষ। তৎকালেই ইহাদের সম্মুখে এই পুরুষ দেশের গৌরবময়

ভবিষ্যৎ বিস্তারিত। এখনো সতর্কবাণী অবধান করুন, অবিলম্বে প্রস্তুত হোন, নতুনা অচিরকাল মধ্যে আপনাদের সমৃদ্ধি ও জীবন ঐ অন্তর্মান পৃথিবী মতো বিলয়ের দিগন্ত স্পর্শ করিবে।

সেনাধ্যক্ষের কথায় সকলের হাঁস হইল! তাই তো, সন্ধ্যা সন্ধ্যা গেল!

পাখাধাক বলিয়া উঠিল—বৃথা বিতর্কে লাভ নাই, আজ শিল্পপ্রতিষ্ঠান ভোজের নিমন্ত্রণটা বিস্তৃত হইবে না। সন্ধ্যার পরেই সময়, হান—এই দৌলের ভবন।

অত্যাশঙ্কক কার্যবস্থাটি মনে পড়িয়া যাওয়ায় সকলে জড়িত প্রহান করিল। সেনাধ্যক্ষ ও পূর্তসচিবকে কেহ আহ্বান করিল না। তাহারা সেই নির্জন অন্ধকারের মধ্যে মুড়ের মতো নিস্তব্ধভাবে দাঁড়াইয়া রহিল, পরস্পরের ঘূষের দিকে তাকাইতেও সাহস হইল না।

৪

সেনাধ্যক্ষের ভবিষ্যদবাণী সফল হইতে বড় বিলম্ব হইল না। পর বৎসর বর্ষাকালেই খবর আসিয়া পৌছিল যে, অঝারোহী আততায়ী আসিতেছে, এবারে আর পাঁচ শত মাত্র নয়, অগণ্য। শীতকালেই যুদ্ধের প্রশস্ত সময়, কিন্তু শত্রু বুঝিয়াছে, দুর্বল ও কাপুরুষকে আক্রমণে কালাকাল বিচারের প্রয়োজন নাই।

এই কয়েক মাসের মধ্যে নগরের নৈতিক মেরুদণ্ড আরও দুর্বল হইয়া পড়িয়াছে। রাজপুরুষগণ দেখিয়াছে যে, সৈন্তের চেয়ে স্বর্ণ অধিক শক্তিকর। তাহারা সৈন্তদল একেবারেই ভাঙিয়া দিয়াছে, কেবল সেনাধ্যক্ষের মুষ্টিমেয় অল্পচরকে দূর করিতে পারে নাই। সৈন্তে আর প্রয়োজন কি? শত্রুরা কি বলিয়া যায় নাই যে, তাহারা আর আসিবে না? আর যদিই বা আসে, যুদ্ধে বৃথা রক্তক্ষয় না করিয়া উৎকোচ দান করিলেই কার্য সিদ্ধ হইবে।

আবার রাজপুরুষগণের জীবনযাত্রা অল্পসরণ করিয়া নগরের সাধারণ লোকেরাও বিলাসের সুলভ সংস্করণ প্রচারণায় লাগিয়া গিয়াছে। আগে যে

অর্থ ও সামর্থ্য তাহারা চাষবাসে নিয়োগ করিত, তাহা দিয়া স্থানে স্থানে
জানাগার তৈয়ারী করিয়াছে, রাজপুরুষগণের জানাগারের মতো তেমন মনোরম
নয়, তবে মন্দও নয় ; স্থানে স্থানে লিঙ্গমূর্তি প্রতিষ্ঠা করিয়াছে, তাহার পূজায়
সাধ্যাতিরিক্ত ব্যয় করিয়া থাকে ; আর আগে যাহাদের গমের ও ঘবের কুটি
হইলে চলিত, এখন অন্ততঃ তাহার সঙ্গে মাছ মাংসের ৫৭টি পদ আহার করিয়া
থাকে ; রাজপুরুষগণের আহাৰ্য্য কমপক্ষে দশপদী ; রাজপুরুষগণ আগে তামার
পাত্র ব্যবহার করিত, এখন রৌপ্যপাত্র ব্যবহার করে, লোকসাধারণ আগে মৃণ্ময়
পাত্র ব্যবহার করিত, এখন তাম্রপাত্র ছাড়া ব্যবহার করে না ! ফলকথা, সমস্ত
নগর বিলাসের স্রোতে গা ছাড়িয়া দিয়াছে। নদীর স্রোত সমুদ্রগামী, জাতীয়
বিলাসের স্রোত সর্বনাশের সমুদ্র পর্য্যন্ত না লইয়া গিয়া থাকে না। বিশেষ
সকলেই দেখিয়াছে যে, আর যুদ্ধবিগ্রহ করিয়া মরিবার প্রয়োজন হইবে না, তবে
আর নিয়মচর্চায় ও সামরিক শৃঙ্খলায় আবশ্যক কি ? শত্রুকে বশ করিবার মত
নূতন উপায় আবিষ্কৃত হইয়াছে। কোন সমাজ আত্মার চেয়ে অর্থের উপরে
যখন বেশী ভরসা করে, বুঝিতে হইবে, তখন সর্বনাশের আর বিলম্ব নাই।

এই সর্বনাশের প্রাবনের মধ্যে যুগল গিরিশৃঙ্গের মতো সেনাধ্যক্ষ ও পূর্ত-সচিব
অটল, অচল। সেনাধ্যক্ষ রাজপুরুষগণের ভরসা একেবারেই ছাড়িয়া দিয়াছে,
আশঙ্কার কারণ সে আর বুঝাইতেও চেষ্টা করে না ; প্রয়োজন কি ! ঐ তো
এক কথা শুনিতে হইবে,—মহাশয়, আমাদের সৈন্য নাই থাকিল, স্বর্ণ আছে।
এখন সে মুষ্টিমেয় অল্পচর লইয়া প্রস্তুত হইয়া আছে, জয় করিবার আশায় নয়,
বাধা দিবার জন্ত এবং মরিবার জন্ত। সময়বিশেষে জয়ের চেয়ে পরাজয়
অধিকতর গৌরবভোক্তক। সেনাধ্যক্ষ জানিত, স্বর্ণস্বাদলুৰ্ণ শত্রু আবার আসিবে
এবং তাহা অর্গোণে। কিন্তু পরবর্তী শীতকাল পর্য্যন্ত অপেক্ষা না করিয়া যে
বর্ষাকালেই আসিয়া দেখা দিবে, তাহা সে ভাবিতে পারে নাই।

পূর্ত-সচিবের অবস্থাও সমান অসহায়। সে সকলকে বুঝাইতে চেষ্টা
করিয়াছে যে, এবারে বস্ত্রার পঞ্চবার্ষিক জোর বাধিবার সময়, বাধ মেরামত
না করিলে নগর রক্ষা পাইবে না। কিন্তু কে কার কথা শোনে ? শঙ্কার

সতর্কবাণী বিলাসের কানে কবে প্রবেশ করিয়া থাকে? রাজপুরুষগণের সহযোগিতা ছাড়া কিছু করা সম্ভব নয়। অর্থ কোথায়? লোকজন কোথায়? সেনাধ্যক্ষের মতো তাহারও অবশ্য মুষ্টিমেয় অমুচর আছে, কিন্তু বাঁধের এখন যে অবস্থা, তাহা মুষ্টিমেয়ের সাধার অতীত। সে অবশ্যজ্ঞাবীকে মানিয়া লইয়া সর্বনাশের জঙ্ক প্রস্তুত হইয়া আছে। সেনাধ্যক্ষ ও পূর্ত-সচিব নিজেদের মধ্যে স্থির করিয়াছে যে, বর্ষাকালে উভয়ের অমুচর একত্র করিয়া বাঁধ রক্ষা করিবে এবং শীতকালে আবার উভয়ের অমুচর একত্র করিয়া আততায়ীগণকে বাধা দিতে চেষ্টা করিবে। কিন্তু তখন তাহারা কল্পনাও করিতে পারে নাই যে, দুই বিপদ একত্র আসিয়া পড়িয়া তাহাদের সমস্ত পরিকল্পনা পৰ্য্যদন্ত করিয়া দিবে। ধর্ম যখন মারে, তখন একেবারে সমূলে আঘাত করিয়া মারে।

একদিন বর্ষার প্রারম্ভে সেনাধ্যক্ষ ও পূর্ত-সচিব বাঁধের উপর ঘুরিতেছিল, পূর্ত-সচিব এখন দিনরাত্রির অনেকটা অংশই বাঁধের উপরে কাটাইয়া থাকে। মুর্মু সন্তানের শিয়রে জননীর মতো, বজ্রাপ্রহত নগরের উর্ধ্ব পূর্ত-সচিব ও সেনাধ্যক্ষ—দু'জনেই নির্নিমেষদৃষ্টি। জল প্রতিদিন বাড়িতেছে, শ্রোত প্রতিদিন প্রবলতর হইতেছে; বাঁধের উত্তরদিকের কতকটা ধ্বসিয়া পড়িয়াছে, এখনো নগরে জল প্রবেশ করে নাই বটে, তবে আর থানিকটা ভাঙ্গিয়া পড়িলেই করিবে। পূর্ত-সচিবের অমুচরেরা ভগ্নস্থান গড়িয়া তুলিতে চেষ্টা করিতেছে, কিন্তু দিনে যেটুকু গাঁথিয়া তোলে, রাত্রে জল বাড়িয়া সেটুকু ধ্বসিয়া যায়। মাল্লবের হাতে ও নদীর শ্রোতে সে এক প্রতিযোগিতা পড়িয়া গিয়াছে।

বাঁধের নীচে কারিকরেরা দেওয়াল গাঁথিতেছে, উপরে পূর্ত-সচিব ও সেনাধ্যক্ষ কথোপকথনের অবকাশে তাহাদের কাজ দেখিতেছে।

পূর্ত-সচিব। নদী ইতোমধ্যেই কত প্রসারিত হইয়া গিয়াছে, ওপার আর দেখা যায় না।

সেনাধ্যক্ষ। বর্ষার সূচনাতেই এমন তো কখনো দেখি নাই।

পূর্ত-সচিব। কাল রাত্রে এক বিচিত্র স্বপ্ন দেখিয়াছি। নদী যেন দ্বিধা হইয়া নগরকে গ্রাস করিতে উদ্যত। সে যেন সাপের দ্বিধাবিভক্ত জিহ্বা ;

একটা আসিতেছে পূব হইতে, আর একটা উত্তর হইতে, দু'টাতে মিলিয়া নগরকে জড়াইয়া ধরিতে উত্তত।

সেনাধ্যক্ষ। পূবেরটা বুঝিতে পারি, নদী। উত্তরেরটা কি ?

পূর্ত-সচিব। স্বপ্নের আবার বোঝাবুঝি !

সেনাধ্যক্ষ। বোধ করি, তাহারও প্রয়োজন আছে। উত্তর দিকের বিশৃঙ্খল আমাদের আসন্ন।

পূর্ত-সচিব। শত্রু ? সে তো শীতকালে।

সেনাধ্যক্ষ। তাহা হইলেই মন্দের ভালো। তবে রক্ষা কিছুতেই নাই। ঐ যে নগরের অগণ্য গৃহ হইতে স্থপকার্যের ধুম উঠিতেছে, উঠিতেছে দ্বীপমাণ কর্মকোলাহল, ঐ যে পথে লোক-জীবনের চঞ্চলতার চিহ্ন, আর, ঐ যে আরও দূরে ছক-কাটা স্কেটসমূহে গোষ্ঠ্যের নবানুভব, ঐ যে গৃহপালিত গো-মহিষ, ছাগ প্রভৃতি—পালনকর্তার সঙ্গে ইহারাও লোপ পাইবে !

পূর্ত-সচিব। কেমন করিয়া জানিলে ?

সেনাধ্যক্ষ। তোমার সেই স্বপ্নে দৃষ্ট দ্বিধাবিজ্ঞত জিনিস—

পূর্ত-সচিব। পূবেরটাকে হয় তো এবারেও সংযত রাখিতে পারিব।

সেনাধ্যক্ষ। কিন্তু উত্তরেরটা ? প্রকৃতির লোভ সীমাবদ্ধ, মানুষের লোভকে সংযত করিবে কার সাধ্য ?

পূর্ত-সচিব। আজ তোমাকে এত বিমর্ষ দেখিতেছি কেন ?

সেনাধ্যক্ষ। কি জানি। ও কিসের পর্জন ?

পূর্ত-সচিব। নদীর। পরিচিত পর্জন।

সেনাধ্যক্ষ। তাও বটে ! কিন্তু আজ সমস্তর উপরেই কেমন একটা অপরিচয়ের সূক্ষ্ম পর্দা যেন পড়িয়া গিয়াছে !

পরদিন প্রাতঃকালে গুপ্তচর আসিয়া জানাইল যে, উত্তরদিকে অবাঞ্ছনীয় আততায়ী দেখা দিয়াছে। এই সংবাদে সেনাধ্যক্ষ বিস্মিত বা বিচলিত কিছুই হইল না, কেবল শুধাইল সংখ্যায় কত ?

—অসংখ্য, অসংখ্য, তরবারের পরে তরঙ্গ।

ঠিক হইয়াছে। যাও, রাজপুরুষদের নিবেদন করো গিয়া। আমার আর কিছু করিবার নাই। কেবল আমার অমুচরদের বলিয়া দিয়া যাও, এখন হইতে তাহারা আমার আবাসের নিকটই যেন থাকে, ডাকিবা মাত্র যেন পাই।

শুণ্ণচর গ্রহান করিল।

তাহার কথা রাজপুরুষগণের কেহই বিশ্বাস করিল না। কেহ রাগ করিল, কেহ বিরক্ত হইল, কেহ বলিল, সেনাধ্যক্ষ একবার নিজে না আসিয়া লোক পাঠাইয়া পরীক্ষা করিতেছে, কেহ বলিল, আগে আসুক, কেহ বলিল, কোবাধ্যক্ষ যেন কিছু স্তবর্ণমুদ্রা প্রস্তুত রাখে। দূত চলিয়া গেলে তাহারা পুনরায় বিশ্রান্তালাপে মগ্ন হইল।



নগরের চিহ্নিত জীবনের আরও একটা দিন গত হইয়াছে। প্রাতঃকাল। বাঁধের উপরে দণ্ডায়মান পূর্ত-সচিব ও সেনাধ্যক্ষ। তাহারা নিজ নিজ কর্তব্য স্থির করিয়া ফেলিয়াছে এবং পরস্পরের মনও জানে। রাত্রের মধ্যে জল অনেকটা বাড়িয়াছে, কারিকরেরা ভাঙ্গা জায়গা বাঁধিবার চেষ্টা করিতেছে।

সেনাধ্যক্ষ। পূর্ত-সচিব, শেষে তোমার সেই স্বপ্নের কথাই সত্য হইয়া উঠিল দেখিতেছি।

পূর্ত-সচিব। কোন্ কথা?

সেনাধ্যক্ষ। সেই উত্তর দিকের জিহ্বা।

এবারে পূর্ত-সচিব কালকার মতো আর প্রতিবাদ করিল না, উত্তর দিকের বিপদ সম্বন্ধে এখন তাহারা নিঃসংশয়, বস্তুতঃ উত্তর দিগন্ত কখন চঞ্চল হইয়া উঠিলে, তাহা দেখিবার উদ্দেশ্যেই বাঁধের উত্তর প্রান্তে উত্তর দিকে মুখ করিয়া তাহারা দাঁড়াইয়া ছিল। যে কোন মুহূর্তে উত্তর সীমান্তে ধলা উড়িয়া উঠিলে পারে।

মধ্যাহ্ন কাটিল, অপরাহ্নও কাটিয়া গেল, রাত্রি আসিয়া পড়িল। নগরের

কোলাহল কমিল, নদীর কলগর্জন বাড়িল ; গৃহে গৃহে দীপ জ্বলিল, আকাশে তারা ফুটিল ; পূবে একখানা ঘনমেঘ উঠিল, তাহার ছায়ায় নদী চামুণ্ডামূর্তি ধরিল ।

পূর্ত-সচিব ও সেনাধ্যক্ষ বাঁধ হইতে নামিতে যাইবে, এমন সময়ে পূর্ত-সচিব চমকিয়া বলিল—ও কি !

—তাই তো ও কি !

উত্তর দিগন্তে অস্পষ্ট আলোর বিন্দু ।

—ওখানে তো আলো দেখা দিবার কথা নয় !

—যাহা নয়, তাহাই হইতে চলিয়াছে ।

—তবে কি—

কোন সন্দেহমাত্র নাই ।

প্রতি মুহূর্তে আলোর সারি দীর্ঘতর, আলোর দীপ্তি উজ্জ্বলতর হইতে এবং ক্রমে আলোর সীমানা নিকটতর হইতে লাগিল । পূর্ব হইতে পশ্চিমে যতদূর দেখা যায়, আর অসংখ্য আলোর আভায় কতদূর যে দেখা যাইতেছে, তাহার ইয়ত্তা নাই, সমস্ত আলোর ফুটকিতে ভরিয়া গিয়াছে । আকাশে তারা যেমন অগণ্য, সৈকতে বালু যেমন অসংখ্য, বনস্পতিতে পাতা যেমন অজস্র, তেমনি অগণ্য, অসংখ্য, অজস্র আলোকবিন্দু ! আততায়ী সর্পের মাথার মণির প্রভায় সজ্জ্বল হরিণ যেমন মুগ্ধ বিস্ময় অনুভব করে, নগরবাসীও তেমনি একপ্রকার ভাব অনুভব করিল । যত্ন যদি মোহন মূর্তিতে আসে, তবে তাহার ভয়াবহতা অনেকটা হ্রাস পায় । রাত্রি দুই প্রহরের মধ্যে বসন্তকালে সমস্ত প্রান্তর যেমন ছোট ছোট ফুলে ভরিয়া যায়, তেমনি মহেন-জো-দড়োর উত্তরদিক্ আলোয় আলোয় ভরিয়া গেল । আর বসন্তের অরণ্যে বাতাস বহিলে যেমন একপ্রকার মিশ্রিত গুঞ্জন শ্রুত হয়, তেমনি একপ্রকার চাপা শব্দ উঠিতে লাগিল । কিংকর্তব্যবিমূঢ় নগরবাসী সেই ভীষণ শোভার দিকে নিবন্ধদৃষ্টি হইয়া সে রাত্রিটা ছাদে ছাদে কাটাইয়া দিল ; আর স্থিরকর্তব্য সেনাধ্যক্ষ ও পূর্ত-সচিব বাঁধ হইতে অবতরণ করিল না, তাহাদের মন আজ লঘু, তাহাদের লক্ষ্য আজ স্থির ; কেবল চরাচরব্যাপী নিস্তরঙ্গতার কালো ঘোড়াটাকে নদীর কলধ্বনির চামুকের

আঘাত বারংবার চঞ্চল করিয়া তুলিতে বৃথা চেষ্টা করিতে লাগিল। উত্তর হইতে দক্ষিণ, পূর্ব হইতে পশ্চিম, সকলেই প্রভাতের অপেক্ষায় রহিল।

প্রভাত হইলে উদ্বিগ্ন নগরবাসী দেখিতে পাইল যে, দক্ষমশালপরিকীর্ণ সেই বিশাল প্রাস্তর অশ্ব ও অশ্বরোহীতে পূর্ণ। অশ্বরোহিগণের অনেকে নিদ্রিত, অনেকে সবেমাত্র জাগিয়া উঠিতেছে; অশ্বসকল স্ব স্ব স্থানে দাঁড়াইয়া, ঘাড় নীচু করিয়া, ঘাস খুটিয়া খাইতে নিযুক্ত। আবার আততায়িগণ এতক্ষণ স্পষ্টভাবে অট্টালিকারণ্যসদৃশ সেই সমৃদ্ধ নগর দেখিতে পাইল, তাহাদের উৎসাহের অবধি রহিল না।

বাধের উপর হইতে সেনাধ্যক্ষ ও পূর্ত-সচিব দেখিতে পাইল যে, নগরবাসীর একটি ক্ষুদ্র দল আততায়িশিবিরের দিকে চলিয়াছে, সঙ্গে কয়েকখানি দ্রব্যসম্ভার-পূর্ণ শকট। তাহারা বুকিতে পারিল, রাজপুরুষগণ ভেট সহকারে নবোদ্ভাবিত কোশল-প্রয়োগে নগর রক্ষা করিতে চলিয়াছে।

রাজপুরুষগণ আততায়ীদের দলপতিসমীপে উপস্থিত হইয়া খাত্যসম্ভার ও সুবর্ণমুদ্রা-পূর্ণ পেটিকা অর্পণ করিল, এবং সবিনয়ে নিবেদন করিল যে, এবারে সন্তুষ্ট হইয়া তাহাদের ফিরিয়া যাওয়া উচিত। দলপতি দ্রব্যগুলি গ্রহণ করিয়া জানাইল যে, তাহারা “আরিয়” অর্থাৎ শ্রেষ্ঠ : তাহারা উপচৌকন গ্রহণ করে, কিন্তু উৎকোচ লয় না।

পথাধ্যক্ষ বলিল—গতবারে তো লইয়াছিলে।

ক্রুদ্ধ দলপতি তাহার মুখে চাবুকের আঘাত করিয়া বলিল—চুপ্ কর বর্বর !

দলপতির আদেশে কয়েকজন লোক আসিয়া রাজপুরুষগণের বেশবাস কাড়িয়া লইয়া তাহাদের খুঁটির সহিত বাঁধিয়া ফেলিল। তারপরে দলপতির আদেশে সমস্ত প্রাস্তর চঞ্চল হইয়া উঠিল, আততায়িগণ যে যাহার অশ্বে চড়িয়া প্রস্তুত হইল।

বাধের উপর হইতে সেনাধ্যক্ষ ও পূর্ত-সচিব দেখিল যে, অশ্বরোহিগণ নগরের দিকে ধাবিত হইয়াছে, সারির পরে সারি, তরঙ্গের পরে তরঙ্গ; প্রথম দলের পদাঘাতেই রাজপুরুষগণ পিষ্ট হইয়া প্রাণত্যাগ করিল, তারপরে ঝটিকা-চালিত

সমুদ্র-তরঙ্গ যেমন তটে আঘাতের পরে আঘাত করিতে থাকে, তটভূমি রহিয়া রহিয়া কাঁপিয়া উঠিতে থাকে, তেমনি সমস্ত কাঁপিয়া কাঁপিয়া উঠিতে লাগিল। নগরবাসী যুদ্ধ করিতে ভুলিয়া গিয়াছে, তাই জীপুরুষ বালক যুদ্ধ শতে শতে পলায়ন করিতে লাগিল; একদিকে অসহায় আতঁনাদ, অপরদিকে অশ্ব ও মানুষের বিজয়োল্লাস! নগর ও নগরবাসী প্রহত, আহত, নিহত, দলিত, মথিত, মর্দিত হইতে লাগিল।

সেনাধ্যক্ষ বলিল—ভাই, আর সহ্য হয় না, চলিলাম।

পূর্ত-সচিব বুঝিল, মুষ্টিমেয় অল্পচর লইয়া সেনাধ্যক্ষ মরিতে চলিল।

পূর্ত-সচিব বলিল—যাও, আমিও আসিতেছি, কিন্তু নগর অধিকৃত হইতে দিব না—ইহা নিশ্চয় জানিও।

সেনাধ্যক্ষ তাহার মুখের দিকে চাহিয়া সব বুঝিল, তাহারা পরস্পরের মন ভালো করিয়াই জানিত।

নিঃসঙ্গ পূর্ত-সচিব দেখিল, মুষ্টিমেয় অল্পচর-খরিত সেনাধ্যক্ষ ক্ষতসৈন্যমধ্যে ঝাপাইয়া পড়িল, আর প্রবল আঘাতে তৃণখণ্ড ভাঙিয়া যেমন শত খণ্ড হইয়া কোথায় বিলীন হয়, সেনাধ্যক্ষ ও তাহার সৈন্য কয়জন মুহূর্তমধ্যে তেমনি কোথায় তলাইয়া গেল!

সেনাধ্যক্ষ তাহার ঋণ শোধ করিল, রাজপুরুষগণ আগেই করিয়াছিল, এবারে পূর্ত-সচিবের পালা। সে দেখিল যে, এমন বহু সহস্র অস্বারোহী বাধের ভিতরে আসিয়া পড়িয়াছে। সে বুঝিল, স্বেযোগ আসিয়াছে। সে একবার নদীর দিকে তাকাইল, কাল রাত্রিতে বজ্রার জল ও স্রোত দুই-ই বাড়িয়াছে।

তখন সেই যুদ্ধ বাধের উপর নতজানু হইয়া বসিয়া পড়িল, বসিয়া পড়িয়া কল্পজোড় করিয়া উদ্বেগ চাহিয়া বলিল, হে মৎস্তদেব, এ নগর তোমার, তুমি ইহাকে রক্ষা করো। হে মৎস্তদেব, এ নগর তোমার আশ্রিত, শত্রুকবলগ্রাসের শ্রানি হইতে তুমি ইহাকে রক্ষা করো। হে মৎস্তদেব, আমি দুর্বল, আমার মনে বল দাও।

জ্বরগণের সিঙ্ঘনদের দিকে তাকাইয়া বলিতে লাগিল—হে মদ, এতদিন

তোমাকে বিষম শত্রু মনে করিতাম, আজ তুমি পরম मित्र ! হে নদ, এতদিন তোমার গ্রাস হইতে নগর-রক্ষায় প্রাণপণ করিয়াছি, আজ বুঝিতেছি, তোমার গ্রাসই নগর-রক্ষার একমাত্র উপায়। হে নদ, তুমি নগর গ্রাস করো, গ্রাস করিয়া শত্রুকবল হইতে রক্ষা করো। হে নদ, তুমি মৎস্যদেবের বাহন, এ নগর মৎস্যদেবের আশ্রিত, তুমি তাহাকে আপন আচ্ছাদনে ঢাকিয়া রক্ষা করো।

তারপরে আতঁকৰ্ণ আকাশের দিকে নিক্ষেপ করিয়া চীৎকার করিয়া উঠিল,
—বল দাও, দেবতা, বল দাও।

এই বলিয়া নীচে যেখানে কারিকরগণ বাঁধ মেরামত করিতেছিল, সেখানে সে নামিয়া গেল—চীৎকার করিয়া বলিল—লাগা, লাগা, সকলে হাত লাগা।

প্রভুর উৎসাহবাক্যে সকলে দ্বিগুণ বেগে প্রাচীর গাঁথিতে সুরু করিল, কিন্তু পূর্ত-সচিব বলিল—না, না, আজ উণ্টো হাত লাগা !

—সে কি, প্রভু !

—ঐ তো রে। যখনকার বা নিয়ম ! ভাঙ ! ভাঙ ! বাঁধ ভাঙিয়া ফেল !

সকলে ভাবিল, পূর্ত-সচিব উদ্গাদ হইয়া গিয়াছে। কিন্তু অন্তর্থা করিতে পারিল না, যেহেতু তাহার প্রভুর আদেশ পালনে অভ্যস্ত, বিশেষ দেখিতে পাইল যে, স্বয়ং প্রভু বাঁধ ভাঙিবার কাজে অগ্রণী হইয়া হস্তক্ষেপ করিয়াছেন।

সকলে বাঁধ ভাঙিতে লাগিয়া গেল ! গড়া কঠিন, ভাঙা সহজ। ভাঙন অপ্রত্যাশিত দ্রুত বাড়িয়া চলিল, বিশেষ সঙ্গে ছিল বস্তার প্রচণ্ড সহযোগিতা ! দেখিতে দেখিতে দণ্ড দুই সময়ের মধ্যে বাঁধের একটা বিরাট অংশ ধ্বসিয়া পড়িয়া সেখানে জল ঢুকিল ; জলের পথ মুহূর্তে মুহূর্তে বাড়িতে লাগিল, এবং এক সময়ে একটা স্তব্ধ তরঙ্গের প্রচণ্ড ধাক্কা বাঁধের সমগ্র উত্তর অংশটা ধসিয়া পড়িয়া মৎস্যদেবের তরঙ্গশীর্ষ বিজয়রথ নগরমধ্যে বিজয় কলোলে ঢুকিয়া পড়িল।

জলের প্রথম আঘাতেই সাহুচর পূর্ত-সচিব কোথায় ভাসিয়া চলিয়া গেল ! ক্ষতকণ পরে পূর্ত-সচিবও তাহার অণশোধ করিল।

সমস্ত নদীটা যেন নগরমধ্যে ঢুকিয়া পড়িয়াছে।

অস্বারোহিণ পার্শ্বে তাকাইয়া দেখিল—এ এক অপ্রত্যাশিত সঙ্কট ! নদী

তাড়াকরিয়া পিছনে পিছনে আসিতেছে ! জল অতলম্পর্শ । তখন পিছু হটিবার তাড়া পড়িয়া গেল । একদল অস্খারোহী অপর দলকে মথিত করিতে লাগিল, সকল দলই ডুবিয়া মরিল । অস্খারোহিগণ প্রান্তরবাসী, নদীকে তাহাদের বড় ভয় ছিল, অবশেষে সেই নদীই তাহাদের আক্রমণ করিল ! সকলে ডুবিল ! নগরবাসী ও অস্খারোহী কেহই প্রাণে বাঁচিল না । কেবল যে-সব অস্খারোহী জলের সীমানার বাহিরে ছিল, তখনো নগর-সমীপে আসিয়া পৌঁছায় নাই, তাহারাই বাঁচিল ; তাহারা অশ্বের মুখ ফিরাইয়া যে পথে আসিয়াছিল, সেই পথে দ্রুততর বেগে ছুটিয়া পালাইল ।

প্রাতঃকালে যেখানে ধনজনসমৃদ্ধ মহানগর ছিল, সন্ধ্যাকালে সেখানে দেখা গেল, দুস্তর জলময় অমেয় বিস্তার !

পূর্ত-সচিব সত্যই তাহার প্রতিশ্রুতি রক্ষা করিয়াছে, নগর শত্রুগণ কর্তৃক অধিকৃত হইতে সে দেয় নাই ।

চরাচরব্যাণী সেই তরল অন্ধকারের ভূমিকার উপরে নিত্যকার মতো আজও নিঃশব্দে সন্ধ্যাতারাগুলি উঠিল ।*

* এই গল্প রচনার ঐতিহাসিকগণ কর্তৃক লিপিবদ্ধ ভাষার কাহাকাহি থাকিতে চেষ্টা করিয়াছি । মহেন্দ্রোদ্যোগের দৃষ্টি কারণ অনুমান করা হয়, গির্জার বজা ও আর্ঘ্য জ্বাতির আক্রমণ । ইতিহাসের সহিত বেটুকু করনা মিশাইলে গল্প হয়, তাহার বেশী করনা না মিশাইতে চেষ্টা করিয়াছি ।

মহালগ্ন

মাসিডনপতি দিগ্বিজয়ী সেকেন্দর শা এশিয়া মাইনর অতিক্রম করিয়া
পূর্বদিকে অগ্রসর হইতেছেন।

তাঁহার অজেয় অশ্বারোহী বাহিনীর আঘাতে ছোট-বড় কত রাজ্য ভাঙিয়া
পড়িল; পারস্ত গেল, মিশর গেল, বাহ্লীক গেল, কোন রাজ্যই তাঁহার গতি-
রোধ করিতে সমর্থ হইল না। অবশেষে তিনি হিন্দুকুশ অতিক্রম করিয়া কাবুলে
পৌছিলেন।

সেখানকার পার্বত্য অধিবাসীরা তাঁহাকে বাধা দিতে গিয়া এমন শিক্ষা
পাইল যে, তাহা ভুলিতে তাহাদের দীর্ঘকাল লাগিয়াছিল। অবশেষে তিনি
একদা বসন্তকালে সিন্ধু-নদ পার হইয়া পুণ্যভূমি ভারতবর্ষে শ্রদার্শন করিলেন।
তাঁহার আগে পাশ্চাত্য খণ্ডের আর কোন দিগ্বিজয়ী ভারতবর্ষে প্রবেশ করে
নাই, আর কাহারো মুগ্ধদৃষ্টি ভারতবর্ষের উদার সৌন্দর্য দর্শন করে নাই।

সিন্ধু নদ পার হইয়া সেকেন্দর শা তক্ষশিলা নগরীতে আসিয়া পৌছিলেন।
সিন্ধু ও বিতস্তা নদীদ্বয়ের মধ্যবর্তী ভূখণ্ড আন্তীরাজের অধিকারভুক্ত, তাহার
রাজধানী তক্ষশিলা। আন্তীরাজ তখন প্রতিবেশী রাজস্বগণের সঙ্গে যুদ্ধে লিপ্ত।
তিনি দিগ্বিজয়ী বীরকে সাদরে অভ্যর্থনা করিলেন, তিন হাজার সুগুপ্ত পুংগব ও
দশ হাজার মেঘ উপঢৌকনস্বরূপ তাঁহার শিবিরে পৌছাইয়া দিলেন। সেকেন্দর
তক্ষশিলা-রাজের ব্যবহারে প্রীত হইয়া সেনাগণকে বিশ্রামের আদেশ দিলেন।
কিন্তু তাঁহার নিজের বিশ্রামের অবকাশ ছিল না। বিতস্তার পরপার পুরুরাজের
অধিকারে। তিনি গুপ্তচর-মুখে সংবাদ পাইয়াছেন যে, পুরুরাজ বীরপুরুষ,
তিনি ত্রিশ হাজার পদাতিক, চার হাজার অশ্বারোহী, তিন শত রথ এবং দুই শত
মদমত্ত হস্তী লইয়া অপেক্ষা করিতেছেন। তাহার উপরে সম্মুখে প্রশস্ত নদী, এখন
আবার মাসের শেষে নদী বজ্রাময়ী, পরাক্রমশালী শত্রুর উগ্ৰস্থিতিতে নদী পার
হইবার উপায় তিনি চিন্তা করিতে লাগিলেন। অবশ্যই শত্রুর অগ্নোচরে নদী

পার হইতে হইবে, তাহার জন্য রাজির প্রয়োজন; নৌ-সেতু প্রস্তুত করিবার সময় পাওয়া যাইবে না, সেজন্য নদীর একটা অগভীর স্থান আবিষ্কার করা প্রয়োজন। তাঁহার সৈন্ত-সামন্তগণ যখন তরুশিলার নারী-বিক্রয়-বিপণীতে আত্মবিনোদনে মগ্ন, সেকেন্দর শা তখন সৈন্ত-ভরণবোগা স্থান সন্ধান করিয়া নদী-তীরে একাকী অসারোহণে ঘুরিয়া বেড়াইতেছেন। এই পর্য্যন্ত ইতিহাস। এর পর আমাদের গল্প।

২

মাসিডন হইতে যে সৈন্ত-বাহিনী লইয়া সেকেন্দর শা বাহির হইয়াছিলেন, তাঁহারা সকলে তরুশিলায় পৌছায় নাই। কিছু যুদ্ধে হতাহত হইয়াছে, আর অনেকে পথের বোগাযোগ রক্ষার উদ্দেশ্যে স্থানে স্থানে সন্নিবিষ্ট হইয়াছে। কিন্তু তাঁহাকে অহুসরণ করিয়া যে বিপুল জনসংখ্য ভারতে প্রবেশ করিয়াছে—তাহাকে দেখিলে সেকেন্দর শার সৈন্তসংখ্যা সম্বন্ধে ভুল ধারণা জন্মিবে। এই জনসমাবেশের সামান্য অংশই সৈন্তদল, বাকি অধিকাংশই বে-সরকারী জমতা।

এই জনতার মধ্যে গ্রীক আছে, পুরুষ আছে, গ্রীক আছে, পারসীক আছে। লাঙলের ফলা ভূমি কর্ষণ করিয়া গেলে তাহাকে অহুসরণ করিয়া যেমন ঝড়-সুঁটা, ভূপথও চলিতে থাকে, তেমনি দিগ্বিজয়ীর অপ্রতিরোধ্য পথ অহুসরণ করিয়া বিভিন্ন দেশের বিচিত্র লোক আসিয়াছে। কেহ ক্রয় বিক্রয় করিতে আসিয়াছে, কেহ সৈন্তদলে যুগীত হইবার আশায় আসিয়াছে, কেহ যুদ্ধক্ষেত্রে লুণ্ঠ করিবার আশায় আসিয়াছে, কেহ বা কোতুলে আসিয়াছে, আর আমেকে কিছু করিবার মাই বলিয়া শুধু শুধুই আসিয়াছে। এই জনতা যেসরকারী হইলেও সৈন্ত-বাহিনী ইহাদের উপরে অনেক পরিমাণে নির্ভরশীল। খাদ্য, বস্ত্র ও অন্যান্য আবশ্যক দ্রব্যের জন্য ইহাদের উপরেই নির্ভর করিতে হয়। এক মুজার দ্রব্য পাঁচ মুজা মূল্যে ইহারা বিক্রয় করে। চোরাকারবার একালের মতো সেখানেও ছিল, উহা হালের আমদানী নয়, চৌধবাকদানের মতোই উহা

নিভান্তই সনাতন। মোটকথা, এইজন্যই সেকেন্দর শাহ সৈন্ত-বাহিনীর কবিশারিরেটও চিত্তবিনোদনের ক্ষেত্র। নিভান্ত শিশু ও অশক্ত বৃদ্ধ ব্যতীত আর সব বয়সের নরনারীই এই জনতার অন্তর্ভুক্ত আগেই বলিরাছি।

৩

অন্ধকার রাত্রির প্রথম প্রহর। এখনো চাঁদ ওঠে নাই, মেঘ উঠিয়াছে, আবার ঘাসের রাতে বেমন হইয়া থাকে। বিস্তার্ত নির্জন তীরভূমি বাকলা-জাতীয় বৃক্ষে আচ্ছন্ন; তীরভূমি নির্জন, কিন্তু নির্জীব নয়, প্রথম প্রহরের ধানখেণ্ড কিছুকণ আগে প্রহর হাঁকিয়া গিয়াছে, মাঝে মাঝে এক আধ বার চকিত শৃঙ্গালের পদশব্দ শ্রুত হয়, এক আধ বার তাহার ভীত তীক্ষ্ণ ডাক শ্রবিত হয়—তাঁ ছাড়া সব নিস্তব্ধ। দূরে তক্ষশিলা নগরীর কোণাহল ও দীপমালায় আঁটা তাঁহার করিয়া দেখিলে বুঝিতে পারা যায়। আগেই বলিরাছি, এই রকম সময়ে—এই রকম স্থানে সেকেন্দর শাহ সৈন্ত-ভরণযোগ্য স্থান সন্ধান করিয়া ফিরিতেছিলেন। কিছুকণ চলিবার পরে বাবলাবনে অশ্চালনা অসম্ভব দেখিয়া একটি গাছের সহিত ষোড়া বাঁধিয়া তিনি পদব্রজে চলিতে লাগিলেন। সেই সময়ে অন্ধকারের মধ্যে আর একজন লোক ইতস্তত ঘুরিতেছিল। সতর্কভাবে বিদীক্ষণ করিলে বোঝা যায় যে, লোকটি যুবক, যুবকটি বীর, তাহার অবয়ব ও অস্ত্রশস্ত্রেই তাহা সপ্রমাণ। তাহার ডান কাঁধ হইতে একখানো সুদীর্ঘ ময়ল অসি শরীরের বাম দিকে নামিয়া গিয়াছে, বাম হাতে অশ্বরোহীর ত্রিকোণ ঢাল, অশ্ব নাই, যুবক পদব্রজে। আরও সতর্কতার সহিত দেখিলে বোঝা যাইবে, তাহার পা পাখুকাহীন, তাহার অধোবাস জাহ্নু অবধি ভেজা; বুঝা এইমাত্র জল হইতে উঠিয়াছে, বৃষ্টি সম্ভব দূর দেশ হইতে আগত, শোবাকে স্নানায় যোগে ধুলা। একদিনে মিষ্টর অনেক দিনের পথ অতিক্রম করিয়াছে; অশ্ব ব্যতীত এমন সম্ভব নয়। তাহার সিন্ধু বস্ত্রেই বর্তমান অশ্বাতাবের রহস্ত, ষোড়শটিকে পরপায়ে রাখিয়া যুবক একাকী নদী পার হইয়াছে।

বাবলা-বনের প্রান্তে দাঁড়াইয়া যুবা দূরবর্তী তক্ষশিলার দীপমালা লক্ষ্য করিল, তারপরে দ্রুত চলিতে শুরু করিল। কিছুক্ষণ চলিবার পরে সে হঠাৎ থমকিয়া দাঁড়াইল—কান পাতিয়া শুনিল—অন্ধকারের মধ্যে অদূরে আর্তস্বর। আবার শুনিল, আবার সেই আর্তস্বর এবং সেই স্বর নারী-কণ্ঠের। যুবক সেই স্বর লক্ষ্য করিয়া ছুটিল, কিন্তু বেশী ছুটিতে হইল না, দেখিল—একটি অশ্ব মাঝারি বেগে আসিতেছে, সেই অশ্বপৃষ্ঠে আর্তধ্বনি।

যুবক অগ্রসর হইয়া ঘোড়ার বজা ধরিয়া ফেলিল, বাধা পাইয়া ঘোড়া থামিল, স্বাকুনি খাইয়া ঘোড়ার পিঠ হইতে কে একজন পড়িয়া গেল, আর্তস্বর এবার ভূপতিত। এ সমস্তই লহমার মধ্যে ঘটিয়া গেল।

অশ্বপৃষ্ঠ হইতে একজন লোক, সেও যুবা এবং কোমরবন্ধের অসিতে মনে হয় বীর পুরুষ, অবতরণ করিল, আর বলগাধারী যুবককে শুধাইল—কে তুমি? আমার অশ্বরোধ করিলে কেন?

বলগাধারী বলিল—আমার পরিচয় নিস্ত্রয়োজন, কিন্তু তুমি যে চোর, তাহা বুঝিয়াছি, এই রমণীকে অপহরণ করিয়া লইয়া যাইতেছিলে।

যুবকটি বলিল—আমি চোর নই, আমি গ্রীক।

পূর্ববর্তী যুবক হাসিয়া বলিল—বেশ, তা-ই হইল, তুমি গ্রীক চোর।

এবারে গ্রীক যুবকটি বলিল—তোমার দুঃসাহসের অন্ত নাই, তুমি দ্বিধিজয়ী সেকেন্দর শার অহুচরদের চোর বলিতেছ?

—চোরের অপরাধ নাম আমাদের দেশে নাই। জিজ্ঞাসা করি, পরস্বাপহরণ করিতেছ কেন?

গ্রীক যুবা বলিল—এবারে ভুল হইল, রমণী পরস্ব নয়, ও গ্রীক।

—গ্রীসে বুঝি পরের দ্রব্য লইলে চুরি হয় না।

—তাহার উত্তর পাইতে চাও তো গ্রীসে চলো। এখন পথ ছাড়ো—

এই বলিয়া সে রমণীকে দিকে অগ্রসর হইল।

তারতীয় যুবক পথরোধ করিয়া বলিল—থামো।

গ্রীক যুবক বলিল—তোমার কি প্রাণ হারাইবার ভয় নাই?

—সে ভয় উভয়তঃ ।

—গ্রীক কখনো যুদ্ধ করিতে ভয় পায় না ।

—এবং পরস্বাপহরণ করিতেও বটে ।

প্লেমের আঘাতে যুবক ক্ষিপ্ত হইয়া উঠিয়া বলিল—তবে বর্বর, তোর তরবারি খোল ।

ভারতীয় যুবক বলিল—বেশ, তাই খুলিতেছি । কিন্তু আগে একটা প্রশ্নের উত্তর দাও দেখি, আমাকে বর্বর বলিয়া মনে হইল কেন ?

—তা' জানো না ? জগতে দুইটি জাতি আছে, গ্রীক আর বাকি সব বর্বর ! এবারে বুঝিলে ?

—গ্রীক-সভ্যতার পরিমাপ বুঝিলাম ! তারপরে শুধাইল—তরবারি খুলিব কি ?

—যদি ভয় না পাইয়া থাকো !

ভারতীয় যুবক স্বক্ৰ হইতে অসি উন্মোচিত করিল, গ্রীক যুবকটি আগেই কোমরবন্ধনীর অসি খুলিয়াছিল ।

গ্রীক অসি হস্ত, ছোরার চেয়ে কিছু বড়, ভারতীয় অসি প্রায় তিন হাত ।

গ্রীক যুবক বলিল—তোমার অসি অনেক বড়, এ অসি যুদ্ধ ভারসম্পন্ন নয় ।

—বর্বরের নিকটে স্ত্রীর আশা করো কেন ? যাই হোক, তোমার অসিখানা দেখি ! ভয় নাই, আমরা নিরস্ত্রকে আঘাত করি না, আমরা গ্রীক নই ।

গ্রীক যুবক ক্রমেই ধৈর্যহীন হইতেছিল, কিন্তু নিরুপায়, নিজের অসি ভারতীয়ের হাতে দিল ।

ভারতীয় যুবক গ্রীক অসির মাপে নিজের অসিখানা বাপিয়া জাতিয়া ফেলিল, তারপরে গ্রীকের হাতে তাহার অসি ফিরাইয়া দিয়া শুধাইল, এইবারে হইল তো ! এখন আর নিশ্চয় অন্তায় যুদ্ধ হইবে না ?

গ্রীক যুবকটি প্রতিপক্ষের শক্তি দেখিয়া বিস্মিত হইয়া গেল, আলো ঝাঁকিলে দেখা যাইত যে, তাহার কপালে বিন্দু বিন্দু ঘাম দেখা দিয়াছে ।

এবারে ভারতীয় যুবকটি বলিল—অন্ধকারে তোমার অশ্রুবিধা হইবে না ?

গ্রীক বলিল—আমার কাছে চকমকি আছে, মশাল নাই।

—সেই তো স্বাভাবিক, চোরের পক্ষে মশাল অনাবশ্যক—গৃহস্থের পক্ষে মশাল দরকার।

এবারে রমণী প্রথম কথা বলিল, সে বলিল—চকমকি আমার হাতে দাও, আমি আলো জালিয়া দিতেছি।

গ্রীক যুবক ঘোড়ার জিনের তলদেশ হইতে চকমকি ও শোলা বাহির করিয়া ভারতীয়ের হাতে দিল, ভারতীয়ের হাত হইতে রমণী লইল। তারপরে অনায়াসে আপন বহির্বাস ওহাড়নী খুলিয়া চকমকির আগুনে ধরাইয়া যুবকদ্বয়ের মধ্যে বিতরণ করিল। হঠাৎ আলো জলিয়া ওঠাতে বাবলা গাছেয় একদল পাখী কিচমিচ করিয়া উঠিল, অদূরবর্তী একটা কোতুহলী শৃগালের পীতাত্তহরিৎ চকুতারা বকমক করিয়া উঠিল, নিকটবর্তী ভূমি যেমন আলোকিত হইল, দূরবর্তী অন্ধকার ভূমি নিবিড়তর হইল।

কিন্তু যে ভক্ত এ আয়োজন, তাহাতেই ক্ষণকালের ভক্ত বাধা পড়িল—বৃদ্ধ-বালনা ভুলিয়া ঘন্টী প্রতিঘন্টী রমণীর মুখে বন্ধ-দৃষ্টি হইয়া দাঁড়াইয়া রহিল। হে-কথা হিংসা ভুলাইয়া দিতে পারে, তাহা দৈহিক নয়, তাহা আত্মার জ্যোতি। ঈশ্বর অবরোধকালে কোতুহলী হেলেন যখন নগরপ্রাচীরে উঠিত, গ্রীক ও ট্রয়-বারিষ্টা তখন জিহাংসা ভুলিয়া, জিগীষা ভুলিয়া নিশ্চয় এমনি ভাবে মুগ্ধনেত্রে দাঁড়াইয়া থাকিত।

৪

মোহ কাটিছে ভারতীয় যুবক বলিল—এবার এসো।

গ্রীকের মোহভাব তখনো সম্পূর্ণ কাটে নাই, সে আপন মনেই বলিয়া উঠিল—অন্ধকারেও তুল করি নাই।

কিন্তু ভারতীয়ের কানে গেল, সে বলিল—অভ্যস্ত চোরের চকু অন্ধকারেও তুল করে না।

প্লেবের আঘাতে গ্রীকের মোহ সম্পূর্ণ কাটিয়া গেল, উদ্ধত অসি লইয়া সে আক্রমণ করিল, ভারতীয় যুবক প্রতিরোধ সূরু করিল। সৌন্দর্যকে সাক্ষী করিয়া গ্রীক ও ভারতীয়ের ইহাই প্রথম অন্ত-বিনিময়।

দু'জনেই অসি-চালনায় সুনিপুণ, তবে ভারতীয় যুবকটি মাথায় বেশি উচু, ঐখানে তাহার সুবিধা, তার উপরে গ্রীক যুবকটি আজ প্রথম ইহাতেই বিড়ম্বিত, কাজেই সে অভ্যস্ত নিপুণতা দেখাইতে পারিতেছে না; তাই বলিয়া সে যে কুণ্ঠিত, এমন মনে করিবার কারণ নাই। তাহার হাত ও মুখ দুই-ই চলিতেছে, হাত বেশী চলিলে আজ সে জিতিত।

ভারতীয়কে একবার অসি দ্বারা আঘাতের চেষ্টা করিতে করিতে গ্রীক যুবক শুধাইল— বর্বর, তোমাকে দাহ করিব, না মাটিতে পুঁতিব ?

—সে চিন্তা করিবার সুযোগ হইবে না।

—তবু শুনিয়া রাখি। ইলিয়াড কাব্য পড়িলে জানিতে পারিতে, আমরা নিহত শত্রুর সংকার-সংস্কারে সাহায্য করিয়া থাকি।

ভারতীয় যুবক তাহাকে অসি দ্বারা আঘাত করিয়া বলিল—তোমাদের সংস্কার কি, বলিয়া রাখে।

—আঃ ! গ্রীক যুবকটি আহত হইল।—গ্রীকরা পরাজয় স্বীকার করে না।

—কিন্তু পলায়ন করে।

ঠিক সেই মুহূর্তে আহত, পৰ্ব্বদন্ত যুবকটি রণক্ষেত্র ছাড়িয়া পলাইল।

তাহার প্রতিদ্বন্দ্বী হাঃ হাঃ করিয়া হাসিয়া উঠিল।

এবারে রমণী কথা বলিল,—কি করিতেছ ! অনুসরণ করিয়া উহাকে হত্যা করো।

—পলায়নপরকে আমরা বধ করি না, তা ছাড়া চারি দিক্ বে অন্ধকার।

সত্যই অন্ধকার। রমণীর ওহাড়নী অগিয়া নিভিয়া গিয়াছে। ক্রমিক আলোকের অবসানে চতুর্দিক ঘনতর অন্ধকার।

যুবকটি রমণীকে বলিল—চলো, তোমাকে স্বর্জনগণের মধ্যে রাখিয়া আসি।

রমণী এককণে ভীত হইয়াছে, বলিল—না, না, সে হইবে না, আজ রাতে

আমি কিছুতেই নগরের দিকে যাইব না, বরঞ্চ আমাকে তোমার স্বজনগণের মধ্যে রাখিয়া এসো।

—আমার স্বজনগণ এখানে কোথায় ?

—কোথায় তোমার দেশ ?

—এই মহাদেশের প্রায় পূর্বপ্রান্তে।

—ঐ নদীর পরপারে ?

—ঐ রকম শত শত নদীর পরপারে।

বিস্মিতা রমণী বলিল—এদেশ আমাদের গ্রীসের চেয়েও বড় দেখিতেছি। তারপরে একটু ধামিয়া বলিল—তুমি যেখানে থাকো, সেখানে লইয়া চলো।

স্বক অন্ধকারের মধ্যে অজুলি নির্দেশ করিয়া বলিল—আমি নদীর মধ্যে ধীরে ঐ পাহাড়টার গুহার মধ্যে থাকি।

—ওখানে ! ওখানে কেন ?

—সে অনেক কথা। তবে এখন এইটুকু শুনিয়া রাখো যে, আমি তরুণীয়ায় আসিতেছিলাম। কালকার রাত্রি ঐ গুহায় কাটাইয়াছি, আজ সন্ধ্যার অন্ধকারে তরুণীয়া পৌছিব ভাবিয়াছিলাম, মাঝপথে এই ঘটনা।

—ভাগ্যে তোমার দেখা পাইয়াছিলাম, নতুবা আমার কি হইত !

—এখন কি করিবে বলো ?

—আমাকে তোমার গুহায় লইয়া চলো।

—ভয় করিবে না ?

—ভয় ? তুমিই তো ভয় হইতে উদ্ধার করিলে।

—আর কোন ভয় নাই তো ?

—সে তুমি জানো—

এই বলিয়া রমণী হাসিল।

—ভালো, তবে আমার সঙ্গে এসো। তখন দুইজনে অগ্রসর হইতে লাগিল।

কিছুদূর চলিবার পরে দেখিতে পাইল যে, একটি গাছে একটি ঘোড়া বাধা

রহিয়াছে। যুবক ভাবিল—এ মন্দ হইল না, একটা ঘোড়াও জুটিয়া গেল। কিন্তু ভাবিল, পরের ঘোড়া লওয়া যে পরস্বাপহরণ !

তাহার ইতস্ততঃ ভাব দেখিয়া রমণী বলিল—এ বোধ হয়, সেই লোকটার ঘোড়া।

—তবে লইতে পারি। আততায়ীর ঘোড়া লওয়া পরস্বাপহরণ নয়।

রমণী শুধাইল—তোমার ঘোড়া কি হইল? অন্ত্র দেখিয়া তোমাকে তো অস্বারোহী মনে হয়।

যুবক বলিল—আমার ঘোড়া নদীর পরপারে ছাড়িয়া দিয়াছি। আমার বিশ্বাস ছিল যে, নদীতে যখন অনেক জল, ঘোড়া পার হইবে না, কিন্তু এই দীপটা থাকাতে এখানে জল কম, হাঁটিয়া পার হওয়া যায়, আমি হাঁটিয়া পার হইয়াছি। ঘোড়াটাও হাঁটিয়া পার হইতে পারিবে।

একটু থামিয়া বলিল—সঙ্গে একটা ঘোড়া থাকা ভালো।

তখন সে ঘোড়াটাকে খুলিয়া লইয়া অগ্রসর হইল। অশ্বটি তেজস্বী, বীরের স্পর্শে সে অভ্যস্ত, যুবকের স্পর্শে বুকিল, যুবক যেই হোক, সে বীর পুরুষ। নদীতীরে আসিয়া যুবক রমণীকে বলিল—তুমি ঘোড়ায় চড়ো, আমি উহাকে পথ দেখাইয়া লইয়া যাই, নতুবা তুমি পায়ে আঘাত পাইবে, কাপড়-চোপড়ও ভিজিয়া যাইবার আশঙ্কা।

বাক্যব্যয় না করিয়া রমণী ঘোড়ায় চড়িল, যুবক তাহার বল্‌গা ধরিয়া আগে আগে সাবধানে চলিল, এবং অল্পক্ষণের মধ্যেই দীপটিতে গিয়া পৌছিল, জল কোথাও জাহ্নব বেনী নয়।

রমণী নামিল, বলিল—হাঁটিয়া আসিলেও চলিত দেখিতেছি, জল এখানে সামান্য।

যুবক বলিল—শুধু এখানে নয়, দীপের ওদিকটাতেও জল সামান্য, নদী এখানে অনায়াসে হাটিয়া পার হওয়া সম্ভব, আমি গতকাল হাঁটিয়াই পার হইয়াছি।

—অথচ নদীতে এখন বস্তা, সর্বত্র গভীর জল।

—এ দ্বীপটা একটা ডোবা পাহাড়ের অংশ, মাঝখানে এই পাহাড়টা থাকায় জল এখানে অগভীর।

এই সব কথা বলিতে বলিতে তাহারা গুহামুখে আসিয়া পৌছিল। ঘোড়াটিকে একটি পাথরের সঙ্গে বাঁধিয়া যুবক বলিল—দাঁড়াও, আলো জালি, গুহার মধ্যে চকমকি ও শোলা আছে।

রমণী দাঁড়াইলে যুবক চকমকির সাহায্যে শুকনা কাঠে আগুন জালিল। রাত্রে প্রয়োজন হইতে পারে ভাবিয়া দিনের বেলাতেই কাঠের টুকরা সংগ্রহ করিয়া রাখিয়াছিল। আলোতে গুহার ভিতরটা প্রকাশ পাইল, মাঝারি আকারের গুহা, নীচের পাথর সমতল, তার উপরে ধান দুই কষল, একটি জলপাত্র, পাশে কিছু ফল-মূল—আর কোথাও কিছু নাই।

যুবক বলিল—আমার রাজপ্রাসাদ দেখিলে তো?

রমণী অতিশয় বুদ্ধিমতী, বলিল—তুমি কি রাজার ছেলে?

—একথা কেন শুধাইতেছ?

—তোমার মুখে ঐ রাজপ্রাসাদ শব্দটা শুনিয়া।

যুবক একটু দ্বিধা করিয়া বলিল—না, আমি রাজপুত্র নই।

রমণী এবার বলিল—তবে তোমার রাজা হইবার ইচ্ছা আছে?

—রাজা হইতে কাহার না ইচ্ছা?

যুবকের পরিহাসে রমণী হাসিল, রমণীর হাসিতে যুবকটি হাসিল, পৌরুষ আর নৌর্য্য যখন একযোগে হাসে, দেবতারা সে দৃশ্য উপভোগ করিয়া ধন্ত জ্ঞান করেন।

যুবক শুধাইল—কি, এখানে রাজ্যবাস করিতে রাজি তো? এখনো বলা, তোমাকে তক্ষশিলায় রাখিয়া আসি।

—আমি এখানেই থাকিব—বলিয়া রমণী গুহা-মধ্যে ঢুকিয়া কষলের উপরে উপবেশন করিল, অগত্যা যুবা পুরুষও প্রবেশ করিল।

অগ্নিকুণ্ড নিভিয়া গেলে ভারতীয় যুবক ও গ্রীক রমণী কখনকখন পাশাপাশি শয়ন করিল। চরাচর নিস্তব্ধ ও নির্জন। কেবল কান পাতিয়া থাকিলে শোনা যায় যে, বিতস্তার পশ্চিম তীরে প্রহরী গ্রীক সৈন্তেরা তখন পাশ্চাত্যখণ্ডের আদিকবি হোমারের ইলিয়াডগাথা গান করিতেছে, আর পূর্বতীরে পুরুষোত্তম প্রহরী ভারতীয় সৈন্তেরা প্রাচ্যখণ্ডের আদি কবি বায়িকীর রামায়ণ কাব্য গান করিতেছে—আর তাকাইয়া থাকিলে গুহামুখের আকাশে আকাশপ্রান্তে দেখিতে পাওয়া যায় যে, উৎসুক সপ্তর্ষিগণ মহালয় সমাসয় জানিয়া সকৌতুহলে অপেক্ষা করিয়া আছেন। দুই আদি কবির মঙ্গল্য মন্ত্রের সঙ্গীতে, অনাদিকালের নক্ষত্রলোকের সাক্ষ্য এই মুষ্টিমেয় গুহা-মধ্যে ভারত ও য়ুনানীমণ্ডলের বসনাঞ্চলে গাঁটছড়া বাঁধা হইয়া গেল।

রাত্রি আরও গভীর হইল। আদিকবির কণ্ঠ নীরব হইয়া গেল, সপ্তর্ষিগণ নানার্থে মানসযাত্রা করিলেন, কেবল কন্দর্পের স্বর্ণোজ্জ্বল সিঁধকাঠির মতো কৃষ্ণদশমীর তীক্ষ্ণ চন্দ্রকলার আকাশের প্রান্তে সুড়ঙ্গ খুঁড়িবার আর বিরাম হইল না।

নিশান্তের অন্ধকার থাকিতেই যুবক-যুবতীর নিদ্রাভঙ্গ হইল, দুইজনে শব্দায় উঠিয়া বসিল।

তখন যুবক শুধাইল—তোমার নাম কি? রমণী বলিল—ক্লিওফিস (Kleophis)। যুবক উচ্চারণ করিল—ক্লিওফিস। এবারে রমণী শুধাইল—তোমার নাম কি?

যুবক বলিল—চন্দ্রগুপ্ত।

রমণী উচ্চারণ করিল—সানট্রাকোটাস (Santrakottas)।

উচ্চারণ করিয়াই রমণী বুঝিল—হয় নাই, অপ্রস্তুত হইয়া হাসিল।

তাহার হাসিতে যুবকটিও হাসিল, বলিল—ঠিক হইয়াছে।

তখন দুইজনে গুহার বাহিরে আসিয়া দাঁড়াইল।

বাহিরে আসিবামাত্র রমণী বিষ্ময়ে ভয়ে চীৎকার করিয়া উঠিল, বলিল—এ কি করিয়াছ?

—কেন, কি হইয়াছে ?

—এ কার ঘোড়া আনিয়াছ ?

—কেন ? কার ?

—এ যে স্বয়ং মাসিডনপতি সেকেন্দর শার ঘোড়া ! কে না চেনে ? সর্বনাশ !

ভয়ে সে বসিয়া পড়িল ।

যুবক ভীত হইবার লক্ষণ দেখাইল না, বলিল—এ তো শুভ লক্ষণ ! দিগ্বিজয়ী রাজার ঘোড়া ঘরে আনিয়াছি, আমিই কোন্ দিগ্বিজয়ী রাজা না হইব ?

—না, না, পরিহাস নয় । ওকে এখনি ছাড়িয়া দাও—

তারপরে সবিস্ময়ে বলিল—আমি ভাবিতেছি, ও তোমার সঙ্গে আসিল কেন ?

—ও বুঝিয়াছে, কালক্রমে আমিও দিগ্বিজয়ী রাজা হইব, তাই আসিয়া আজ আমার রাজপ্রাসাদটা দেখিয়া গেল ।

কিন্তু এই পরিহাসেও রমণীর ত্রাস কমিল না, তখন যুবকটি বলিল—চলো, নদীর তীরে উঠিয়া ওকে ছাড়িয়া দিতেছি ।

তারপরে বলিল—ভয় পাইও না, রাজার ঘোড়া রাখিব না, খাইতে দিব কি ? নিজেই খাইতে পাই না ।

তখন তাহারা ঘোড়াটিকে লইয়া বিস্তার পশ্চিম তীরে আসিয়া উঠিল এবং ঘোড়াটিকে ছাড়িয়া দিল । অশ্ব তক্ষশিলার অভিমুখে ছুটিল ।

যুবক যুবতীও ভিন্ন পথে তক্ষশিলার দিকে চলিল ।

সেকেন্দর শা পুনরায় আজ অপরাহ্নে অস্বারোহণে নদীতীরে আসিয়াছেন । গোপনে সৈন্ততরণ-যোগ্য স্থান এখনও খুঁজিয়া পান নাই । তাঁহার দৃষ্টি পরপারের দিগন্তে নিবদ্ধ, মর্মর-কঠিন ললাটের অভ্যন্তরে ইতিহাসের ক্রান্তিপাতী তরঙ্গের ওঠাপড়া চলিতেছে ; বল্গা শিথিলভাবে ধৃত, ঘোড়া আপন মনে চলিবার স্বযোগ পাইয়াছে ।

সেকেন্দর শার দৃষ্টি যখন ঘোড়ার দিকে ফিরিয়া আসিল, দেখিলেন যে, ঘোড়া নদীর একটি নির্জন স্থানে উপস্থিত হইয়াছে । নদীর মধ্যে একটি দ্বীপ । ঘোড়া আপন মনে নদীতে নামিতে লাগিল, কোতুহলী বীর বাধা দিলেন না, ঘোড়া

অনায়াসে নদী হাঁটিয়া পার হইয়া দ্বীপটিতে আসিয়া উপস্থিত হইল। সেকেন্দর শা আনন্দিত বিস্ময়ে চমকিয়া উঠিলেন—এত দিন তো তিনি এই স্থানটিরই সন্ধান করিতেছিলেন। তাঁহার অভ্যস্ত দৃষ্টির বৃদ্ধিতে বিলম্ব হইল না যে, দ্বীপের ওদিকেও জল অগভীর। এবারে গোপনে সৈন্ততরণযোগ্য স্থান পাওয়া গেল!

সেকেন্দর শা ভাবিলেন, ঘোড়া এ স্থানের সন্ধান পাইল কি ভাবে? তখনি তাঁহার কাল রাত্রে ঘোড়ার অকস্মাৎ অসুস্থত্বের ও সারা রাত্রি অস্থিরতার ঘটনা মনে পড়িল। তিনি স্থির করিলেন—আর কিছুই না, ঘোড়াটা উপলব্ধি মাত্র, তাঁহার সঙ্কট বৃদ্ধিতে পারিয়া তাঁহার পূর্বপুরুষ বীর হারকিউলাস ঘোড়াটাকে পথ দেখাইয়া দিয়াছে। নতুবা ঘোড়াটার কি সাধ্য! তখন তিনি শ্রদ্ধায় ও কৃতজ্ঞতায় হারকিউলাসের উদ্দেশে অভিবাদন জানাইলেন এবং তখনি হৃষ্টচিত্তে তক্ষশিলার অভিমুখে ঘোড়ার মুখ ফিরাইয়া যাত্রা করিলেন।

অসমাপ্ত কাব্য

সম্রাতি যুবরাজ কুমারগুপ্ত হুণদের সহিত সংগ্রামে জয়লাভ করিয়া রাজধানীতে ফিরিয়া আসিয়াছেন। স্বয়ং সম্রাট বিক্রমাদিত্য তাঁহাকে অভ্যর্থনা করিতে গিয়াছিলেন; সীমান্ত অবধি যাওয়া সম্ভব হয় নাই, সীমান্ত বহুদিনের পথ, তিন দিনের পথ অগ্রসর হইয়া গিয়া যুবরাজকে স্বাগত করিলেন। পিতা ও পুত্রে সাক্ষাৎ হইলে, যুবরাজ পরাজিত হুণ সেনাপতির বিচিত্র অসি মহারাজার পদপ্রান্তে রাখিয়া প্রণাম করিলেন। তিনি আশীর্বাদ করিলেন,—বৎস, তুমি সর্বজয়ী হও।

মহারাজকে অভিবাদন সারিয়া কুমারগুপ্ত অন্যান্য রাজসদ্বীর সহিত যথোপযুক্ত প্রণাম ও সম্ভাষণাদি করিলেন। প্রথমে কুলগুরুকে, পরে রাজপুরোহিতকে প্রণাম করিলেন, মহামাত্যকে নমস্কার করিলেন, প্রধান ধর্মাদিকরণকে আলিঙ্গন করিলেন, এবং সবশেষে রাজসভার যুবক কবিকে সখ্যভাবে সম্বোধন করিলেন,—এই কবি ও কুমারগুপ্ত প্রায় সমবয়সী। কবি তাঁহাকে নমস্কার করিয়া ‘হুণারি’ বলিয়া সম্বোধন করিল।

‘হুণারি’ ঐ শব্দটি অদূরবর্তী মহারাজার কানে গেল, তাঁহার বড় ভাল লাগিল, তিনি দেখিলেন, ঐ শব্দ কে উচ্চারণ করিল, সহজেই বুঝিতে পারিলেন, ঐ প্রতিভার উদ্গাতা রাজসভার যুবক কবি ছাড়া আর কেহ নয়। তিনি মনে মনে কবির প্রতি আরও সম্ভ্রষ্ট হইলেন; কেন না, প্রিয়জনকে যে বোধ্য সম্বোধনা করে, সেও প্রিয় হইয়া ওঠে।

এই যুবক কবি রাজসভাতে নবাগন্তক। কিন্তু অল্পদিনের মধ্যেই প্রতিভাবলে সে রাজার প্রিয়পাত্র এবং রাজকুমারের প্রিয় সখা হইয়া উঠিয়াছে। সেই জন্যই তিনি রাজসভার প্রাচীন কবি ও পণ্ডিতগণকে উপেক্ষা করিয়া

নবাগন্তক এই যুবকেই সঙ্গে আনিয়াছেন। নবীনের প্রতি এই অহেতুক সম্মান প্রকাশে প্রাচীনেরা তর্ক তুলিয়াছিলেন, কিন্তু সম্রাট বলিয়াছিলেন, বয়স কাহারো অধীন নয়, এই কবির বয়স অল্প সত্য, কিন্তু প্রতিভায় সে কাহারো ন্যূন নহে, আর কবির মধ্যে আমরা প্রতিভার সম্মান করি, বয়সের নয়।

তারপরে তিনি বলিলেন—তাঁহার সেই সুধাকরী অপূর্ব নাটকখানির কথা কি আপনারা ভুলিয়া গেলেন।

প্রাচীনেরা আর কি উত্তর দিবেন! তখন তাঁহারা সকলেই নাটকখানির প্রশংসাবাদ করিয়াছিলেন।

কবি রাজসভায় প্রথম আসিবার অল্পদিন পরেই চন্দ্রগুপ্ত ‘বিক্রমাদিত্য’ উপাধি গ্রহণ করেন। এই উপলক্ষ্যে একখানি নাটক রচনা করিতে তিনি কবিকে আদেশ করেন। বলেন যে, যুবক! অনেক প্রতিকূলতার বিরুদ্ধে তোমাকে কবিরূপে গ্রহণ করিয়াছি। এবারে যে সুযোগ পাইলে, তাহার সদ্যবহার করিতে ভুলিও না।

সুযোগের অপব্যবহার কবি করে নাই। এই উপলক্ষ্যে লিখিত বিক্রমোব্দিশী নাটক রসিকসমাজকে সাধারণ ভাবে ও নবগৃহীত-অভিধা স্বয়ং বিক্রমাদিত্যকে বিশেষভাবে প্রীত করিয়াছিল। তারপর হইতে যুবকের প্রতি মহারাজার স্নেহ সবিশেষ বর্ধিত হইল। অল্পকণ তাহাকে তিনি সঙ্গে রাখিতেন, এখনও সঙ্গে আনিয়াছেন।

সং কাব্য রচনার ক্ষমতা ছাড়া কবির আর একটি বিশেষ গুণ ছিল, যে ক্ষমতা সে কাব্যরসিক মহারাজা ও যুবরাজের প্রিয় পাত্র হইয়া উঠিয়াছিল।

সাধারণ লোকের পক্ষে নিশ্বাস প্রশ্বাস যেমন সহজ, কবির পক্ষে সরস ও হৃদয়গ্রাহী বাক্যপ্রয়োগ তেমনি অনায়াস ছিল। অনেক কবি সংকাব্য লেখেন বটে, কিন্তু অল্প সময় তাঁহারা অত্যন্ত নীরস। ইহার স্বভাব স্বতন্ত্র, সর্বদা একটি রসের পরিমণ্ডল ঘন ইহার চারি দিকে বিরাজিত, সংকাব্যও তাহারই অন্তর্ভুক্ত। চাঁদ সুধা ধরিয়া রাখিয়াছে, কিন্তু তাহার জ্যোৎস্না কেন ধরিয়া রাখে না, রাখিলে তাহাতেও সুধার আদ পাওয়া যাইত। তাহার বিদগ্ধ বাক্যপ্রবাহের যে

অন্যাস সরসতায় সকলে আনন্দিত হইত, তাহা কেহ সঞ্চয় করিয়া রাখিত না, রাখিলে এমন কত কাব্য ও নাটক হইতে পারিত। তাহা হয় নাই বটে, কিন্তু কবি নিজে সকলের প্রিয়পাত্র হইয়া উঠিয়াছিল। মহাকবিগণের সঙ্গ কখনোই নীরস হতে পারে না।

ঐ হুণারি শব্দে অনেক কথাই মহারাজার মনে পড়িল; মনে পড়িল, প্রাচীনগণের বাধার বিরুদ্ধে তাহাকে গ্রহণ; মনে পড়িল, প্রাচীন সভাকবি দেবভট্টের সুস্পষ্ট ঈর্ষা সত্ত্বেও নবাগন্তকের উপরে নাটক রচনার ভার সমর্পণ; মনে পড়িল, বিশ্রান্তগণের আনন্দদায়ক তাহার অজস্র কোতুকক্ষুরী বিদম্বা সুভাষিতাবলী—অবশেষে মনে পড়িল, ঐ হুণারি শব্দটি! কত স্বপ্নে, কত সংক্ষেপে, কত অন্যাসে সকলের মনের ভাব প্রকাশ পাইয়াছে উহাতে। প্রাচীন দেবভট্ট মাথা কুটিয়া মরিলেও উহা বাহির হইত না। মহারাজা স্থির করিলেন, কুমারকে ‘হুণারি’ উপাধিতে ভূষিত করিবেন আর সেই উপলক্ষ্যে কবিকে একখানি কাব্য রচনা করিতে আদেশ দিবেন।

২

রাজধানীতে ফিরিয়া মহারাজা ঘোষণা করিলেন যে, হুণজয়ী যুবরাজ কুমারগুপ্তকে তিনি ‘হুণারি’ উপাধিতে ভূষিত করিবেন। এই সংবাদে রাজধানীর উচ্চনীচ সকলেই খুলী হইল। খুলী হইবার কথাই তো, যুবরাজ সকলের প্রিয়পাত্র, তাহার গৌরবে সকলেরই গৌরব। তা ছাড়া অল্প কারণও আছে। এই উপলক্ষ্যে রাজধানীতে জনসমাগম হইবে, কেনাবেচায় বিলক্ষণ ছু’ পয়সা লাভ হইবে; যাহাদের কিনিবার বেচিবার নাই, তাহারা এই উপলক্ষ্যে অহুজ্জিত কত কোতুক তামাসা দেখিতে পাইবে, আর ফলাহারের তো কথাই নাই, রাজবাড়ীর ব্যাপার, সে এক ‘দীয়াতাং তুজাতাম্’ ব্যাপার, কেহই বাদ পড়িবে না।

মহারাজার আদেশে দূর দূরান্তে নিমন্ত্রণপত্রসমূহ প্রেরিত হইল। হুণযুদ্ধে

যে-সব সামন্ত নৃপতিগণ সাহায্য করিয়াছিল, তাহারা আসিবে; সাম্রাজ্যের বাহিরে যে-সব স্বাধীন নৃপতি আছে, তাহারাও আসিবে; ছোট বড়, আত্মত অনাহুত, রবাহুত, কেহই বাদ পড়িবে না।

একদিন রাজসভায় মহারাজা যুবক কবিকে বলিলেন—কবি, উপাধিদান উপলক্ষ্যে তোমাকেও কিছু কাজের ভার দিব

কবি বলিল—মহারাজার অর্পিত ভার মহারাজার প্রদত্ত মালার মতোই গৌরবে মস্তকে বহন করিব।

সম্রাট বলিলেন—তোমাকে একখানি কাব্য রচনা করিতে হইবে।

কবি বলিল—যে-আজ্ঞা, মহারাজ!

—তোমাকে বিশদভাবে বলিবার প্রয়োজন নাই, তুমি রসজ্ঞ, উপলক্ষ্যের মর্ম তুমি জানো, অধিক বলা অনাবশ্যক, যেহেতু কল্পনাদীন ব্যক্তিকেই বুঝাইয়া বলিবার দরকার হয়

—মহারা, আপনার কথাগুলি আমার সম্বন্ধে সত্য না হইলেও মধুর, উহাতে আমার পরিচয় না থাক, আপনার পরিচয় অবশ্যই আছে।

তারপর কবি বলিল—আপনার কাছে একটি প্রার্থনা আছে। সে প্রার্থনা পূরণ হইবার আশা আছে কি না জানি না, কিন্তু পূরণের আশা না থাকিলেও মহতের কাছেই যাক্ষা করিতে হয়, অধমের কাছে কখনোই নয়। কাব্য রচনার জন্ত কিছু সময় দিতে হইবে।

—অবশ্যই সময় পাইবে। উৎসবের এখনো বিলম্ব আছে।

—অল্পগৃহীত হইলাম, মহারাজ!

রাজা ও কবিতে যখন এইরূপ আলাপ হইতেছিল, তখন অদূরে উপবিষ্ট দেবভট্ট ঈর্ষায়, ক্রোড়ে, সংসারে জায়বিচারের অভাবে অগিয়া পুড়িয়া মরিতেছিল। তাঁহার প্রতি কাব্যরচনার ভার পড়িল না, পড়িল ঐ নবাগন্তক গ্রাম্য কবিটার উপরে—ইহাতেই তিনি নতমস্তক হইয়াছিলেন। তারপরে যখন কবির মুখে মধুরী বাক্য বাহির হইতে লাগিল, তিনি স্থির করিলেন, লোকটা ঐ সব বাক্য সংগ্রহ করিয়া সভায় আসে, নতুবা অকস্মাতের তাগিদে মাছুষ যে

এমন ভাবে কথা বলিতে পারে, তিনি বিশ্বাস করেন না। কিন্তু বিপদ এই যে, কবির দৃষ্টান্তে নিজেও ঐরূপ বাক্য ভাবিতে চেষ্টা করিয়াছেন—ভাবিয়া পান নাই। ‘ছ’ একবার কবির অল্পরূপ বাক্য সভাশূলে প্রয়োগও করিয়াছেন—কিন্তু তাহা মোহকর হয় নাই, হাস্যকর হইয়াছে।

আজ যাক্কার পাত্র সম্বন্ধে সুভাষিতটি শুনিয়া দেবভট্ট ভাবিলেন, তও কোথাকার! ধার-করা ময়ূরপুচ্ছ গায়ে লাগাইয়া আসিয়াছ, কিন্তু তুমি দাঁড়কাক ছাড়া আর কিছুই নও।

সভা ভঙ্গ হইলে সন্ধ্যার পরে তিনি রাজপুরোহিতের আবাশে গিয়া দেখা দিলেন।

৩

সেবভট্ট যখন রাজপুরোহিতের আবাশে যাইতেছিলেন, কবি যুবক তখন আরা শিলাবতীর গৃহাতিমুখে চলিতেছিল। আরা শিলাবতী মহাকালমন্দিরের প্রাঙ্গণে দেবদানী, নগরের প্রান্তে শিপ্রা নদীর তীরে তাঁহার বাসভবন। সে আপন মনে কত কি ভাবিতে ভাবিতে পথ চলিতেছিল। পথ সঙ্গীৰ্ষ এবং সর্পিণ, তারপরে সর্বত্র সমতল নয়, কাশীর গলিতে মাঝে মাঝে যেমন সোপানাবলী আছে, তেমন সোপানাবলীহেতু বন্ধুর। কিন্তু এ পথ তাহার বহুদিনের পরিচিত বলিয়া অভ্যস্তমততা তেমন বাধা জন্মাইতে পারে না। অধর্মনস্ক কবির প্রথম হ’ল হইল মহাকালমন্দিরের গভীর ঘণ্টাধ্বনিতে। সে চমকিয়া উঠিল—এ কি, ইতোমধ্যে এতদূরে আসিয়া পড়িয়াছি? তাহার মনে পড়িল—সেই প্রথম সত্যার স্মৃতি, যখন সে রাজধানীতে আসিয়া উপস্থিত হইয়াছিল; মনে পড়িল, এখানেই তাহার সঙ্গে আরা শিলাবতীর প্রথম সাক্ষাৎ হয়! সে দিন কীই বা তাহার পরিচয় ছিল, ‘ঋতু-সংস্কার’ নামে একটি পুথি কবিতামাত্র ছিল, গ্রামে থাকিতেই লেখা, সঙ্গে করিয়া আনিয়াছিল। শিলাবতীর রসবোধ আছে বটে—ঐ কবিতাটি শুনিয়াই কবির গৌরবধর ভবিষ্যৎ বুঝিতে পারিয়াছিলেন। তারপরে একদিনে শিলাবতীর

সহায়তার দাক্ষিণ্য; আর এক দিকে মালবিকাম্ভিমিত্র, বিক্রমোবশী; সেদিনকার অধ্যাত অজ্ঞাত কবি আজ রাজার সভাসদ, মহারাজার অঙ্গুগৃহীত—
গুলা তৃতীয়ার চন্দ্রকলা যেমন একটি স্নকুমার সোনার বন্ধনী পৃথিবী ও
আকাশকে সংযুক্ত করিয়া রাখে, শিলাবতীর স্নকরূপ সান্নিধ্য তেমনি কবির
অতীত ও বর্তমানকে যুক্ত করিয়া রাখিয়াছে।

চিন্তায় শিথিলগতি কবি পুনরায় দ্রুত পথ চলিতে লাগিল, কিন্তু মনটাকে
অতীতের স্মৃতি হইতে ফিরাইতে পারিল না; কবি ভাবিল, রথ সমুখের দিকে
চলিলেও পতাকার টান পিছনের দিকেই থাকিয়া যায়।

৪

শিষ্টসম্ভাষণাদির পরে দেবভট্ট ও রাজপুরোহিতের মধ্যে নিম্নলিখিতরূপ
কথাবার্তা হইতেছিল—

দেবভট্ট। তারপরে দেখলেন ব্যাপারখানা।

পুরোহিত। দেখলাম বই কি। এ তো মহারাজার যোগ্য ব্যবহার বটে।

দেবভট্ট। শেষে আপনিও এই কথা বললেন।

পুরোহিত। কেন, আপনি কি অন্তরূপ মনে করেন নাকি?

দেবভট্ট। করবো না? ঐ অর্বাচীন যুবককে।

পুরোহিত। এ কি বলছেন! যুবক অল্পবয়স্ক হ'তে পারে, কিন্তু অর্বাচীন কেন?

দেবভট্ট। অর্বাচীন নয়? এক শ বার অর্বাচীন। তারপরে কি দস্ত?

পুরোহিত। আমি এরূপ পাপমজ্জণায় নাই।

দেবভট্ট। পাপমজ্জণা? পাপমজ্জণা তো অপর পক্ষে। আমি এখনও
সেই অহঙ্কারবানী গুনতে পাচ্ছি—“শূণ্ড জনা। অর্বানাং ক্রিনামিমাং
কালিদাসস্ত।” মহাকবি কালিদাসের সংপ্রবন্ধ মনোযোগপূর্বক জ্ঞাপন করুন।

পুরোহিত। ওঃ, আপনি কালিদাসের কথা বলছেন? আমি ভেবেছিলাম
যুবরাজের কথা।

দেবভট্ট। শাস্ত্রম্ পাপম্! যুবরাজের কথা। কি আপদ্।

পুরোহিত। হাঁ, এ বিষয়ে আমরা ইতোমধ্যেই আলোচনা করেছি। আপনাকে অবহেলা করে তাকে কাব্য রচনার ভার দেওয়া উচিত হয় নি।

দেবভট্ট। মহারাজ বিশ্বত হ'য়েছেন যে, পুরাতন তওল কীটদষ্ট হ'লেও বর্ষাৰ্ধ পণ্য! আমি বলছি, যুবক এবারে একটা অনর্থ ঘটনায় বসিবে। ঐ নবাগন্তক অর্বাচীন দেবতার বিভূতি ও রাজবংশের মাহাত্ম্য সম্বন্ধে জানে কি?

পুরোহিত। এ বিষয়ে আমি আপনার সঙ্গে একমত।

দেবভট্ট। ওর কবিত্ব অধিকাংশ ক্ষেত্রেই প্রাচীন কবিগণের অনুকরণ, আমি পুঁথিপত্র ঘেটে সব প্রমাণ ক'রে দেবো। কেবল ওর নিজস্ব অহঙ্কার আর চাটুভাজী।

পুরোহিত। আপনি এ বিষয়ে একদিন প্রবন্ধ করুন।

দেবভট্ট। করবো কি! লোকটা চাটুবাদের মধু দ্বারা মহারাজা, যুবরাজ ও পাণ্ডিত্যহীন সভাসদগণকে যেরূপ মুগ্ধ ক'রে রেখেছে।

পুরোহিত। কিন্তু বিক্রমোর্বশী নাটকখানার আপনিও তো প্রশংসা ক'রেছিলেন।

দেবভট্ট। না ক'রে উপায় কি? মহারাজা প্রশংসা করলেন, কাজেই আমাকেও করতে হ'ল।

পুরোহিত। কিন্তু নাটকখানায় কবির প্রতিভাই প্রকাশ পেয়েছে।

দেবভট্ট। প্রকাশ পেয়েছে ওর চাটুবাদেয় কৌশল আর গ্রাম্যতাজাত দস্ত! মহারাজার বিক্রমাদিত্য উপাধি গ্রহণ উপলক্ষ্যটাকে সুত্র ক'রে নাটকের নাম ছিল বিক্রমোর্বশী! ব্যঞ্জন দ্বারা বুঝিয়ে দিল যে, মহারাজাই বিক্রম আর উর্বশী হচ্ছে যে পৃথিবীজাত কন্যা, অর্থাৎ কি না মহারাজা বিক্রমের দ্বারা সসাগরা পৃথিবীকে জয় করলেন। আর অমনি মহারাজকে চন্দ্রবংশোদ্ভূত বলে বর্ণনা করাও হ'ল। কি চাটুবাদ!

পুরোহিত। আমার কিন্তু এত মনে হয়নি।

দেবভট্ট। আপনার সরল মন। যার মনে হ'বার ঠিক হ'য়েছে, তারপর থেকেই লোকটার প্রতি মহারাজার প্রসাদ শতগুণে বেড়ে গিয়েছে।

পুরোহিত। সে কথা সত্য বটে।

দেবভট্ট। আমি বলে রাখছি, এই নূতন কাব্য প্রণয়ন উপলক্ষ্যে এমন নূতনতর, মধুরতর চাটুবাদ বর্ষণ করবে যে, মহারাজা আর যুবরাজ হু'জনেই অধিকতর বশীভূত হয়ে পড়বে।

পুরোহিত। তা হ'লে বলতে হবে, লোকটার শক্তি আছে।

দেবভট্ট। শক্তি না শত্রু! মাথা আর মুণ্ড! ওর পিছনে রয়েছে সেই ডাকিনীর ছায়া।

পুরোহিত। ডাকিনী? কে?

দেবভট্ট। শিলাবতী।

পুরোহিত। এ কি অনার্থ উক্তি! আর্থা শিলাবতী মহাকালের প্রধানা দেবদাসী।

দেবভট্ট। দেবদাসী! বলুন দৈত্যদাসী! ডাকিনী, নাগিনী, পার্শ্বিনী, তাপিনী! রাজসভা ও রাজদেবালয়ের মধ্যে আপনার গতিবিধি। নগরের লোক ওদের নিয়ে কি বলাবলি করে, তা আপনি জানেন না!

পুরোহিত। জনশ্রুতিতে কর্ণপাত অবিধেয়!

দেবভট্ট। জনশ্রুতি! ও লোকটা প্রথমে এসে শিলাবতীর গৃহে আশ্রয় নিয়েছিল।

পুরোহিত। একরূপ শুনেছি বটে!

দেবভট্ট। তারপরে শিলাবতীর অমুগ্রহেই প্রধানামাত্যের প্রসাদ লাভ করে লোকটা!

পুরোহিত। তাও শুনেছি! কিন্তু তর্ক এই যে, সবাই কেন ওকে প্রসাদ দিতে উত্তত।

দেবভট্ট। উত্তত হবে না? প্রধানামাত্যের প্রধানা উপপত্নী মালব দেশের মেয়ে।

পুরোহিত। তা হবে!

দেবভট্ট। আর কালিদাসের প্রথম নাটক মালবিকাগ্নিমিত্র।

পুরোহিত। সে নাটকের অভিনয়ে আমি উপস্থিত ছিলাম।

দেবভট্ট। আপনি তো কেবল নাটকই দেখেছেন।

পুরোহিত। আর কি দেখবার থাকতে পারে?

দেবভট্ট। ঐ তো বললাম, প্রধানমাত্যের প্রধান উপপত্নী মালবিকাত্মা আর নাটকখানির নাম মালবিকাগ্নিমিত্র! এবার যোগাযোগ ক'রে নিন।

পুরোহিত। ওঃ, বুঝেছি! প্রকারান্তরে তাকেই মালবিকা বলা হ'ল।

দেবভট্ট। আরও প্রকারান্তরে প্রধানমাত্যকে অগ্নিমিত্র বলা হল।

পুরোহিত। অহো, কি বুদ্ধি!

দেবভট্ট। একেই বলে পাপবুদ্ধি। তারপরে প্রধানমাত্য খুণী হয়ে মহারাজার সঙ্গে ওর পরিচয় করিয়ে দিলেন। নিছক চাটুবাদেব সোপানে লোকটা উঠছে—আরও উঠবে। দেখুন না, এবার কি ক'রে বসে! হয় তো মহারাজকে এবার স্বয়ং মহাদেব বা ইন্দ্র বলে বসবে।

পুরোহিত। আপনার প্রতি অবিচার হয়েছে সন্দেহ নেই। শুধুন পণ্ডিত-প্রবর, আমি বরঞ্চ এক কাজ করি। আমি যুবকের আবাসে গিয়ে বোঝাই যে, এ ভার তার পক্ষে গ্রহণ করা অকর্তব্য। সে ছেড়ে দিলে, এ ভার আপনার উপরে আপনি এসে পড়বে।

দেবভট্ট। আপনি ধার্মিক পুরুষ আর সরলচিত্ত ব্যক্তি, এ সঙ্কল্প আপনার মতোই হয়েছে। কিন্তু পাষণে নাস্তি কর্দমঃ—পাষণ্ড ও-সব গুনবে না। জাহাড়া, আপনি কি তাকে আবাসে গিয়ে পাবেন?

পুরোহিত। এত রাতে আর কোথায় যাবে?

দেবভট্ট। অনেক স্থান আছে, সেখানে যাওয়ার পক্ষে রাত্রিই প্রশস্ত সময়।

পুরোহিত। কোথায়?

দেবভট্ট। কোথায়? তবে শুধুন, আমি নিশ্চয় ক'রে বলছি, এখন সে শিলাবতীর কূলে।

পুরোহিত। কাব্যরসচৰ্চা হচ্ছে নিশ্চয়।

দেবভট্ট। নবরসের মধ্যে যে-কোন একটা রসের চৰ্চা যে হচ্ছে, তা নিশ্চয়।

ঠিক সেই সময়ে আৰ্ঘ্য শিলাবতী ও কালিদাসের মধ্যে নিম্নলিখিতরূপ কথোপকথন হইতেছিল—

শিলাবতী। কবি, আমি জানি, আচার্য দেবভট্ট তোমার প্রতি সন্তুষ্ট নয়, কিন্তু তাতে কি আসে যায়? মহারাজা উপলক্ষ্য মাত্র, তোমার জগৎমূর্ত্তে স্বয়ং দেবী সরস্বতী এ ভার তোমাকে দিয়েছেন। কাজেই তোমার দ্বিধা করা অহুচিত।

কালিদাস। আৰ্যে, আমার কাছে তুমিই মূর্ত্তিমতী বাণী।

শিলাবতী। আমিও উপলক্ষ্য। সুর বীণাকে আশ্রয় ক'রেই জাপে, তবু বীণায়ন্ত্র উপলক্ষ্যের অধিক নয়। যে গান বীণাকে অতিক্রম ক'রে না যায়, সে তো গানই নয়। তোমার কাব্যও উপলক্ষ্যকে অতিক্রম ক'রে যাবে! যখন তা' সম্পূর্ণ হবে, দেখতে পাবে—কোথায় উজ্জয়িনী, কোথায় উজ্জয়িনীর মহারাজা, আর কোথায়ই বা হুণযুদ্ধবিজয়ী যুবরাজ! সকলকে আচ্ছন্ন ক'রে দিয়ে সত্যন্তর হ'য়ে উঠেছে তোমার কাব্য, উপলক্ষ্যের মূল সূত্র ঢাকা পড়ে গিয়েছে তার বিকশিত দলগুলির অন্তরালে, যেমন ঢাকা দিয়েছে তোমার গলার মালার ফুলগুলিতে মালার সূত্রটি।

কালিদাস। এ মালাও যে তোমারি দান।

শিলাবতী। কিন্তু মালাও যে উপলক্ষ্য।

কালিদাস। এ কথা বার বার কেন বলছ? আজ আমি যা, তার মূলে যে তুমি।

শিলাবতী। আমার সেই প্রেরণার মূলে রয়েছে তোমার প্রতিভা। আমার সহচরী নিপুণিকা সন্ধ্যাবেলায় ঐ যুধীর মালাটি গঁথেছিল, কিন্তু ওখানে ঝকলে তো চলবে না, যাও সিংহাসনের যুধীবনে, সেখানে ফুলের প্রাচুর্য তো নিপুণিকার সৃষ্টি নয়।

কালিদাস। আমার অন্তর দিয়ে কাজ নেই।

শিলাবতী। এ কবির মতো উক্তি নয়।

কালিদাস। কেন ?

শিলাবতী। যুথীবন যেমন ফুল না ফুটিয়ে পারে নি, তোমারও কাব্য না লিখে উপায় নেই।

কালিদাস। তাতে যদি লোকে অগ্রসর হয়।

শিলাবতী। সিপ্রাতীরে এমন কীট থাকা অসম্ভব নয়, যার কাছে যুথীর সুগন্ধ মধুর নয়, তাতে কি আসে যায় ?

কালিদাস। আসল কথা কি জানো ? এসব যুদ্ধ কলহ হৃদয় আমার ভালো লাগে না—আমার ইচ্ছা করে, তোমাকে অবলম্বন ক’রে একটি পরিপূর্ণ কাব্য রচনা করি।

শিলাবতী। সে কাব্য রচিত হ’লে দেখবে, তা আমাকে অতিক্রম ক’রে অনেক দূর এগিয়ে গিয়েছে।

কালিদাস। তার কারণ, তোমার বাস্তব সত্যকে অতিক্রম ক’রে বিরাজ করছে তোমার পরম সত্য, ফুলকে অতিক্রম ক’রে যেমন বিরাজ করে তার গন্ধের পরিমণ্ডল।

শিলাবতী। সত্য কথাই বলেছ। তেমনি মানব বনের সংসারের একটি বৃহত্তর কাজেই সত্যতর রূপ বিরাজ করছে এই যুদ্ধ বিগ্রহের ক্ষুদ্র রূপের উর্ধ্বে।

কালিদাস। পড়ে মরুকগে যুদ্ধবিগ্রহ আর তার ক্ষুদ্র রূপ বৃহৎ রূপ ! শিলাবতী, তুমি সুন্দর, তুমি অপরূপ সুন্দর।

শিলাবতী। এখানেও আমি উপলব্ধ। তোমার মনে সৌন্দর্যের যে আদর্শ নীহারিকারূপে সূর্য্যমান, আমাকে অবলম্বন ক’রে তা একটা রূপ পাবার চেষ্টা করছে।

কালিদাস। লোকে ভাবে, আমি চাটুবােক্যের দ্বারা উন্নতির পথ প্রশস্ত করছি। তারা বলে যে, মালবিকাগ্নিমিত্রে মহামাত্যের স্তুতি করেছে, বিক্রমোর্ধ্বশীতে মহারাজার স্তুতি করেছে—সব মিথ্যা, মিথ্যা। তারা যদি সত্যিই জানতো আমি কার স্তুতি করছি……

শিলাবতী । কার স্তুতি করছে ।

কালিদাস । মালবিকা যার ছায়া, উর্বশী যার ছায়া, সেই নারীর ।

শিলাবতী । কে সেই সৌভাগ্যবতী ?

কালিদাস । তুমিও জানো না ? কেন ছলনা করছো—তুমি ! তুমি !
তুমি !

শিলাবতী । অবশ্যই জানতাম, কিন্তু ছলনায় যে তুমিই পড়েছো ।

কালিদাস । কেন ?

শিলাবতী । মালবিকা আর উর্বশী আর এই শিলাবতী, তিনজনেই সেই
নারীর ছায়া ।

কালিদাস । কোথায় সে ?

শিলাবতী । তোমার কল্পনায় ।

কালিদাস । কি তার নাম ?

শিলাবতী । সৌন্দর্যলক্ষ্মী—অন্ত যে-কোনও নাম দিতে পারো—তাতে কিছু
আসে যায় না ।

কালিদাস । শিলাবতি, তুমি পাষণী ।

শিলাবতী । তুমি আগেই তো একবার বলেছ স্তম্ভর ।

কালিদাস । ও দুই কি তবে এক ।

শিলাবতী । নয় কেন ? আমাদের মহাকালমন্দিরের উত্তর দিকে সেই
যক্ষিণীমূর্তিটি দেখনি ?

কালিদাস । স্তম্ভর বটে ।

শিলাবতী । ও সৌন্দর্য কি পাথরে ছাড়া আর কিছুতে ফুটে পারতো !

কালিদাস । কেন, রতির আশ্রয় কি মদন নয় ?

শিলাবতী । রতি যে মুগ্ধ সৌন্দর্যের প্রতীক, তাই তার আশ্রয় মদন । তাঁর
সঙ্গে তুলনা করো পার্বতীর, সে যে অপক্লপ, সে যে তুলনারহিত, তাই সে
অবলম্বন করেছে মহাদেবীকে ! মহৎ সৌন্দর্যের মহৎ অবলম্বন । কবি, শুনেছি
তোমার ঋতুসংহার কাব্য, মুগ্ধ সৌন্দর্যের স্তম্ভপুঞ্জ আলিঙ্গন । দেখেছি

তোমার মালবিকা আর বিক্রমোর্বশী, এ দু'টি জ্যোৎস্না রাত্রির কুমুদ কল্লার !
কিন্তু তোমার কাছে যে আমার প্রত্যাশার অবধি নেই ! এতে আমি সন্তুষ্ট
হব না। এবারে যাও, করো মহৎ সৌন্দর্যের জয়ধ্বনি, পূর্ণ বিকশিত হোক সেই
শব্দদল প্রচণ্ড সূর্যের তাপকে অন্ধের বিভূতি ক'রে ! কবি, এবারে গাও হর-
পার্বতীর মিলনবার্তা, পুড়ে মরুক তোমার মুগ্ধ মদন মহৎ সৌন্দর্যের আত্মদানের
হোমপূতাগ্নিশিখায়।

কালিদাস। এ কি মানুষে সম্ভব ?

শিলাবতী। মহামানুষে সম্ভব।

কালিদাস। মহামানুষ কে ?

শিলাবতী। মহাকবি ! আমি তো তোমার প্রতিভার অস্ত দেখি না,
পূর্বাপর-সাগরবিস্তৃত হিমালয়ের ত্রায় তোমার প্রতিভা পৃথিবীর মানদণ্ড—তার
অসম্ভব কিছু দেখি না।

কালিদাস। শিলাবতি, তোম্মাতে সবই গুণ, কেবল একটিমাত্র দোষ।

শিলাবতী। গুণ তো বুঝলাম, দোষ কি শুনি।

কালিদাস। আমার প্রতিভার প্রতি অহৈতুক আস্থা।

শিলাবতী। এ ছাড়া আর কিছু নয় তো ! তা, চাঁদের অনেক গুণের মধ্যে
একটি মাত্র দোষের মতো চোখে পড়বে না।

কালিদাস। তোমার উক্তিগুলি সুক্লান্ত, সংগ্রহ ক'রে রাখলে বাণীর
অলঙ্কার হবে।

শিলাবতী। রাখো, রাখো, তুমি পাকা জহরী।

কালিদাস। এবারে উঠি, অনেক রাত্রি হল।

শিলাবতী। মনে পড়েছে ?

কালিদাস। তোমার কাছে এলে সব ভুলে যাই।

শিলাবতী। কিন্তু তারা জোলে না, যারা অনেক রাত্রে তোমাকে কিনে
বেতে দেখে আমার কুটীর থেকে।

কালিদাস। তারা একেবারেই অভাজন। হৃদয়কে নাড়া দিতে পারে

অনেক রমণী, কিন্তু যার আবেগ করনা পর্যন্ত গিয়ে পৌছায়, তাকে নাড়া দেয়—এমন নারী দুর্লভ !

শিলাবতী । এবারে সেই দুর্লভই হোক তোমার কাব্যের বিষয় !

কালিদাস । তারই তো সাধনা করলাম এতক্ষণ, এতদিন ।

শিলাবতী । এতদিন সে ছিল কবির বিষয়, এবারে হোক কাব্যের বিষয় ।
দু'য়ে অনেক প্রভেদ ।

কালিদাস । শিলাবতী জানানো, আমি তোমাকে ভালোবাসি ।

শিলাবতী । আমি তো জানিই—এমন কি, পাড়ার লোকেরও জানতে বাঁকি নেই ।

কালিদাস । মানে, তারা ত কিছু জানে না ! তারা কি জানে যে, জোয়ারের কাদাজলের মধ্যেই পারদ থাকে—যে চাঁদ তাকে আগিরে দেয়, তাকে স্পর্শ করতে পারে না ।

শিলাবতী । কেমন ক'রে জানবে ? সংসারে সবাই তো কবি নয় । তারা শাদা চোখে দেখে, মধ্যরাত্রে এক যুবক নিঃসঙ্গ এক রমণীর ঘর থেকে বেয়েছে' । এই কি ষথেষ্ট নয় ?

কালিদাস । নিন্দার পথ আর প্রশস্ত হবার সুযোগ দেওয়া উচিত নয় ।

শিলাবতী । আগামী রাত্রি পর্যন্ত, কি বলো ?

কালিদাস । নেহাৎ মিথ্যা বলোনি, যাই আজ, আর সুযোগ দেওয়া নয়—অতএব চললাম ।

শিলাবতী । পথ নির্বিশ্ব হোক ।

কালিদাস । তোমার সুপ্তির মতো !

শিলাবতীর কুটীর নগরের একান্তে অবস্থিত । তার পরে একখানি মাঠ । মাঠের পরেই নদীতীরে মহাকালের মন্দির, সেখান হইতেই ক্রীতিমত নগরের আরম্ভ । কালিদাস কুটীর ছাড়িয়া মাঠের মাঝে পড়িল । যুধী-পরিমলের সঙ্কিত

মিশিয়া কেতকীর আর্দ্র স্নগন্ধ বাতাসে একখানি চন্দ্রাতপ বুনিয়া দিয়াছে। রাত্রি গভীর। কৃষ্ণ দশমীর চাঁদ অর্ধবিকশিত কল্লারের মতো আকাশে ভাসিতেছে, তাহার কিরণ এমন সতেজ নহে যে, নিদ্রিত পাথীর স্বপ্নভঙ্গ করিয়া অকালকুঞ্জন জাগাইয়া দেয়। নির্জন পথ ধরিয়া কবি আপন মনে চলিতেছে, মহাকালের মন্দিরের নিকটে আসিয়া তাহার চৈতন্য হইল। সেই অন্ধকারে ঘনতর অন্ধকারের মতো কালো পাথরে গড়া মন্দিরটি নিঃশব্দে দণ্ডায়মান। কবি কি ভাবিয়া তাহার অলিন্দে একটি স্তম্ভের নিকট বসিল। তাহার নিভৃত চিন্তে, গিরিগুহায় প্রতিধ্বনির মতো শিলাবতীর বাক্যগুলি ঘুরিয়া মরিতেছে। কতক্ষণ সে এভাবে বসিয়াছিল জানি না—যখন তাহার সন্নিহিত হইল, উত্তর দিকের আকাশে চাহিয়া চমকিয়া উঠিল। এক দিগন্ত হইতে অন্য দিগন্ত অবধি মেঘমালা প্রসারিত, স্তরে স্তরে মেঘ, মেঘের উপরে মেঘ, কবির মনে হইল, দেবতাস্থা নগাধিরাজ হিমালয় যেন আপন রহস্যময় বিশাল পটসন্ধানী কবির চোখের সম্মুখে মেলিয়া দিয়াছে। মেঘান্তরালে দশমীর চন্দ্রের অধিকাংশ লুপ্ত, যেটুকু দৃশ্যমান, তাহাতে রহস্য লঘুতর না হইয়া আরও ঘন হইয়া উঠিয়াছে। জলদজালের কোথাও কোথাও চন্দ্রালোক পড়িয়া গৈরিকোজ্জল গিরিগাত্রের মতো প্রতিভাত ; কোথাও ঘনাককার গিরিগুহার মতো হাস্তময়, মেঘগাত্রে ছোট ছোট বিদ্যুৎ-শিখা গিরিগাত্রে সঞ্চরণশীল কিন্নররমণীগণের মতো চঞ্চলা ; মাঝে মাঝে চাপা মেঘের ধ্বনি গিরিকন্দরে বিবর্ধিতশব্দ কুঞ্জরবিজয়ী সিংহগর্জনের মতো গভীর ; আবার সব নিস্তব্ধ ! এই মেঘমালা দর্শনে কবির কল্পনায় নগাধিরাজের দৃশ্য উদ্ঘাটিত হইয়া গেল আর জোয়ারের স্রুতপাতে যেমন এক প্রকার স্বতঃস্ফূর্ত অস্ফুট কল্লোল জাগে—তেমনি করিয়া মনে জাগিল,

অস্তুতরশ্মাং দিশি দেবতাস্থা

হিমালয়ো নাম নগাধিরাজঃ ।

চকিত কবি বুঝিল যে, কবির প্রতি সদয় মহাকাল অনাগত কাব্যের বাণীময় প্রথম ইচ্ছিতটি দান করিয়াছেন। আর বিলম্ব না করিয়া মহাকালের উদ্দেশ্যে একটি প্রণতি নিবেদন করিয়া সে উঠিয়া পড়িল।

কালিদাস নূতন কাব্য রচনা আরম্ভ করিয়াছে। প্রতি দিন সন্ধ্যাকালে নূতন রচিত সর্গটি শিলাবতীকে সে শুনাইয়া যায় আর তার পরিবর্তে শিলাবতীর প্রসন্ন হাসি ও কণ্ঠের মালা লাভ করে।

ওদিকে নগরে আসন্ন উৎসবের আয়োজন আরম্ভ হইয়াছে। উজ্জয়িনী সুরহং নগর, তৎকালীন ভারতবর্ষের অশ্রুতম বৃহৎ নগর, কিন্তু হইলে কি হয়, এত লোকসমাগম হইবে যে, কুলাইবার কথা নয়। তাই নগরের বাহিরে শিবির-সন্নিবেশ চলিতেছে। উজ্জয়িনীর এক দিকে সিপ্রা নদী, তিন দিক্ প্রাচীরে বেষ্টিত, মাঝে মাঝে বিরাট সব সিংহদ্বার। প্রাচীরের বাহিরে কতক দূর পর্যন্ত উচ্চ প্রান্তর, তারপরে শস্তক্ষেত্র। ঐ মাঠের মধ্যে সারি সারি শত শত শিবির পড়িতেছে, অসমতল স্থান কাটিয়া সমান করিয়া দেওয়া হইয়াছে। চকমিলান আকারে শিবিরসন্নিবেশ হইতেছে—এক একটি চকে 'মাঝে ফুলের বাগান রচিত হইয়াছে, ফুলের বাগানের মাঝে ফাঁক, লোক বেড়াইতে পারিবে। মাঠের একদিকে বিপণি-শ্রেণী বসিয়াছে, দূরদূরান্ত হইতে ব্যবসায়ী, বণিক আসিয়াছে, আনিয়াছে—মনোহর সব শিল্পজাত দ্রব্যাদি। কাশ্মীর হইতে কুমারিকা, গুজর হইতে মগধ, বঙ্গ ও প্রাগ্‌জ্যোতিষ সকল দেশের নৃপতিগণ, পণ্ডিতগণ, ব্যবসায়ীগণ আসিবে, অনেকে ইতোমধ্যেই আসিয়া পৌঁছিয়াছে। কেহ অশ্বে আসিয়াছেন, কেহ উষ্ট্রে, কেহ হস্তীতে, কাজের লোকেরা গো-যানে। এই সব ভারবাহী শত সহস্র পশুর খাতি যোগানো দায়, সুর্যোগ পাইলেই তাহারা শস্তক্ষেত্রে গিয়া পড়ে, তখন কৃষকে আর পশুর মালিকে কলহ বাধিয়া যায়। সমগ্র ভারতবর্ষের যাহা কিছু রম্য, যাহা কিছু কাম্য, সবই আজ উজ্জয়িনীর প্রান্ত্রে সমবেত।

একদিকে স্বাধীন নৃপতিগণের শিবির, একদিকে মিত্র-নৃপতিগণের শিবির। প্রত্যেক নৃপতির সঙ্গে তাঁহার রাজ্যের শ্রেষ্ঠ বীর, শ্রেষ্ঠ কবি ও পণ্ডিত, শ্রেষ্ঠ সব ব্যবসায়ী আসিয়াছে; একের সহিত অপরের ঐশ্বৰ্যের প্রতিযোগিতা পড়িয়া গিয়াছে—কেহ হার মানিতে রাজি নয়।

নগরের মধ্যেও জনতা অল্প নয়। প্রত্যেক গৃহস্থের বাড়ীতেই আত্মীয়স্বজন, বন্ধুবান্ধব আসিয়া ভীড় করিয়াছে, কাহারো গৃহে আর তিলধান্বণের স্থান অবশিষ্ট নাই। পথে চলা দায়। অল্পদিনের মধ্যে সরোবর যেন কূল ছাপাইয়া গিয়াছে—এমনি থমথমে থই থই ভাব।

রাজপ্রাসাদে আয়োজনের ও আড়ম্বরের বর্ণনা সম্ভব নয়।

কালিদাস যে দিন নূতন কাব্যের শেষ আখ্যাটি শিলাবতীকে শোনাইল, শিলাবতী গলার মুক্তার হার খুলিয়া কবিকণ্ঠে অর্পণ করিল। কালিদাস বলিল—আজ পুষ্পহারের বদলে মুক্তাহার কেন!

শিলাবতী। পুষ্পহার যে প্রতি দিন গাঁথতে হয়, প্রতি দিন ফেলে দিতে হয়। সে তোমার মধুর আলাপের মতো সুন্দর বটে, কিন্তু ধরে রাখবার উপায় নেই। তোমার অমর কাব্যের বোধ্য প্রতিদান এই মুক্তাহার।

কালিদাস। এবারে বলো—কেমন লাগলো?

শিলাবতী। ভাষা অক্ষম বলেই সে কথা বলবার ভার ঐ মুক্তামালার উপরে দিয়েছি।

কালিদাস। এ কি সামাজিকগণের রুচিকর হবে?

শিলাবতী। সমাজ তো ঐ রাজসভার মধ্যে আবদ্ধ নয়, দূরদেশে ও দূর কালে তা' ছড়িয়ে রয়েছে।

কালিদাস। আমার আগের রচনার তুলনায় কেমন লাগলো?

শিলাবতী। আগের রচনায় ছিল তোমার কল্পনার লীলা, এবার তোমার কল্পনা-স্রষ্টি কাব্যে নেমেছে।

কালিদাস। মহারাজ কি খুশী হবেন?

শিলাবতী। মহারাজ তো দিগ্‌নাগাচার্য নন। বেশি কি বলবো—এ কথা শুনেলে স্বয়ং হরপার্বতী তোমাকে পুরস্কৃত করবেন।

তারপরে শিলাবতী বলিল—কবি, তোমার পুঁথিখানা রেখে যাও, রাতে আর একবার পড়বো। কাল সন্ধ্যায় এসে আবার নিয়ে যেও। পরশু তো তোমার রাজসভায় পড়বার কথা।

কালিদাস পুঁথিখানা রাখিয়া বিদায় লইল।

পরদিন সন্ধ্যায় কালিদাস শিলাবতীর ভবনে পৌঁছিলে শিলাবতী বলিল,
আমার সঙ্গে এসো।

ছ'জনে একটি কক্ষে প্রবেশ করিল। সেখানে একটি ক্ষুদ্রায়ত খেতপাথরের
জলচৌকির উপরে পুঁথিখানি রক্ষিত, আর পুঁথিখানির উপরে একটি স্নকুমার
ময়ূরপুচ্ছ রহিয়াছে কালিদাস দেখিতে পাইল।

সে শুধাইল—ব্যাপার কি? ময়ূরপুচ্ছ রাখলে কেন?

—আমি রাখিনি।

—তবে রাখলে কে?

—তা হ'লে শোনো।

—কাল অনেক রাত্রি জেগে পুঁথিখানা আবার শেষ করলাম। তারপরে
কখন ঘুমিয়ে পড়েছি জানি না। স্বপ্ন দেখলাম, স্বপ্ন কুমারজননী উমা আবির্ভূত
হয়েছেন, হ'য়ে বলছেন যে, কবির কাব্য শুনে আমি খুশী হ'য়েছি—আরও খুশী
হ'য়েছি যে, কবি আর অধিক দূর অগ্রসর না হ'য়ে আমাকে লজ্জা থেকে রক্ষা
করেছে। তারপরে 'এই নাও' ব'লে কর্ণালঙ্কার থেকে একটি শিখণ্ডি বই খুলে
আমার হাতে দিলেন, বললেন যে, কবিকে আমার নাম ক'রে দিও।

—স্বপ্ন ভেঙে জেগে উঠলাম, ভাবলাম, নিশ্চয়ই বইটি পাবো। কিন্তু
স্বপ্নমাত্র মনে হ'ল, হাসি পেলো, ভাবলাম—যাক, স্বপ্ন বুধা, কাল তোমাকে বলা
যাবে—সে মন্দ মজা হবে না।

আজ সকালে উঠে পুঁথিখানার কাছে গিয়ে দেখি—এ কি! পুঁথির উপরে
এ শিখণ্ডি এলো কোথা থেকে? তবে কি কুমারজননীর আশীর্বাদ স্বপ্ন
মাত্র নয়!

আর বলিবার প্রয়োজন হইল না—আর বলিবার ছিলই বা কি!

দুটি বিম্বিত নরনারী হতবুদ্ধি হইয়া রৌমাঞ্চিত দেহে আকাশের দিকে
চাহিয়া নীরবে বসিয়া রহিল। অন্ধকার আকাশে তখন স্তরে স্তরে মেঘ দিবা
শিখিকলাপের মতো বিস্তারিত হইয়া গিয়াছে, তাহার নথরে বিধৃত পিষ্ট বিদ্যুৎ-

ক্লিষ্ট সর্পের মতো চেষ্টা করিতেছে, মেঘমুদঙ্গের গভীর ধ্বনির তালে তালে মেঘকলাপ নড়িতেছে, আর অধাস্তুরিত শুক্ল শরীর স্তিমিত আলোতে কুমার-জননীর স্নেহের স্মিতকৌতুক যেন কিছুতেই বাধা মানিতেছে না। দুইজনে মুগ্ধের মতো এই অলৌকিক দৃশ্য দেখিতে লাগিল। কতক্ষণ দেখিল জানি না, অবশেষে শিলাবতী বলিল—দেখলে ?

কালিদাস বলিল—দেখলাম।

শিলাবতী আবার বলিল—আবির্ভূত হ'য়ে আশীর্বাদ ক'রে গেলেন।

কালিদাস উঠিয়া পড়িল, বলিল—আর ভয় নাই।

৭

আজ উৎসবের দিন। সূর্যোদয়ের শুভ মুহূর্তে মহারাজা, যুবরাজ, কুলগুরু, রাজপুরোহিত ও অন্যান্য সভাসদগণ পদব্রজে মহাকালমন্দিরে গিয়া পূজা দিয়া আসিয়াছেন। ইহাই উৎসবের কার্যসূচীর প্রথম অঙ্গ।

তারপরে আত্মস্থানিকভাবে রাজসভার অধিবেশন বসিয়াছে। মহারাজা স্বয়ং অভ্যাগত নৃপতি ও পণ্ডিতবর্গকে স্বাগত জানাইয়াছেন, তাঁহারাও সময়োচিত উত্তর দিয়াছেন। তৎপর মহারাজা হুণসমরবিজয়ী কুমারগুপ্তকে ‘হুনারি’ উপাধি দানের প্রস্তাব করিলে সমগ্র সভা একবাক্যে ‘সাধু সাধু’ ধ্বনির দ্বারা মহারাজার প্রস্তাবকে সমর্থন করিয়াছেন। প্রাত্তনের অধিবেশন এখানেই সমাপ্ত। তারপর সারাদিন ধরিয়া নৃত্য গীত, কৌতুক প্রদর্শন চলিয়াছে, ‘দীপ্যতাং ভূজ্যতাং’ চলিয়াছে—মহারাজা অন্যান্য নৃপতিগণ সহ নগর পরিদর্শনে বাহির হইয়া, দর্শন দিয়া এবং দর্শন করিয়া উৎসবের সৌষ্ঠব বৃদ্ধি করিয়াছেন।

এখন সন্ধ্যাবেলা। পুনরায় রাজসভার অধিবেশন বসিয়াছে। এবারে রাজকবি সত্তপ্রগীত কাব্য পাঠ করিবেন—সাক্ষ্য অধিবেশনের ইহাই প্রধান অঙ্গ।

রাজসভার মধ্যস্থলে সিংহাসনোপরি মহারাজা উপবিষ্ট, তাঁহার বামে যুবরাজ কুমারগুপ্ত, দক্ষিণে শুভ্রকেশ, শুভ্রবেশ কুলগুরু; আরও বামে স্বাধীন ও মিত্র

নৃপতিগণ, আরও দক্ষিণে ভারতের যাবতীয় কবি ও পণ্ডিতগণ। পণ্ডিতগণের মধ্যে, তারাগণের মধ্যে বৃহস্পতির ছায় আলঙ্কারিকশ্রেষ্ঠ দিগ্‌নাগাচার্য উপবিষ্ট; তিনি বৃদ্ধ, কিন্তু শরীর এখনো ঋজু ও সবল, চোয়াল ভারি, মস্তক প্রকাণ্ড, প্রকাণ্ড একটা হাতুড়ির ছায়, ঐ হাতুড়ির আঘাতে কত কবিবংশঃপ্রার্থীর বংশঃস্তুতকে ভূগর্ভে সমূলে তলাইয়া দিয়াছেন, তাহার ইয়ত্তা নাই, স্বয়ং সরস্বতী তাঁহাকে ভয় করিয়া চলেন; তাঁহার মস্তকের চারি দিক্‌ ক্ষুর দিয়া কামানো, মাঝখানে একগুচ্ছ দীর্ঘ কেশ, দিগ্‌নাগাচার্য দুর্ধর্ষ দ্রাবিড়ী পণ্ডিত। তাঁহার পাশে বসিয়া আছেন রাজসভার প্রাচীন কবি দেবভট্ট।

সিংহাসনের সম্মুখে অদূরে, সিংহাসনের দিকে মুখ করিয়া স্বেত প্রস্তরের আসনে কালিদাস উপবিষ্ট; তাঁহার কণ্ঠে স্বেত উত্তরী ও স্বেতপদ্মের মালা, কুঞ্চিত কেশদামে একটি আকন্দ ফুলের মালা জড়িত, সম্মুখে তাঁহার ভূর্জপত্রের পুঁথি, সত্ত্বপ্রণীত কাব্য। কবির পাশে তাঁহার অন্তরঙ্গ বন্ধু নিচুল। হু'জনে সমবয়সী, হু'জনেই কবি; কবিসে নিচুল কালিদাসের সমকক্ষ নয়, কিন্তু কাব্য-রসাস্বাদে, সরসতায় বড় ন্যূন নহে, কবি শ্লেষ করিয়া বলিয়া থাকেন 'সরস নিচুল', নিচুল মানে একপ্রকার বেতগাছ। কালিদাস সখাকে বলেন—তোমরা হু'জনেই সমান সরস! নিচুল কালিদাসের গ্রামের লোক, সেখানেই থাকেন, এই উপলক্ষ্যে আসিয়াছেন।

কালিদাসের পিছনে সভাসদ, সামাজিক ও নাগরিকগণ, আর দ্বিতলের চক-মিলানে অলিন্দে জালায়তনের অন্তরালে পুরস্কীর্ণ। উপর হইতে রাজসভার মধ্যে অবতরণের জন্ত শ্রেণীবদ্ধ মর্মরসোপান—ভিতরে গতায়াত-সোপানও আছে।

সভাস্থল পুষ্পগন্ধে, ধূপ ও অগুরুর সৌরভে আমোদিত। শত শত দীপের প্রভাবে আলোকিত, সমস্ত সভা নিস্তব্ধ, তবু জনপূর্ণ বলিয়া থম্‌থম্‌ করিতেছে। এমন সময়ে সময়সূচী শব্দ বাজিয়া উঠিল, মহারাজার ইচ্ছিতে কুলগুরু উঠিয়া মঙ্গলাচরণ করিলেন—এবং তারপরে সভাস্থ সকলের অহুমতি লইয়া মহারাজা কবিকে কাব্য পাঠ করিতে অহরোধ জানাইলেন।

কবি উদ্দেশ্যে মহাকালকে প্রণাম করিলেন, মহারাজকে নমস্কার করিলেন, সভাকে নমস্কার করিলেন, এবং একবার উর্ধ্ব জালায়তনের দিকে সক্রম দৃষ্টি নিক্ষেপ করিয়া পুঁথির গ্রন্থি উন্মোচন করিলেন। কবিকে যেন কিঞ্চিৎ দ্বিধা-যুক্ত বলিয়া মনে হয়—নিচুল কাণে কাণে বলিল—ভয় নাই, প্রথম রসিকসম্ভাষণে কবিতা ও বনিতা ভীত হ'য়েই থাকে।

কালিদাস অক্ষুটস্বরে বলিল—সবাই কি রসিক, দিগ্‌নাগের ভাবথানা দেখো না।

—বেশি শুঁড় নড়িলে বেতের কাঁটা ফুটবে! তুমি নির্ভয়ে শুরু করো। কবি নতমস্তকে কাব্যের নাম ঘোষণা করিল—

—‘কুমারসম্ভবম্ মহাকাব্যম্।’

তারপরেই আবৃত্তি শুরু করিল—

অন্ত্যন্তরশ্রাং দিশি দেবতায়া

হিমালয়ো নাম নগাধিরাজঃ।

পূর্বাপরৌ তোয়নিধীবগাছ

স্থিতঃ পৃথিব্যা ইব মানদণ্ডঃ ॥

কবির কণ্ঠস্বরে একটি মোহিনী শক্তি ছিল! সে যেন শব্দের ইন্দ্রধনু, তার মধ্যে সাতটি সুর এমন অঙ্গারী মিশ্রিত যে, একটি হইতে আরটিকে স্বতন্ত্র ধারণা করা যায় না—অথচ একই সঙ্গে সাতটির স্বাদ পাওয়া যায়, সমস্ত ইন্দ্রিয়-গ্রামের উপরে, মনের উপরে একটি রঙের আবহাওয়ার সৃষ্টি করিয়া দেয়। সেই স্বরে সেই সুরে একটির পরে একটি শ্লোক ধ্বনিত হইয়া চলিল। হিমালয়ের বর্ণনার উদাত্ত অমুদাত্ত শ্লোকমালা শব্দের হিমালয় সৃষ্টি করিয়া দিল। তারপরে উমার জন্মবৃত্তান্ত ও বালালীলা কথিত হইল। দৈত্যভয়ে ভীত দেবতাগণ ব্রহ্মাসমীপে উপস্থিত হইলেন, স্বাধিকারপ্রমত্ত মদন দম্ব হইল। রতিবিলাপের শ্লোকগুলি আকুলমূর্খজা রতির স্রাব-নিষ্কর সভাকক্ষে লুটাইয়া লুটাইয়া কাঁদিতে লাগিল, তারপরে তপঃকলোদয়, উমাপ্রদান এবং সপ্তম স্বর্গে উমাপরিণয়ে বিশ্বব্যাপী আনন্দোৎসব ধ্বনিত হইয়া উঠিল—দৈত্যকবলমুক্তির আগম আশায় ব্রহ্মাও

পূর্বাশা নবরাগ ধারণ করিল। চরাচরের উল্লাসসঙ্গীতের সনে আসিয়া কবির কুমার-সম্ভবম্ মহাকাব্যের সমাপ্তি ঘটিল। কবি থামিলেও প্রতিধ্বনি থামিল না, সভার আনাচে কানাচে, স্তম্ভশ্রেণীতে, অলিন্দে, বলভিতে প্রতিধ্বনি ধম-ধম করিতে লাগিল এবং অবশেষে প্রতিধ্বনি থামিলেও শ্রোতৃবৃন্দের অন্তরে, আকাশে ঝড় থামিয়া গেলেও পর্বতগুহায় যেমন তাহার প্রতিশব্দের লীলা চলিতে থাকে, তেমনি কাব্যের স্মৃতি বার বার আবর্তিত হইতে লাগিল। মহৎ কাব্যের ধর্মই এই যে, কাব্যপাঠ শেষ না হইয়া গেলে তাহার মহত্ব হৃদয়ঙ্গম হয় না। কবি বীজ বপন করে, রসিক চিত্ত তাহাকে রসবোধের দ্বারা লালন করিয়া বনস্পতিতে পরিণত করে। যে কাব্য শেষ হইলে মনেই হয় না যে, এখনো শেষ হয় নাই—তাহা কাব্যই নয়।

কবি শেষ করিল, কিন্তু শ্রোতৃবৃন্দ তখনো স্থাগুবৎ। প্রথমে মহারাজার ধ্যানভঙ্গ হইল। তিনি বলিলেন, এরই মধ্যে শেষ হয়ে গেল! সেই বাক্যে সস্থির ফিরিয়া পাইয়া সমস্ত সভা এককণ্ঠে সাধুবাদ ধ্বনিত করিল।

তখন মহারাজা নিজ কণ্ঠের মণিমালা কবিকে অর্পণ করিতে উদ্যত হইলে দিগ্‌নাগাচার্য বলিল—মহারাজ, ক্ষণকাল অপেক্ষা করুন। কাব্য সমাপ্ত হইল বটে, কিন্তু এখনো তাহার বিচার বাকি। বিচারান্তে পুরস্কারযোগ্য বিবেচিত হইলে তখন কবিকে পুরস্কৃত করিবেন—কেহ আপত্তি করিবে না।

যুবরাজ বলিলেন, সভাস্থ রসিকবর্গের সম্মতি মোনেই কি বিচার সম্পন্ন হয় নাই?

দিগ্‌নাগাচার্য—কণ্ঠ থাকিলে শোনা যায়, কিন্তু কাব্য বিচারের পক্ষে আরো কিছু আবশ্যক।

যুবরাজ—সত্য বটে, কিন্তু আপত্তিকারী কেহ আছে কি?

দিগ্‌নাগাচার্য—আমি আছি।

পার্শ্বে উপবিষ্ট দেবভট্ট দিগ্‌নাগের ছায়ায় ছায়া মিশাইয়া একটু উসখুস করিল। তাহার গলায় গলা মিশাইয়া প্রতিধ্বনি করিল, বলিল—আমি আছি।

তখন মহারাজা বলিলেন—বেশ, এ অতি উত্তম প্রত্যাক্ষ! আগামী কল্য বিচারান্তে কবিকে পুরস্কৃত করা হইবে।

তখন সভাভঙ্গ হইল।

৮

পরদিন রাজসভায় বিচার আরম্ভ হইল সত্য, কিন্তু রাত্রিবেলাতেই নূতন কাব্য সম্বন্ধে নানা স্থানে নানারূপ মতামত ব্যক্ত হইতে লাগিল—সেটাও একরকম বিচার, এবং বোধ করি, পণ্ডিতের বিচারের চেয়ে তার মূল্য কম নয়।

অনেক রাত্রে যুবরাজ কুমারগুপ্ত শয়নকক্ষে প্রবেশ করিলে পত্নী তাঁহার কণ্ঠে একটি মাল্য পরাইয়া দিয়া বলিলেন—দেবসেনাপতি কুমারের জয় হোক।

কুমার গুপ্ত বলিলেন—আমি আবার দেব সেনাপতি হলাম কখন?

—কেন, এই যে কিছুক্ষণ আগেই রাজকবি কাব্যে বর্ণনা করলেন।

—ওঃ, সেই কাব্যের কথা বলছ?

—তুমি তবে কি ভাবলে? কবি বন্ধু থাকবার কত স্নবিধা।

—তুমি তো কেবল স্নবিধাটুকুই দেখছ।

—অস্নবিধা আর কোথায়?

কুমার যে—চিরকুমার! তার এমন লক্ষ্মী পত্নী ছিল না।

—ওঃ, আমি তবে অবাস্তব?

—না, কাব্যের অভাব বাস্তবে পূরিয়ে দিয়েছে। ঐখানে কবিত্ব উপরে সংসারের জয়।

—যাই বলো, এমন মধুর কাব্য জীবনে শুনিনি।

কুমার গুপ্ত বলিলেন—কবি কাব্য লিখলে মধুর না হয়ে যায় না। তোমার দেবভট্ট লিখলে দেখতে কি কাণ্ড ঘটতো।

...

...

...

গোড়াধিপতির শিবিরে গোড়াধিপ ও তাঁহার বয়স্কের মধ্যে আলাপ হইতেছিল—

গোড়াখিপ। লোকটা লিখেছে বটে।

বয়স্ক। লিখবে না? খায়-দায় ভালো, কোন ঝগড়া নেই।

—আরে ঝগড়া কি আমার সভাকবি রাসেন্দ্র রাজেরই আছে? লোকটার কাব্য শুনে সরস্বতীর হাসগুলো আর্তনাদ করে ওঠে।

—তা' যা বলেছেন মহারাজ!

—এক কাজ করতে পারো। লোকটাকে গোঁড়ে নিয়ে বেতে পারো।

—যাবে কি? মহারাজার অহুগৃহীত!

—অবশ্যই যাবে! কাল গিয়ে সহস্র স্বর্ণমুদ্রার লোভ দেখাও! আর সেই সঙ্গে গোড়ের জলবায়ু ও খাণ্ডদ্রব্যের প্রাচুর্যের বর্ণনাটাও করতে ভুলো না।

—যে আজ্ঞে, কাল একবার যাবো লোকটার কাছে—

—বিক্রমাদিত্যের সভাকবি আমার সভায় গেলে আমার মর্যাদা বাড়বে।

—সে আর বলতে।

... ..

কালিদাসের কুটীরে কালিদাস ও তাহার বন্ধু নিচুলের মধ্যে কথোপকথন হইতেছিল—

নিচুল। কবি, তোমার ঋতুসংহার, মালবিকা ও বিক্রম স্তকাব্য সন্দেহ নাই, কিন্তু কুমার নিঃসন্দেহ মহাকাব্য, তোমার নাম ব্যাস ও বাণ্মীকির সঙ্গে গ্রন্থিত হ'য়ে গেল।

কালিদাস। বন্ধুপ্রীতিই তোমার প্রশংসার হেতু! ব্যাস-বাণ্মীকি ছিলেন ঋষি, লৌকিক কবির নাম তাঁদের সঙ্গে উল্লেখযোগ্য নয়।

নিচুল। তাঁরাও লৌকিক কবি, অলৌকিক তাঁদের প্রতিভা!

কালিদাস। তোমার কথা সত্য হ'লে আনন্দের বিষয়।

নিচুল। সব চেয়ে বিস্ময়কর তোমার স্তম্ভ শিল্পজ্ঞান! উমা-পরিণয়ে কাব্যের সমাপ্তি—কুমারের জন্মই হ'ল না। এই যে না-বলার দ্বারা সবটুকু বললে, ব্যঞ্জনার হাতে বাস্তবের ভার ছেড়ে দিলে, এখানেই তোমার প্রতিভার

পরাকাষ্ঠা। স্বল্পশক্তিমান ব্যক্তি কাহিনীর জের শেষ পর্যন্ত টেনে নিয়ে যেতো। আর তাতেই মরতো।

কালিদাস। এই জন্তুই তো তোমাকে ‘সরস নিচুল’ বলে থাকি! কিন্তু দেখো, কাল সভায় দিগ্‌নাগ কি রকম স্থূল হস্তাবলেপ করে!

নিচুল। চমৎকার বলেছ! দিগ্‌নাগের স্থূল হস্তাবলেপ! দিগ্‌গজের শুঁড়ের স্পর্শ! কথাটা কোন কাব্যে ঢুকিয়ে দাও! অমর হ’য়ে থাকুক।

কালিদাস। সে তো পরের কথা। আগে দিগ্‌গজের শুঁড়ের আক্রমণ থেকে কবি প্রাণে বাঁচুক তো।

নিচুল। নিচুল সরস হ’তে পারে, কিন্তু তাঁরও কাঁটা আছে, হাতীর শুঁড়ে বিধবে।

... ..

রাজপুরোহিত ও দেবভট্টের মধ্যে—

দেবভট্ট। কেমন আচার্য, আমি বলেছিলাম কি না! কার্য তো ছাই, কেবল চাটুবাদ! দেখলেন তো কৌশল!

রাজপুরোহিত। সুন্দর! চমৎকার!

দেবভট্ট। আপনিও মুগ্ধ হ’য়েছেন দেখছি!

পুরোহিত। কেন আপনি কি হন নাই? তা ছাড়া চাটুবাদ কোথায়?

দেবভট্ট। কোথায় নয়? যুবরাজ কুমারগুপ্তকে বানিয়ে দিল—কুমার দেব-সেনাপতি! আর ইঙ্গিতে মহারাজা ও মহারাগীমাকে হরপার্বতী বলা হ’ল।

পুরোহিত। তাও বটে।

দেবভট্ট। লিখতে বসেছে হুণবিজয়সংগ্রাম! তার মধ্যে এই পৌরাণিক কাহিনী আসে কোথা থেকে? আর এত কাহিনী থাকতে কি না বেছে বেছে সেই কাহিনী অবলম্বন করলো, যার মধ্যে কুমার নামটি আছে। ধৃত! ষষ্ঠ! প্রবন্ধক! চাটুকার!

পুরোহিত। আপনি একবার দিগ্‌নাগ ঠাকুরকে বুঝিয়ে বলুন না কেন, কীভাবে তিনি বিচারে অবতীর্ণ হবেন।

দেবভট্ট। আপমি কি ভাবছেন, তা আমি করিনি ! সমস্ত বুঝিষে বলেছি।
আমার গৃহিণী যে মিষ্টান্ন প্রস্তুত করেছিলেন, অমনি তাও কিছু দিয়ে এসেছি।

পুরোহিত। ঠাকুর কি বলছেন ?

দেবভট্ট। দেখলাম, পণ্ডিতপ্রবর রসগ্রাহী। তিনি বললেন, যার গৃহিণী
মিষ্টান্ন প্রস্তুতে এমন দক্ষ, তিনি যে মধুর কাব্য রচনা করবেন, তা আর বিশ্বয়ের
কি ?

পুরোহিত। তস্মৈ তো কাজ পাকা করেই এসেছেন।

দেবভট্ট। তা এসেছি—এখন মহারাজা বুঝ্লে হয় ! রাজারা আবার
চাটুবাদে সহজেই মুগ্ধ হয় !

... ..

বিনিদ্র দিঙ্নাগাচার্য একাকী পদচারণা করিতেছেন, মুখমণ্ডলে দৃঢ়-
প্রতিজ্ঞার সঙ্গে প্রতিহিংসার ভাব মিশ্রিত। পদচারণা করিতে করিতে একবার
খামিতেছেন—আর আবৃত্তি করিতেছেন—

“পুরাণমিত্যেব ন সাধু সৰ্বং

ন চাপি কাব্যং নবমিত্যবদ্যম্।

সন্তঃ পরীক্ষাশ্চতরঙজন্তে,

মূঢ়ঃ পরপ্রত্যয়নৈয়বুদ্ধিঃ ॥”

অহো কি দম্ভ ! ‘ন চাপি কাব্যং নবমিত্যবদ্যম্।’ ভালো, আগামী কলা
সেই বিচারই হবে ! ‘বুদ্ধ হইলেই পণ্ডিত হয় না আর নূতন হইলেই কাব্য হয়
না ! সেই কথাই কাল প্রমাণ ক’রে দেবো—যে, বুদ্ধ হলেও পণ্ডিত হতে পারে
—আর নূতন হ’লেও কাব্য হয় না ! এ তো আমাকে লক্ষ্য করেই লিখিত !

এই বলিয়া একবার তিনি নীরব হইলেন, খামিলেন, আবার বলিতে
লাগিলেন—মহারাজার আশ্রিত হ’লেই মহাকবি হয় না !

এই পর্যন্ত বলিয়া তিনি একবার আকাশের দিকে চাহিলেন, বলিলেন—আঃ,
রজনী যে প্রভাত হ’তেই চায় না অথবা দুৰ্জনের অধিকার স্বভাবতই বিদ্যুত
মনে হয় !

দিগ্‌নাগাচার্য ধীর দৃঢ় পদক্ষেপে পদচারণা করিতেই লাগিলেন ।

...

...

...

পরদিন রাজসভায় সকলে সমবেত হইলে মহারাজা পণ্ডিত দিগ্‌নাগকে বিচারে অবতীর্ণ হইতে অমুরোধ করিলেন । দিগ্‌নাগ শুধাইলেন, উত্তরপক্ষ কে হইবে ?

নিচুল বলিল—আমি প্রস্তুত ।

কিশোরোপম মানুষটির দিকে চাহিয়া দিগ্‌নাগ অমুকম্পায় হাসিল, বলিল—
উত্তম ! তাই হোক ।

তখন দিগ্‌নাগ আরম্ভ করিল—রচনাটিকে লেখক মহাকাব্য বলিয়াছে, কিন্তু মহাকাব্য তো দূরের কথা, কাব্যই হয় নাই ।

নিচুল বলিল—দূরের কথাকে নিকটে আনিতে আজ্ঞা হোক, কেন মহাকাব্য হয় নাই ?

দিগ্‌নাগ । নবম সর্গের কমে কাব্য মহাকাব্যে পরিণত হয় না, কাব্য-
স্থানি মাত্র সপ্তসর্গ !

নিচুল । তবে তো এই ব্রহ্মাও সম্বন্ধে মহৎ শব্দ প্রযোজ্য নয়, কেন না—
ইহাও মাত্র সপ্ত সর্গে সম্পূর্ণ !

দিগ্‌নাগ । বাচালতা পরিহার করো, যুক্তির পন্থায় অবতীর্ণ হও ।

দিগ্‌নাগ যখন এই সব কথা বলিতেছিল, তখন পার্শ্বে উপবিষ্ট দেবভট্ট মন্তক
নাড়িয়া তাঁহাকে সমর্থন করিতেছিল—ভাবটা, এমন যুক্তিগ্রাহী বাক্য আর হয়
না, স্মরণে পাইলে সেও বলিতে পারিত ।

নিচুল বলিল—উপমাও এক প্রকার যুক্তি ! কিন্তু তাহা যদি গ্রাহ্য না হয়—
তবে অন্ত যুক্তি দিতেছি । মহত্ব কি বস্তুর গুরুত্বের উপরে নির্ভর করে ?
কারো কারো পক্ষে তাহাই একমাত্র নির্ভর ।

এই বলিয়া সে দিগ্‌নাগের গুরুভার দেহের প্রতি একবার কটাক্ষ করিল ।
অনেকে বুঝিল, বুঝিয়া হাসিল ।

দিগ্‌নাগ বলিল—এদেশে দেখিতেছি, বাচালতাই যুক্তির স্থান অধিকার
করেছে ।

নিচুল। মৃত্যু যুক্তির চেয়ে বাচালতা অনেক সরস! কিন্তু ভালো, জিজ্ঞাসা করি, মহাকাব্যের মহত্ব তাহার প্রকৃতিতে, না আকৃতিতে—যদি আকৃতিতে হয়, তবে অবশ্যই আমার কিছু বলিবার নাই। আর যদি প্রকৃতিতে হয়, তবে জিজ্ঞাস্ত এই যে, কুমারসম্ভবম্ কাব্যের চেয়ে মহত্তর আর কি হইতে পারিত? দৈত্যকবল হইতে স্বর্গউদ্ধারের নিমিত্ত বীরের জন্ম, মাছুষের প্রতিভা আর কি মহত্তর কল্পনা করিতে সমর্থ?

দিগ্‌নাগ। কিন্তু জন্মটা কোথায়? আসল ব্যাপারই যে উহা থাকিয়া গেল!

নিচুল। স্মৃতিকাগৃহের ভূমিষ্ঠ শিশুর ক্রন্দন না শুনিলে যাহারা জন্ম ব্যাপারটাকে কল্পনা করিতে অসমর্থ, তাহারা উত্তম সামাজিক জীব হইতে পারে, কিন্তু কাব্য সমালোচনার অধিকারী নয়।

দিগ্‌নাগ। শুধু জন্মটাই তো উহা নয়, কাব্যের আসল বিষয়টাই যে অম্লজ্ঞ রহিয়া গিয়াছে! কোথায় জন্ম, কোথায় কুমার, কোথায় দেবদৈত্যে সংগ্রাম, আর কোথায় বা স্বর্গের উদ্ধার?

নিচুল। কার্যের প্রাণ ব্যঞ্জনায়। সবটুকুই যদি করিতে হইবে, তবে তো ইতিহাস হইয়া গেল!

দিগ্‌নাগ। তাই বলিয়া কি আসল কথা অম্লজ্ঞ রাখিতে হইবে!

নিচুল। আসল কথা অবশ্যই কথিত হইয়াছে—সেইটুকুই কাব্যের বীজ! এবারে রসিক পাঠক তাহার রসবোধের দ্বারা বীজকে অঙ্কুরিত করিয়া লইবেন—যথার্থ কবির ইহাই আশা করিয়া থাকেন। সে শক্তি যাহাদের নাই, তাহারা ব্যাকরণ ও অলঙ্কারশাস্ত্রের কচ্ছায়ন লইয়া থাকুক, কার্যের ক্ষেত্রে অনাগমনই বাঞ্ছনীয়।

দিগ্‌নাগ। এ কি বিচার?

দেবভট্ট মাথা নাড়িল।

নিচুল। আপনি যাহা করিতেছেন, তাহার নাম অবিচার।

ক্রুদ্ধ দিগ্‌নাগ বৃংহণ করিয়া উঠিল, তুমি অব্যবসায়ী।

নিচুল। কিন্তু আপনিও প্রাচীনের ঠাণ্ডা কথা বলিতেছেন না।

ঈষৎ লজ্জিত হইয়া দিগ্‌নাগ বলিলেন—আমার বক্তব্য এই যে, রচনাটি মহাকাব্য নয়, তার উপরে আবার অসমাপ্ত। আর এমন রচনাকে সম্মানিত করিয়া মহারাজা রসগ্রাহীর কাজ করেন নাই।

নিচুল। মহারাজ রসগ্রাহীর কাজই করিয়াছেন—এমন হইতে পারে যে, তিনি আলঙ্কারিকের কাজ করেন নাই।

যখন দুই পক্ষ এইরূপ যুক্তির ও শ্লেষের বর্ষণ চলিতেছিল, তখন সভাস্থ সকলে নিজ নিজ রুচি অনুসারে কেহ বা এক পক্ষ, কেহ বা অপর পক্ষ অবলম্বন করিতেছিল। কাল তাহাদের অনেকেই কাব্যখানি ভালো লাগিয়াছিল, আজ অনেকেই বুঝিতে পারিল যে, ভালো লাগা উচিত হয় নাই। প্রেমের অভাব অলঙ্কার দ্বারা ঘুরাইয়া লইতে হয়—যাহাদের হৃদয় প্রেমপূর্ণ, তাহারা সুবর্ণ অলঙ্কারের অভাব অনুভব করে না।

সভাস্থ বৃদ্ধ জনেরা মনে মনে দিগ্‌নাগের যুক্তি সমর্থন করিতেছিল—আর নিচুলের শ্লেষাত্মক যুক্তি তরুণগণের বড় ভাল লাগিতেছিল।

এমন সময় বৃদ্ধ রাজপুরুষোহিত বলিলেন—মহারাজ, আমি কবিও নই, আলঙ্কারিকও নই, আমি মহারাজার মঙ্গলকামী বৃদ্ধ। আমার বক্তব্য এই যে—এমন শুভ উৎসব উপলক্ষ্যে লিখিত অসম্পূর্ণ কাব্য শুভসূচক নয়, বস্তুতঃ অমঙ্গলজনক বলিয়াই মনে হয়।

দেবভট্ট তিন চার বার মাথা নাড়িল।

রাজপুরুষোহিত বলিলেন—তর্ক থাক, আমার বোধ হয়, কাব্যখানি সম্পূর্ণ করিয়া ফেলা কবির উচিত।

নিচুল। সম্পূর্ণকে সম্পূর্ণতর করিবার উপায় কি? রোহিত মৎস্তকে টানিলে কি তিনি মৎস্তে পরিণত হইবে?

দিগ্‌নাগ। কিম্বা পুট্টিকা মৎস্তকে রোহিত বলিয়া চালাইবার চেষ্টা করিলেই কি সার্থক হইবে? আমার মনে হয়, রাজপুরুষোহিতের বাক্য যথার্থ।

এবারে যুক্তির স্থানে ভক্তি আসিয়া দেখা দিল। মঙ্গলামঙ্গলের তর্কে

অনেকেই মন উদ্ভিগ্ন হইয়া উঠিল! কাব্য অতি উত্তম পদার্থ, কিন্তু তাই বলিয়া তাহাকে মঙ্গলের উপরে স্থান দেওয়া যায় না বলিয়া সকলের ধারণা হইল!

অনেকেই অশ্রুটস্বরে বলিতে লাগিল—তাই তো কাব্যখানা যে অসম্পূর্ণ!

কেহ কেহ বলিল—অসম্পূর্ণ কাব্যে শুভ উৎসব খণ্ডিত হইল!

এমন সময় সকলে দেখিতে পাইল, অলিন্দের স্বৈতপাথরের সোপান বাহিয়া প্রভাতের শুকতারার ত্রায় একজন রমণী নামিতেছে, সকলেই চিনিল—আর্য্য শিলাবতী।

শিলাবতী ধীরপদে সভাস্থলে উপস্থিত হইয়া মহারাজাকে নমস্কার করিয়া বলিল—মহারাজার অহুমতি অন্তে আমি কিছু বলিতে চাই।

এই বলিয়া সে আরম্ভ করিল—মহারাজ! কাব্যের বাহ্য অসম্পূর্ণতায় উদ্ভিগ্ন হইবেন না—স্বয়ং মহাদেবী প্রসন্ন হইয়াছেন। এই বলিয়া শিলাবতী স্বপ্নবৃত্তান্ত বর্ণনা করিলেন।

এবারে ভক্তির প্রতিষেধক ভক্তি পড়িল। অমঙ্গলের আশঙ্কায় যাহারা উদ্ভিগ্ন হইয়াছিল, স্বপ্নবৃত্তান্তে তাহারা নিশ্চিন্ত হইল। এমন কি, কালিদাসের উম্মীষচূড়ায় বইট লক্ষ্য করিয়া তাহারা এক প্রকার ঈর্ষামিশ্রিত প্ৰত্যক্ষ অহুভব করিল।

শিলাবতী বাক্য শেষ করিবামাত্র দিগুনাগ গর্জন করিয়া উঠিল—এবারে উত্তম হইয়াছে। আর্য্যবর্তের একচ্ছত্র অধিপতির সভায় কাব্যবিচারক শেষে কি না নারী! যেমন কাব্য, তেমনি বিচারক—আর তেমনি রসগ্রাহী বলিয়া শিলাবতী ও নিচুলের দিকে কটাক্ষ করিলেন।

তখন মহারাজা বিক্রমাদিত্য বলিলেন—তর্ক বিতর্ক ক্ষান্ত হোক, কবি, তুমি কাহিনীর প্রত্যাশিত চূড়ান্ত অবধি কাব্যকে টানিয়া লইয়া যাও।

মহারাজার বাক্যে সভাজন ধন্য ধন্য করিয়া উঠিল। রাজবাক্য সমর্থন জ্ঞাপনের জন্তই সভাসদের প্রয়োজন।

কালিদাস উত্তর করিল না।

মহারাজা পুনরায় বলিলেন—রাজপরিবারের মঙ্গলামঙ্গলের প্রশ্ন যেখানে জড়িত, সেখানে আপত্তি করা উচিত নয়।

এবারে কালিদাস কথা বলিল—মহারাজ, আপনি আমার অন্নদাতা, আপনার আদেশ আমার শিরোধার্য। কিন্তু আরও একটা আদেশ আছে—স্বয়ং সরস্বতীর আদেশ—তাহাকে লজ্জন করি কি বলিয়া?

—সে আদেশ কি?

—কাব্যের একটা দাবী আছে, সেই দাবী যথাসাধ্য রক্ষা করিয়াছি—যাহা সমাপ্ত, তাহার উপরে আর লেখনী চালনা করা উচিত নয়।

প্রিয়ব্রত কবির এবস্থিধ বাক্যে মহারাজা নিতান্ত বিস্মিত হইলেন,—কষ্টও কম হইলেন না।

তখন তিনি বলিলেন,—ভালো, তুমি শেষ না করিতে পারো, অন্তের উপরে সে ভার দিতে বাধ্য হইব।

তারপরে দেবভট্টের দিকে ফিরিয়া বলিলেন—পণ্ডিত, তুমি কাব্যের শেবাংশ পূরণ করিয়া দাও।

দেবভট্ট এক লক্ষ মহারাজার পায়ের কাছে আসিয়া—পায়ের ধূলা লইয়া বলিল—মহারাজার আদেশ ও পদধূলি অবশ্যই শিরোধার্য—আমি অচিরে উহা সম্পূর্ণ করিয়া দিতেছি। রাজবংশের মঙ্গলামঙ্গলের চেয়ে কাব্যের দাবী আমার কাছে অধিক গুরুতর নয়।

রাজা বলিলেন—তথাস্তু। আমি খুশী হইলাম।

রাজাদের অবশ্যই কাব্যে প্রীতি থাকে—কিন্তু আত্ম-প্রীতির চেয়ে বেশী নয়।

তিনি কালিদাসের দিকে তাকাইয়া বলিলেন—তুমি কল্যাণ প্রাতেই রাজধানী পরিত্যাগ করিয়া নির্বাসনে যাইবে।

দিগ্‌নাগ বলিলেন—ইহাই রাজার উপযুক্ত বিচার!

রাজ-কবি রাজসভার ভূষণ। তাহার অভাবে আর যে হানিই হোক, অজহানি কখনোই হয় না।

কষ্ট বিক্রমাদিত্য সভা পরিত্যাগ করিলেন। সভা ভাঙিয়া গেল।

নিশাস্তের অন্ধকারে মহাকালমন্দিরের প্রচ্ছন্নতর অন্ধকারে তিন ব্যক্তি মিলিত হইল। কালিদাস, নিচুল ও শিলাবতী।

কালিদাস বলিল—শিলাবতি, আমাকে বিদায় দাও, আমার যাত্রাকাল আসন্ন।

তার পরে বলিল—নিচুল, কিয়ৎদূর আমার সঙ্গে যাবে।

শিলাবতী। তুমি কোথায় যাবে?

—রামগিরিতে। সেখানেই যাইবার আদেশ হইয়াছে।

শিলাবতী। তোমাকে মহারাজা পরিত্যাগ করিতে পারেন, কিন্তু দেবী সরস্বতী তোমার সঙ্গেই চলিলেন!

—এখন তবে বিদায় হই?

শিলাবতী। তোমার এই অপমানের অন্ধকার ভেদ করিয়া মহত্তর কাব্যের সূর্যোদয় হইবে। আজিকার নির্বাসনের অভিজ্ঞতা কাব্যে গাঁথিয়া দিও। তোমার ও তোমার কাব্যের প্রতীক্ষায় আমি রহিলাম। মহাকাল তোমাকে রক্ষা করিবেন।

তখন সেই অন্ধকারের মধ্যে ছায়ার মতো কালিদাস ও নিচুল ধীরে ধীরে অদূরে মিলাইয়া গেল। শিলাবতী কুটীরে ফিরিয়া চলিল।

যক্ষের প্রত্যাঘাত

সকাল বেলাতেই তুরী, ভেরীর নিনাদে, অশ্বের হেঁসায়, হস্তীর ঝংহিতে বনভূমি উচ্চকিত হইয়া উঠিল। উদ্দালক ও অখণ্ডপুণ্য ছুটিয়া গৌতমের কুটীরে গিয়া উপস্থিত হইল, বলিল—তাত, তপোবনের প্রান্তে সৈন্ত-সামন্ত এবং হস্তী অশ্ব প্রভৃতি দেখা যাইতেছে। আমরা বিপদের আশঙ্কা করিতেছি।

গৌতম বলিলেন—বিপদের কারণ দেখি না। তোমরা বরঞ্চ যক্ষের কাছে গিয়া সমস্ত নিবেদন করো, সে অভিজ্ঞ ব্যক্তি, সবিশেষ কারণ জানিয়া লইবে। আমি এখন যজ্ঞে বসিতেছি।

তখন ঋষিবালকবয় যক্ষের কুটীরের দিকে চলিল।

ঋষির আশ্রমের অপর প্রান্তে শৈলমূলে যক্ষের কুটীর। সে গৌতমের আশ্রিত, কিন্তু ঠিক গুরু ও শিষ্যসম্প্রদায়ভুক্ত নহে।

তাহারা যক্ষের কুটীরের মধ্যে উকি মারিয়া দেখিল যে, পুস্তকাকারে কতিত তালপত্রে সে লিখিতে ব্যস্ত। তাহারা জানিত, যক্ষের কাব্য রচনার বাতিক আছে।

উদ্দালক ডাকিল—যক্ষ !

যক্ষ মুখ তুলিয়া তাহাদের দেখিয়া বলিল—কি বৎস ?

উদ্দালক বলিল, আৰ্য গৌতম আমাদের তোমার কাছে পাঠাইলেন।

—কেন বলো তো ?

অখণ্ডপুণ্য উদ্দালকের চেয়ে বয়সে কিছু ছোট। সে বলিল—তুমি কবিতা লিখিতেছ, জানিবে কি প্রকারে ? বাহিরে গোলমাল শুনিতে পাও নাই ?

যক্ষ বলিল—না শুনিয়া উপায় কি ! শোনাইবার উদ্দেশ্যেই লোকে গোলমাল করিয়া থাকে।

উদ্দালক বলিল—আমরা বিপদের আশঙ্কা করিতেছি।

যক্ষ বলিল—ঝিপদের কারণ নাই।

—তবে উহারা কে ?

—কোন রাজপুরুষ হইবেন।

—এখানে কেন ?

—রাজপুরুষগণ কেন যে কোথায় যান, তাহা মানুষে জানিবে কি করিয়া ?

অখণ্ডপুণ্য। তুমিও জানিতে পারিবে না ?

যক্ষ। আমাতে বৈশিষ্ট্য কি ?

অখণ্ডপুণ্য। তুমি তো যক্ষ ?

যক্ষ দেখিল, এবারে সে ঠকিয়া গিয়াছে। যক্ষ বলিয়াই, নিজের পরিচয় দিয়াছিল। আর সে যখন যক্ষ অর্থাৎ মানুষ নয়, তাহার না জানিবার কোন হেতু নাই।

যক্ষ হাসিয়া বলিল—যাহারা কষ্ট স্বীকার করিয়া এতদূরে আসিয়াছে, আগমনের কারণ তাহারা না জানাইয়া যাইবে না। ও পরিশ্রমটুকু আমরা নাই করিলাম।

উদ্দালক। অখণ্ডপুণ্য যে ভয় পাইয়াছে।

অখণ্ডপুণ্য প্রতিবাদ জানাইয়া বলিল—আমি ভয় পাইব কেন ? লোকের ভয় করিতেছে।

উদ্দালক গভীর ভাবে বলিল—ঐ একই কথা।

যক্ষ হাসিয়া বলিল—আচ্ছা, তোমরা কেউই ভয় পাও নাই। কিন্তু এখন বলো, আমাকে কি করিতে হইবে ?

উভয়ে একত্র বলিল—বিষয়টা কি, সন্ধান লওয়া আবশ্যক।

তখন তিনজনেই দেখিল, বনের দিগন্ত ঘেরিয়া একটা শব্দের ইন্দ্রজাল ঘন উদ্ভিত হইয়াছে, তার মধ্যে কত বিচিত্র ধ্বনির মিশ্রণ ; তুরী ভেরী, হেয়ারুংহিত, রথচক্র ঘর্ষর, কর্কশ কর্ণধ্বর ; সব মিলিয়া মিশিয়া সে এক অদ্ভুত বিচিত্র ব্যাপার।

যক্ষ বলিল—লোকজন বনে প্রবেশ করিয়াছে, কিন্তু এখনো তপোবনে প্রবেশ করে নাই।

তারপরে বলিল,—আচ্ছা তোমরা যাও, আমি সমস্ত সন্ধান করিয়া আচাৰ্য গোতমের কুটীরে যাইতেছি, ততক্ষণে তাঁহার যজ্ঞ সমাপ্ত হইবে।

যক্ষের বাক্যে আশ্বস্ত হইয়া ঋষিবালকদ্বয় প্রস্থান করিল।

যক্ষ তালপত্র ও লেখনী যথাস্থানে রাখিয়া কুটীরের বাহিরে আসিল; দেখিল, বালক দুটি উদ্বৃষ্ট বক্ষের ডাল ভাঙিতেছে। অপরে হইলে ভাবিত যে, ঋষিবালক যজ্ঞসমিধ সংগ্রহে নিযুক্ত। কিন্তু যক্ষ সেরূপ ভুল করিল না। মানবচরিত্রে অভিজ্ঞ সে বুঝিল, ক্রীড়ার উপকরণ সংগৃহীত হইতেছে। ঋষিবালকও যে বালক, এ কথা যে না বোঝে, সে মানবচরিত্রে সম্বন্ধে কিছুই জানে না।

২

বিষয়টির সন্ধান লইবার উদ্দেশ্যে যক্ষ কুটীর হইতে বাহির হইল, বাহির হইয়া দিগন্তের দিকে চাহিবামাত্র ‘চিত্রার্ণিতবৎ’ দাঁড়াইয়া পড়িল, সে যেন চলাও নয়, থামাও নয়। সে দেখিল, দিগন্তের গিরিমালা ও মেঘমালায় জড়াইয়া একাকার হইয়া গিয়াছে। যেখানে গিরিশৃঙ্গ উচ্চ, পুঞ্জ পুঞ্জ মেঘ দলবদ্ধ হস্তিশাবকের স্তায়—সেখানে পাহাড়ের গা বাহিয়া উঠিতেছে—এখনি উচ্চতম শিখরে গিয়া পৌছিতে। কোন কোন স্থানে সমুদ্রে ছিন্ন-বিচ্ছিন্ন দ্বীপমালার স্তায় ইতস্ততঃ গিরিচূড়াগুলি জাগিয়া আছে। আরও দূরের উচ্চতর গিরিশিখরগুলি একটার পাখার উপর দিয়া আর একটা উঁকি মারিতেছে, তাহাদের কৌতূহলের অন্ত নাই। আকাশের মেঘ আর পৃথিবীর পাহাড় আজ যেন রূপ বিনিময় করিয়াছে, অভ্যস্ত চোখ ছাড়া ধরিতে পারে না। পূর্বাংশে প্রকাণ্ড এক খণ্ড মেঘ জটায়ুর পাখার মতো ক্রমশঃ বিস্তারিত হইয়া পড়িতেছে, তাহার পালকের ঝাঁজে ঝাঁজে বিদ্যুতের বনফুল সংলগ্ন। পৃথিবীতে মেঘের ছায়া মেঘের সীমানাকে ছাড়াইয়া আগে আগে চলিতেছে, যেখানে ছায়া, সেখানে নীল, অন্ততঃ ঘন সবুজ, ওরই মধ্যে যেখানে রোদের আভাস, সেখানে সোনালী সবুজ; ছায়ার বস্ত্রায় ধরাতল ক্রমে ডুবিয়া যাইতেছে। অরণ্যের বনস্পতির শীর্ষগুলি যুদ্ধাশ্বের মতো উৎকর্ষ।

পাহাড়ের গায়ে ছায়াবদলের পালা চলিতেছে, নীল, ঘন নীল, ফিকা নীল ; শ্রাম, শম্পশ্রাম, শুকশ্রাম ; ওখানে কে যেন সোনার তবকে মুড়িয়া দিতেছে ; হঠাৎ আগাগোড়া কে যেন অমাবস্তার কাজলে লেপিয়া দিল ; কালো কেশ-পাশের মাঝখানে হঠাৎ সিঁদুর ফুটিয়া উঠিল ; কোন্ চঞ্চল দায়িত্বহীন দেবশিশু যেন রঙের ভাণ্ডার লইয়া তচনচ্ করিতেছে, নিষেধ করিবার কেহ নাই । আকাশ ও পৃথিবী মেঘমায়ায় বাসরগৃহের তমিস্রার মতো রহস্তময় । মন অকারণ আকুল করিয়া দেয় । যক্ষের মনে হইল, যে ব্যক্তি জীবির কণ্ঠ আলিঙ্গন করিয়া আছে, তাহারও চিত্ত যখন ব্যাকুল হয়—দূরস্থ বিরহীর অবস্থা তো সহজেই বুঝিতে পারা যায় ।

একটি ফুটন্ত কুটজ বৃক্ষের পাশে আর একটি বৃক্ষের মতো যক্ষ মুচের মতো নিম্পন্দ দাঁড়াইয়া রহিল ।

মেঘ অপসারিত হইয়া গেলে যক্ষ দেখিতে পাইল, উপত্যকার সমস্ত ভূমি হইতে বনস্পতিসমূহ থাকে থাকে সারে সারে পাহাড়ের গা বাহিয়া উঠিয়া গিয়াছে । কত বার এই দৃশ্য দেখিয়া তাহার রাজসভার চিত্র মনে পড়িয়া গিয়াছে—এইমাত্র সম্রাট প্রবেশ করিলেন, সভাসদগণ দাঁড়াইয়া উঠিয়াছেন, তাঁহাদের অনেকেই বনস্পতিগুলির মতোই প্রাচীন । আজ এই দৃশ্য দেখিয়া স্বতির সূত্রে যক্ষের মনে রাজসভার চিত্র জাগিল । সেই সভা, সেই গৌরবময় আনন্দের দিন, সেই কোলাহলময় বিচিত্র রাজধানী, সেই বজ্রবাক্য, সেই নিভৃত-চারিণী, ব্রহ্মসময়ী দেবী শিলাবতী—সেই জননাস্তরসৌন্দর্যনি !

রাজসভা হইতে নির্বাসিত হইয়া কত জায়গাতেই না যক্ষ আশ্রয়ের জন্ত ঘুরিয়াছে । রাজরোষের কথা শুনিয়া কেহ আশ্রয় দিতে চাহে নাই । তারপরে ঘুরিতে ঘুরিতে রামগিরি শৈলমূলে গৌতম ঋষির এই আশ্রমে আসিয়া উপস্থিত হইল । গৌতম আশ্রয় দিলেন, বলিলেন—এখানে নির্ভয়ে বাস করুন, যতদিন খুশী থাকুন, কেহ কোনরূপ প্রহ্ন করিবে না ।

গৌতম শুধাইলেন—আর্যের নাম ?

আগন্তুক বলিলেন—যক্ষ ।

আশ্রমের সবাই তাহাকে যক্ষ বলিয়াই জানে, যক্ষ বলিয়াই ডাকে।

সেই হইতে যক্ষ রামগিরি শৈলমূলে ‘খরস্রোতা’ তটিনীতীরে গৌতম ঋষির এই আশ্রমে বাস করিতেছে।

কত বার আষাঢ়ের প্রথম দিবসে এমনি মেঘ জমিয়া আসিয়াছে, মেঘের উপরে মেঘ, স্তরে স্তরে মেঘমালার দিকে চাহিয়া তাহার রাজধানীর সৌধমালার কথা মনে পড়িত, আর সেই মেঘের মধ্যে মুহূর্ত্ত বিদ্যুৎসঞ্চার দেখিয়া রাজধানীর সৌধ-বাতায়নে পুরস্কন্দরীগণের যাতায়াত মনে পড়িয়া যাইত—শূঁটের শ্রায়, মুন্দের শ্রায় যক্ষ সেই দিকে তাকাইয়া থাকিত; কামী জন স্বভাবতই চেতন অচেতন সম্বন্ধে হতবুদ্ধি। আর তাহার মনে পড়িত, সেই সব স্বতির সৌধমালার একটির একান্ত দিগন্তশায়িনী স্নানজ্যোতি চন্দ্রকলার শ্রায় বিরহবিগ্ধা একটি তদ্বীর চিত্র। যখন রাজধানীর দিক হইতে বাতাস বহিত, আকুল আগ্রহে যক্ষ তাহাকে আলিঙ্গন করিত, যদি তাহার মধ্যে কলাবশেষা সেই তদ্বী চন্দ্রলেখার স্পর্শ থাকিয়া থাকে। হায় রে বিরহীর মুগ্ধ দুরাশা!

আজও যক্ষ সেই ভাবে তাকাইয়া রহিল। অভীষ্ট কার্য তুলিয়া গেল। কতক্ষণ এই ভাবে থাকিত বলা যায় না। এমন সময়ে তাহাকে চকিত করিয়া তাহার সম্মুখ দিয়া কি একটা পশু ছুটিয়া গেল। যক্ষ সচেতন হইয়া দেখিল—ধাবমান পশু একটি কৃষ্ণসার মৃগ।

কৃষ্ণসার এমন প্রাণভয়ে ছুটিতেছে কেন? তপোবনের পশুকুল স্বভাবতই নিঃশব্দ। তবে কি কেহ মৃগয়ায় আসিয়াছে? অদূরে বিলীমমান মৃগটির দিকে তাকাইয়া যক্ষ দেখিল, বাণপতনশঙ্কায় তাহার পশ্চাৎ যেন দেহের সম্মুখভাগে ঢুকিয়া পড়িয়াছে! হরিণটা নিশ্চয়ই মৃগয়াার্থী ভয়ে ধাবমান।

তাহার আশঙ্কাকে সত্য করিয়া ধনুর্বাণ হস্তে এক ব্যক্তি সহসা আবির্ভূত হইল।

যক্ষ চীৎকার করিয়া বলিল—মহাশয়, বাণ সম্বরণ করুন, আশ্রমমৃগ বধের অযোগ্য।

এই বাক্য শ্রবণে ধনুর্বাণধারী থামিল, ধনুর্বাণ সম্বরণ করিল এবং যক্ষের দিকে অগ্রসর হইয়া আসিল।

তারপরে যক্ষকে চিনিতে পারিয়া সোম্লাসে চীৎকার করিয়া উঠিল—বন্ধু, এখা, স্বহৃদ, তুমি এখানে? এবারে যক্ষও তাহাকে চিনিতে পারিল, বলিল—নিচুল, বন্ধু তুমি? এ যে স্বপ্নের অতীত!

নিচুল। সখা, তোমার সন্ধানই আমরা বনে বনে ঘুরিয়া মরিতেছি।

কালিদাস। কেন?

নিচুল। তোমাকে রাজধানীতে ফিরাইয়া লইয়া যাইবার আদেশ।

কালিদাস। কাহার আদেশ?

নিচুল। একরূপ আদেশ আর কে দিতে পারে? মহারাজ।

কালিদাস। তোমার সঙ্গে আর কে আসিয়াছে?

নিচুল। আমি কাহার সঙ্গে আসিয়াছি বরঞ্চ জিজ্ঞাসা করো।

কালিদাস। ভালো, তাহাই বলো।

নিচুল। আমরা যুবরাজ স্বন্দগুপ্তের সহযাত্রী।

কালিদাস। যুবরাজ স্বন্দগুপ্ত? তবে কি...?

নিচুল। হাঁ, মহারাজ চন্দ্রগুপ্ত স্বর্গারোহণ করিয়াছেন। সে আজ বর্ষকাল হইল। এখন সিংহাসনে অধিষ্ঠিত মহারাজ কুমারগুপ্ত।

কালিদাস। আহা, স্বর্গীয় মহারাজ অশেষ গুণধাম ছিলেন।

নিচুল। মহারাজ কুমারগুপ্ত সিংহাসনে আরোহণ করিয়াই তোমার সন্ধানের আদেশ দিয়াছেন। চারি দিকে রাজাহুচরগণ গিয়াছেন। এদিকে আসিয়াছেন স্বয়ং স্বন্দগুপ্ত। আমার পরম সৌভাগ্য যে, আমিই প্রথম তোমার সন্ধান পাইলাম।

কালিদাস। মহারাজের আমার বিষয় কি আদেশ?

নিচুল। তোমাকে সসন্মানে রাজধানীতে ফিরাইয়া লইয়া যাইতে হইবে।

কালিদাস। যুবরাজ কোথায় গেলেন?

নিচুল। তিনি বিদূষক বামণকের সঙ্গে আশ্রমমধ্যে প্রবেশ করিয়াছেন। ...এই কি তোমার কুটীর? চলো একটু বসি, বড়ই ক্লান্ত হইয়া পড়িয়াছি।

কালিদাস। চলো, একেবারে গোতমের কুটীরে গিয়া বসি। তোমাদের আগমনকোলাহলে তাঁহারা বড়ই ব্যস্ত হইয়া পড়িয়াছেন।

কালিদাস ও নিচুল গোতমের কুটীরের দিকে যাত্রা করিল। তাহারা কিছুদূর আসিয়াই দেখিতে পাইল, একটি সরোবরতীরে বিদূষক বামণক অর্ধশায়িত অবস্থায় পড়িয়া আছে।

তাহাদের দেখিবামাত্র বামণক বলিয়া উঠিল—এই যে সীতার সন্ধান মিলিয়াছে। যাক্ বাঁচা গেল।

নিচুল। তোমার এমন দশা কেন ?

বামণক। আমি ছিন্নপক্ষ জটায়ু।

নিচুল। যুবরাজ কোথায় ?

বামণক। যুবরাজ কোথায় ? বলো রামচন্দ্র।

কালিদাস। তিনি কি মৃগের পিছনে ছুটিলেন ?

বামণক। মৃগই বটে, তবে স্বর্ণমৃগ।

নিচুল। কেমন ?

বামণক। কেমন আর কি, যেমনটি হওয়া উচিত।

নিচুল। রহস্য রাখো, স্বরূপ বলো।

বামণক। মৃগের পিছনেই ছুটিতেছিলেন, সহসা সম্মুখে এক গাছের ছাল-পরা ঋষিকণ্ঠাকে দেখিয়া তাহার পিছু লইলেন।

নিচুল। যাক্, মৃগটা বাঁচিল।

বামণক। কিন্তু সেই বেটীর অবস্থা এতক্ষণে কি হইল, তাহাই ভাবিতেছি।

নিচুল। তোমার অবস্থা তো ভালই দেখিতেছি।

বামণক। ভাল বই কি। একে বনে বনে ঘুরিয়া গায়ের, পায়ের ব্যথা, তার উপরে যুবরাজ এখন পড়িলেন ডাইনির কবলে। গোদের উপর বিষকোড়া আর কি !

কালিদাস। ঋষিকণ্ঠার জন্ত চিন্তা করিও না।

বামণক। না, সে চিন্তা করিবার জন্ত তুমিই আছ। তাই বলি, রাজধানী

ছাড়িয়া নাকি সুখেই মজিয়া আছে। যুবরাজও যে আর শীঘ্র কিরিবেন মনে হয় না। বড়লোকের কথাই আলাদা, পিণ্ডখর্জুর খাইয়া মুখ মরিয়া গিয়াছে—এখন কিঞ্চিৎ তিস্তিড়ির আবশ্যক।

কালিদাস। এখানে বসিয়া হা-হতাশ করিয়া লাভ নাই। চলো, ঋষির কুটীরে চলো—পুরোডাস ও গুণাগুণ মিলিতে পারে।

বামণক। পারে নাকি! আহা, এ যে নন্দনকানন। কে বলিল ইহাকে অরণ্য! যতদিন ঐ সব বস্তু প্রচুর পরিমাণে মিলিবে—আমি এখান হইতে নড়িব না, যুবরাজের মৃগয়াও ধীরে সুস্থে চলিতে থাকুক।

তখন তিন জনে ঋষির কুটীরের দিকে চলিল।

নিচুল। কবি, সবগুণ ব্যাপারটা মিলিয়া তোমার কোন অলিখিত নাটকের যেন প্রথম অঙ্কটা!

বামণক। এখন ঐ ঋষিকণা যুবরাজের অঙ্কগত হইলে নাটকের আর একটা অঙ্কপাত হইতে পারে। ঠাকুর, তোমার সেই অলিখিত নাটকখানার নাম দিও ‘শকুন্তলা’—এ যেন তাহারই দৃশ্যের পর দৃশ্য উদ্ঘাটিত হইয়া চলিয়াছে।... ঠাকুর, ঋষিপত্নী রন্ধনে নিপুণ তো!

৩

গৌতম অতিথিগণকে সাদরে অভ্যর্থনা করিলেন। যক্ষের প্রকৃত পরিচয় পাইয়া পরম গৌরব অর্জন করিলেন, বলিলেন,—কবি, আমরা অরণ্যবাসী হইলেও কুমারসম্ভবকাব্যের কবির নাম আমাদের নিকটে অজ্ঞাত নয়। কিন্তু প্রকৃত নাম গোপন করিবার উদ্দেশ্য কি?

কালিদাস বলিল—অগৌরবের স্থিতি কে কীর্তন করিতে চায়? আমার নাম যখন আপনার জ্ঞাত, আমার নির্বাসনের কাহিনীও নিশ্চয় আপনার অজ্ঞাত নয়।

গৌতম। যথার্থ বলিয়াছেন। কিন্তু ঐ যক্ষ নামটি নির্বাচনের রহস্য কি?

কালিদাস। নিজেকে যক্ষ নামের মধ্যে নিক্ষেপ করিয়া আমার নির্বাসিত জীবনের কাহিনী অবলম্বন করিয়া একখানি কাব্য রচনা করিয়াছি।

নিচুল। বেশ হইবে, রাজধানীতে প্রত্যাবর্তন করিয়াই রাজসভাতে উহা পাঠ করিতে হইবে।

—না, যেখানে প্রথম রচনা, সেখানেই প্রথম পাঠ করা কর্তব্য।

সকলে পিছন ফিরে দেখিল স্বয়ং যুবরাজ স্কন্দগুপ্ত।

গৌতম উঠিয়া তাঁহাকে আশীর্বাদ করিলেন। যুবরাজ তাঁহার পাদবন্দনা করিয়া উপবেশন করিল।

বামণক বলিল—কাব্যখানা পাঠ করিবার আগে কিছু আহার করিয়া লইলে হইত না! তাহাতে নিরবচ্ছিন্ন মনোযোগ দিবার সুযোগ পাওয়া যাইত।

সকলে হাসিয়া উঠিল।

গৌতম। আর্য, তোমার কথাই যথার্থ। সকল রসের মূল্যধার জঠর। তাহাকে শাস্ত করিয়াই অগ্রসর হওয়া উচিত।

কৃতজ্ঞ বামণক নিচুলের দিকে তাকাইয়া বলিল—এমন অন্তর্যামী না হইলে আর ঋষি!

স্থির হইল যে, আহার ও বিশ্রামের পরে গৌতমের কুটীর-প্রান্তরে অপরাহ্নে মহাকবি কালিদাসের নূতন কাব্য পঠিত হইবে।

গৌতম বলিলেন—আমি অবিলম্বে চারিদিকের ঋষিপুত্রগুলিতে সংবাদ পাঠাইয়া দিতেছি, সকলেই আসিবেন।

তখনি তিনি উদালক, অথগুপ্ত ও অন্যান্য ঋষিবালকগণকে সংবাদ দিবার আদেশ দিলেন। আর ঋষিকণ্ঠাগণকে ডাকিয়া বলিয়া দিলেন যে, তোমরা পঞ্চবটীর অঙ্গন বেশ পরিষ্কার করিয়া রাখে—আজ তৃতীয় গ্রহরে সেখানে আর্ঘ্যগণ সমবেত হইবেন।

ঋষিকণ্ঠাগণ প্রস্থান করিতে উদ্যত হইলে বামণক একজনকে বলিল—মাতঃ, তোমাদের মহানসের পথটা আমাকে দেখাইয়া দাও তো।

সকলে আবার হাসিয়া উঠিল।

বামণক বলিল—ঋষিবাক্য ইতিমধ্যেই ভুলিয়া গেলেন? সকল রসের
মূলাধার জ্ঞাঠর। সেই মূলাধারকে শাস্ত করিতে যাইতেছি।

গৌতম বলিলেন—আর্য, স্নেহ ভালো, যাহার যেখানে স্থান।

যুবরাজ ক্ষনশূণ্ত শুধাইলেন—মহাকবি, তোমার কাব্যের কি নাম?

কালিদাস বলিল—মেঘদূতম্।

ধনেপাতা

প্রায় হাজার বছর আগেকার কথা বলিতেছি। কাশ্মীরের অন্তর্গত শ্রীনগর সহরের চকে প্রাতঃকালে প্রাত্যহিক বাজার বসিয়াছে। বড় বড় দোকানগুলি সব রাজপুতদের, মাড়োয়ারীদের, কতক কচ্ছিও আছে; ছোটখাটো দোকানগুলি স্থানীয় লোকদের। চকের চার দিকে দোকানঘর; মাঝখানে ফাঁক, সেখানে দুই দুই সারিতে তরি-তরকারি, ফল-মূল, শাকসব্জির দোকান, এমন অনেকগুলি সারি, মাঝখানে লোক চলাচলের পথ। আর পাহাড়ীরা পাহাড় হ'তে জ্বালানি কাঠ, চাকের মধু, মোম প্রভৃতি আনিয়াছে, বাজারের খাজনা এড়াইবার উদ্দেশ্যে তাহারা একেবারে চকের প্রান্তে বসিয়াছে—সীমানার ঠিক বাহিরেই।

খুব ভোরে বাজার বসে, ভোর হইতেই খরিদদার জমিতে থাকে। লোক আসে, কেনে, চলিয়া যায়; আবার লোক আসে, কেনে, চলিয়া যায়—এমনি ভাবে চলিতে থাকে।

আজকের দিনেও বাজারের যেমন দৃশ্য, যেমন হাঁক-ডাক, যেমন জন-জনতা, হাজার বছর আগেও তেমনি ছিল কল্পনা করিয়া লইলে ভুল হইবে না।

আমরা যে দিনের কথা বলিতেছি, সেদিন বাজার প্রায় ভাঙে ভাঙে অবস্থা। এমন সময়ে একজন সজ্জিওয়াল পাশ্ববর্তীকে সভয়ে বলিয়া উঠিল—ভাই দেখো, দেখো।

পাশ্ববর্তী সে দিকে তাকাইয়া বলিল—ভাই তো, ঠকুররা আসছে, এইবার ঝগড়া সুরু হ'ল।

তখন দোকানীরা তাড়াতাড়ি দোকানের দরজা বন্ধ করিতে সুরু করিল, বাহারা বাহিরে বসিয়াছে, তাহারা অবিক্রীত জিনিষগুলি এদিকে ওদিকে সরাইয়া রাখিতে লাগিল, ভুক্তভোগী দু-একজন বিক্রয়ের আশা ছাড়িয়া দিয়া

পসরা মাথায় তুলিয়া স্থানত্যাগে উদ্ভূত হইল। সমস্ত বাজারময় একটা ‘রাখ-রাখ’ ‘ঢাক-ঢাক’ ভাব।

একজন বলবান লোক বলিল—আর ভাই সেদিন এক পোড়ো ঠকুর আমার পাঠার বাচ্চাটা এমনি নিয়ে যায় আর কি। আমি চাইলাম ছ’টা পয়সা, দুটো পয়সার বেশী দিলে না।

—ছ’টা দিয়ে দিলে না কেন ?

—ইচ্ছে তো করছিলো, কিন্তু ওদের যে শরীর, ভয় হ’ল, মট ক’রে ভেঙে যাবে !

—যা বলেছ, এদিকে শরীর তো ঐ, কিন্তু সাজের বাহার দেখে মনে হয় রাজপুত্রুর।

—বলে তো তাই ! ওরা সবাই নাকি রাজার ছেলে।

—গোড়ে এত রাজা ?

—তা’ হলেই বুঝতে পারছো, সে দেশের অবস্থা কেমন ? আমরা একটা রাজার ভার সহিতে পারি না।

—রাজপুত্রুর, তাতে আর সন্দেহ কি ? পড়বার নাম ক’রে এখানে এসে দিন নাই, রাত নাই, পাহাড়ী মেয়েগুলোর সঙ্গে নাগরপনা করা !

—ওদের দেশে কি মেয়ে নেই ?

—আরে ভাই, ঐ যে কথায় বলে—‘ঘরকা মুরগী ভাল বরাবর।’ ওদের মুখে কাশ্মীরী নাশপাতি গোড়ী আমার চেয়ে অনেক মধুর !

এইরূপ কথাবার্তা চলিতেছে, ইতিমধ্যে গোড়ীয় ঠকুরগণ সজ্জিওয়ালাদের কাছে আসিয়া পড়িল।

—সংখ্যায় ইহার আট-দশ জন হইবে।

“এই সকল বিদ্বান্ধীদের মুখে পান, পরনে ধুতি, গায়ে উত্তরীয়, বাবরী চুল স্বক্কে লম্বিত, হাতে ছত্র, নখ লাল রঙে রঞ্জিত ; ইহার ধীরে ধীরে পথ চলে, থাকিয়া থাকিয়া দর্পিত মাথাটি এদিক-ওদিক দোলায় ; হাঁটিবার সময়ে ইহাদের মদ্রুগন্ধী জুতার মচ-মচ শব্দ হয়, মাঝে মাঝে নিজেদের সুবেশ-সুবিন্যস্ত চেহারাটার দিকে তাকাইয়া দেখে ; আর কটিতে ইহাদের লাল কটিবন্ধ।”

কয়েকজন ভিক্ষুক ইহাদের পিছনে লাগিয়া গিয়াছে। কোন ভিক্ষুক বলিতেছে “সোনার চাঁদ,” কোন ভিক্ষুক বলিতেছে “গোড়ের রাজা,” কোন ভিক্ষুক বা “পঞ্চ গোড়েশ্বর” বলিতেছে।

অভিধাগুলি বিজ্ঞার্থীদের ভালই লাগিতেছে মনে হয় ; মাঝে মাঝে দু’একজন মুখ ফিরাইয়া দেখিতেছে, কোনো অভিধা নিজের প্রতি কথিত হইয়াছে মনে করিলে ভিক্ষুককে একটি কড়ি ফেলিয়া দিতেছে।

এক ঠকুর অপর জনকে বলিল—নরেন্দ্র, তুমি উহাকে কড়ি দিলে কেন ? ও ব্যক্তি “পঞ্চ গোড়েশ্বর” আমাকে বলিয়াছে।

নরেন্দ্র বলিল—ধীরেন্দ্র, এ কেমন তোমার আচরণ, ঐ ব্যক্তি আজ দুই বৎসর আমাকে পঞ্চ গোড়েশ্বর বলিতেছে।

—বুঝিলে কি প্রকারে ?

—আমি যে উহাকে চিনি, লোকটা অন্ধ—

—তাই বলা, অন্ধ বলিয়াই বলিয়াছে। নতুবা—

তখন দীনেন্দ্র বলিল—তোমরা প্রকাশ্য বাজারে এক্ষপ ব্যবহার করিও না, মনে রাখিও, একমাত্র গোড়বাসিগণই “কুষ্টিসম্পন্ন”—অন্ত কোন দেশের লোকের কুষ্টি নাই। তাহারা এতদবস্থায় গোড়বাসীকে দেখিলে কি ভাবিবে ?

তখন নরেন্দ্র ও ধীরেন্দ্র একযোগে বলিল—যথার্থ বলিয়াছ ! কুষ্টি রক্ষার্থ আমরা, গোড়বাসীরা সকল প্রকার সংঘম করিতেই পারি, এমন কি, রসনা সংঘমও অসম্ভব নহে !

দীনেন্দ্র বলিল—তা ছাড়া বাজার করাও আবশ্যক। সেটাও তুচ্ছ নয়।

—নিশ্চয় নয়, কুষ্টির সঙ্গে যখন কাঁকুড়ও যুক্ত হয়, তখন তাহার প্রভাব অনস্বীকার্য !

—ওধু কাঁকুড়ই বা কেন ? কুষ্টির সঙ্গে কল্লা।

—কুষ্টির সঙ্গে কদলী।

—কুষ্টির সঙ্গে কাঁকরোল।

—কুষ্টির সঙ্গে করেংবেল।

—কুটির সঙ্গে কচু।

দীনেন্দ্র বলিল—তোমরা কি মুখে মুখেই বাজার শেষ করিবে ?

সকলে হো-হো করিয়া হাসিয়া উঠিল, বাতাসে বেতের লতাসকল যেমন একযোগে দুলিতে থাকে, তেমনি নিজেদের রসিকতার বেগে তাহাদের তলু দেহ তালে তালে এদিক-ওদিক আন্দোলিত হইতে লাগিল।

একজন সজ্জিওয়ালা মৃদুস্বরে বলিল—দেখো ঠকুর, ভেঙে না যায়।

আর একজন বলিল—দেহটা গেলে সাধের সাজ-পোশাকগুলোর কি হবে ?

একজন ভিক্ষুক বলিয়া উঠিল—“মেনকা বাঈ” “মেনকা বাঈ।”

নিজেকে মেনকা বাঈ বলিয়াছে ভাবিয়া প্রত্যেক ঠকুর ভিক্ষুকের উদ্দেশ্যে একটা করিয়া কড়ি ছুঁ ডিয়া দিল। মেনকা বাঈ শ্রীনগরের প্রসিদ্ধ নর্তকী।

এবারে সকলের হুঁস হইল। নরেন্দ্র বলিল—ভাই, বাজার যে ভেঙে পেল !

—যাবে না ? বত সব পাহাড়ী ভূত ভোর না হতেই এসে হাজির হয় !
আমরা তো এক প্রহরের আগে শয্যাভ্যাগই করতে পারি না।

—আর করবোই বা কেন ? যারা উড়ে, মেড়ে, ছাত্তু, তারাই ভোরে ওঠে। কুটিমানদের একটু বিলম্ব হবেই !

—তা তো হবেই, কিন্তু বাজারে যে কিছুই নাই দেখিতেছি।

ইতিমধ্যে তাহারা এ-দোকান ও-দোকান দেখিতে আরম্ভ করিয়াছে।
দোকানীরা গোড়ীয়দের ব্যবহারের সঙ্গে পরিচিত, বলিতেছে—

—ওটা বিক্রয় হইয়া গিয়াছে।

—ওটা অমুকে কিনিয়া রাখিয়া গিয়াছে।

—ওটা পচা।

এমন সময়ে নরেন্দ্র সকলকে তারস্বরে ডাকিল, ও ভাই এদিকে এস, এদিকে এস।

—কি ব্যাপার ?

একদল কড়িঙের জায় ঠকুরগণ সে দিকে ছুটিল, কাছে গিয়া দেখিল, কুটিমান্

নরেন্দ্র সেই প্রকাণ্ড বাজারে, সহস্র দৃষ্টির সম্মুখে মেনকা বাক্সের নৃত্যকে পরাজিত করিয়া নাচিতেছে—তাহার হাতে এক আঁটি শাক—

ধইন্তা পাতা, ধইন্তা পাতা ।

সকলে নৃত্যের কারণ বুঝিল, আরও বুঝিল, ইহার চেয়ে নৃত্যের বোগাতর কারণ হইতেই পারে না, কাজেই তাহারাও নৃত্যপর নরেন্দ্রকে বিরিয়া নাচিতে লাগিল, সকলেরই মুখে ‘ধইন্তা পাতা, ধইন্তা পাতা ।’

বাজারের লোকে অবাক । ঠকুরদের এমন বিহ্বল অবস্থা তাহারা আগে দেখে নাই । কিন্তু সর্বজ্ঞ হইলে তাহারা বুঝিতে পারিত, যে-কারণে কলহাস অকূল সমুদ্রে ভগ্ন বৃক্ষশাখা দেখিয়া উল্লসিত হইয়াছিল, ইহাদের উল্লাসের কারণও তাহা হইতে ভিন্ন নয় । গোড়বাসীর একটি শ্রেষ্ঠ সুখাণ্ড ধনেপাতা । বিদেশে বহুকাল পরে অকস্মাৎ সেই ধনেপাতা আবিষ্কার করিয়া তাহারা খেন স্বদেশকেই আবিষ্কার করিয়া ফেলিয়াছে । এমন অবস্থায় আত্মবিশ্বাস সন্তব এবং তাহা মার্জনীয় ।

বিহ্বল অবস্থা কাটিলে নরেন্দ্র দোকানীকে শুধাইল—কত দাম ?

বেচারিা দোকানী ঠকুরদের উল্লাস দেখিয়া দাম চড়াইয়া দিল, বলিল—চার কড়ি ।

—চার কড়ি !

—সোনার চাঁদ আর কি ?

—অর্ধেক রাজহু ।

—তার সঙ্গে রাজকণা ।

—কিছু না দিলেই ওর যথার্থ দণ্ড হয় !

—ঠিক, ঠিক, ওকে কিছু দেওয়া নয়—বলিয়া সকলে গৃহাভিমুখে ছুটিল, পিছু পিছু আর সকলেও ছুটিল ; তাহাদের মুখে “ধইন্তা পাতা” “ধইন্তা পাতা” ধ্বনি ; তাহাদের উত্তরীয়, বাবরী, কোঁচা বাতাসে লটপট করিয়া উড়িতে লাগিল, ময়ূরপঙ্খী জুতা আত’নাদ তুলিল—সবগুচ্ছ মিলিয়া সে এক বিচিত্র দৃশ্য ।

কাশ্মীর হইতে কুমারিকা, প্রভাস হইতে প্রাণজ্যোতিষ পর্যন্ত সমস্ত দেশের

লোক রক্তবাক্ অবস্থায় গোড়ীয় ঠকুরগণের দিকে তাকাইয়া রহিল, অনেকক্ষণ পর্যন্ত তাহাদের কথা সরিল না।

অবশেষে একজন শুধাইল—ক্যাও এ লোক বাওরা ছায় !

অপরে বলিল—নেহি নেহি, গোড়মে সব লোগোকৌ এহি হাল ছায় !

পূর্বোক্ত ব্যক্তি বলিল—অচ্ছী দেশ। বাপ রে ! বাপ !

দ্বিতীয় ব্যক্তি বলিল—সীয়ারাম। সীয়ারাম।

সজ্জিওয়ালা বুক চাপড়াইতে চাপড়াইতে নাগানন্দের চতুষ্পাঠীর দিকে ছুটিল।

২

প্রবাসী গোড়ীয় ছাত্রাবাসের আবাসিকগণ ইতোমধ্যেই দুইটি দলে বিভক্ত হইয়া পড়িয়া তর্ক বিতর্ক, তর্জন গর্জন করিতে করিতে হঠাৎ একজন আর একজনের পেটে খাগের কলমকাটা চাকু বসাইয়া দিয়াছে।

চাকু মারিয়াছে নরেন্দ্র, চাকু খাইয়াছে ধীরেন্দ্র।

এই ঘটনার পরে কিংকর্তব্যবিমূঢ় অবস্থায় আবাসিকগণ কেবলই কোলাহল করিতেছে, পাড়ার লোকে বিচলিত হইবার ভাব দেখায় নাই ; কারণ, তাহারা জানে, গোড়ীয় ছাত্রাবাসে আজ ধনেপাতার শাক আসিয়াছে, আজ অনেক কিছুই ঘটতে পারে।

নরেন্দ্র ও ধীরেন্দ্র সহপাঠী, সহদের্শী, এমন কি, তাহাদের সহগ্রামী বলিলেও অত্যাক্তি হয় না, এমন ক্ষেত্রে একজন কেন অপরের পেটে ছুরি মারিল, জানিবার ঔৎসুক্য হওয়াই স্বাভাবিক।

ধনেপাতা লইয়া ছাত্রাবাসে ফিরিলে একটি গুরুতর সমস্যা দেখা দিল, ধনেপাতা কি অবস্থায় খাওয়া হইবে, কাঁচা না তরকারির সহিত রাখিয়া ?

নরেন্দ্র বলিল—আমরা চিরকাল কাঁচা খাইতেছি।

ধীরেন্দ্র বলিল—আমার ঠাকুরমা সর্বদা রাখিয়া খাইবার পক্ষে।

—তোমার ঠাকুরমা মূৰ্খ ।

—কাঁচা খাওয়াই তোমাদের স্বভাব, তোমরা গরু ।

তখন ঠাকুরমার প্রকৃতি ও অপর পক্ষের স্বভাব লইয়া যে সব বিশেষণ নিষ্কিন্তু হইতে লাগিল, তাহা কেবল গোড়ীয়গণের মধ্যেই সম্ভব ।

ক্রমে সমস্ত ছাত্রই এক এক পক্ষভুক্ত হইয়া গেল এবং উদ্ভেজনা এমন তীব্রতা পাইল যে, ক্ষণকালের জন্য ধনেশাকের প্রসঙ্গও বিস্মৃত হইল ।

তখন দীনেন্দ্র বলিল—তাই সব, মনে রাখিও, আমরা গোড়ীয় ছাত্র, সাধারণ উড়ে বা মেড়ো বা ছাতু নই; কাজেই ঝগড়ায় কাজ নাই, ধনেশাক দুই রকমেই প্রস্তুত হোক, যাহার যেমন অভিকৃতি থাকিবে ।

নরেন্দ্র বলিল—এমন হইতেই পারে না, তাহাতে ধনেশাকের অপমান ।

ধীরেন্দ্র বলিল—তাহাতে আমার ঠাকুরমার অসম্মান ।

আবার কলহ তীব্র হইয়া উঠিল এবং উপায়ান্তর না দেখিয়া নরেন্দ্র ধীরেন্দ্রের পেটে ছুরিকায়ুক্তি প্রয়োগ করিল ।

এই হঠকারিতায় কেহ অপ্রস্তুত হইয়াছে মনে হইল না, এমন কি, ধীরেন্দ্রের ভাবধানাও বিশেষ অসন্তোষজনক নয়, সে যেন মোন সম্মতির দ্বারা বলিল—গোড়ীয়দের মধ্যে এমন হইয়াই থাকে ।

কিন্তু সমস্তার তো মীমাংসা হইল না । তখন দীনেন্দ্র বলিল—বুঝা কলহে প্রয়োজন কি । এসো, আমরা বৃদ্ধাসুষ্ঠ প্রদর্শনের দ্বারা সিদ্ধান্ত করি ।

তাহার প্রস্তাবে সকলে সম্মত হইল ।

গোড়দেশে একটি চমৎকার প্রথার প্রচলন আছে । কোন গুরুতর সমস্তার অন্ত উপায়ে মীমাংসা না হইলে, সমস্তায় স্বপক্ষে ও বিপক্ষে বৃদ্ধাসুষ্ঠ দেখাইবার রীতি বর্তমান । যে পক্ষে বৃদ্ধাসুষ্ঠের সংখ্যা অধিক হয়, সেই পক্ষেরই জিত হইয়া থাকে ।

কিন্তু বর্তমান ক্ষেত্রে তাহাতেও মীমাংসা হইল না, যেহেতু কাঁচা শাক ও রাঁধা শাকের পক্ষে বৃদ্ধাসুষ্ঠের সংখ্যা সমান সমান হইল । গোড়ীয় ছাত্রগণ সকলেই মাধায় হাত দিয়া বসিয়া পড়িল—এখন উপায় !

দীনেজ্ঞ আবার নূতন প্রস্তাব করিল, সে বলিল—ভাই, কাঁচাও থাক, রাঁধাও থাক, এসো—আজ আমরা নাসাভোজন করি, ব্যাখ্যা করিয়া বলিল—আজ ধনে শাকের গন্ধ শুঁকিয়াই ক্ষান্ত হই।

তাহার প্রত্যুৎপন্নমতিত্বে গোড়ীয়গণ ক্ষণকাল নিস্তরু থাকিয়াই এমন এক বিকট জয়োল্লাস করিল যে, পার্শ্ববর্তী অন্যান্য ছাত্রাবাসের ছাত্রগণ জানালা দিয়া মুখ বাহির করিয়া জিজ্ঞাসা করিল—ক্যা হুয়া ?

গোড়ীয় ছাত্রগণ বলিল—আরে শিয়ালকা মাফিক্ ‘হুয়ো হুয়ো’ মং করো।

গোড়ীয় ছাত্রগণ অন্যান্য দেশের লোকের প্রতি সৌজন্য প্রদর্শন দুর্বলতা বলিয়া মনে করে। বিশেষ তাহাদের ধারণা এই যে, যাহারা গোড়ীয় ভাষা ছাড়া অন্য ভাষায় কথা বলিয়া থাকে, তাহাদের প্রতি মন্ত্যোচিত ব্যবহার না করাই প্রকৃত মহুয়ত্বের লক্ষণ।

শেষ পর্যন্ত নাসাভোজন করাই স্থির হইল। মাঝখানে ধনেশাকের আঁটি বুলাইয়া রাখিয়া সকলে বথেছ শুঁকিয়া সন্তুষ্ট হইল এবং সে দিনের মতো ধনে শাকের প্রসঙ্গ ঐখানেই গিটিয়া গেল।

৩

শ্রীনগরে অবস্থিত নাগানন্দ স্বামীর চতুষ্পাঠী একটি ভারতবিখ্যাত প্রতিষ্ঠান। এখানে ভারতের সকল অঞ্চল হইতে বিদ্যার্থী আসিয়া থাকে, গোড় হইতেও আসে। গোড়ীয় বিদ্যার্থীরা অধ্যয়নে যেমন পশ্চাৎপদ, নিজেদের ও অন্য দেশের ছাত্রের সঙ্গে কলহে ও দুর্ব্যবহারে তেমনি তাহারা অগ্রণী। অন্য অঞ্চলের ছাত্ররা পরম্পরের ভাষা শেখে, গোড়ীয়গণ অন্য কোন অঞ্চলের ভাষা শিখিবে না, অন্য কাহারও সঙ্গে মিশিবে না, নিজেদের মধ্যে জটলা করে, নিজেদের ছাত্রাবাসের নাম দিয়াছে ‘প্রবাসী গোড়ীয় ছাত্রাবাস,’ অন্য অঞ্চলের ছাত্রগণ শুধু অঞ্চলটির নামটি উল্লেখ করাই বথেষ্ট বোধ করে, এক কথায়, শ্রীনগর সহরে তাহারা ক্ষুদ্র একটি গোড়দেশ প্রতিষ্ঠিত করিয়াছে, জিজ্ঞাসা করিলে বলে,

সমানে সমানে মিল হয়, গোড় ও অত্যাঁত অঞ্চলে শিক্ষা-দীক্ষার এমন তারতম্য, মিলনের ক্ষেত্র কোথায় ?

বুদ্ধ নাগানন্দ স্বামী পাণ্ডিত্য, প্রতিভা ও চরিত্রের জন্য সর্বজনপ্রিয়, কেবল গোড়ীয় ছাত্রগণ তাঁহার প্রতি যথেষ্ট শ্রদ্ধাপরায়ণ নহে, গোড়ীয়গণ নিজেদের মধ্যে বলাবলি করিয়া থাকে, লোকটা পণ্ডিত সন্দেহ নাই, কিন্তু গোড়ের সীমার বাহিরে জন্মগ্রহণ করিয়াই সব মাটি করিয়া ফেলিয়াছে।

ধনেশাক প্রসঙ্গের পরদিন নাগানন্দ স্বামীর চতুষ্পাঠী বসিয়াছে।

নাগানন্দ স্বামী বলিলেন—গোড়ীয় ছাত্রদের যে দেখিতেছি না।

একটি মারাঠী ছাত্র বলিল—আচার্য, তাহারা তো সময়মতো কখনই আসে না।

নাগানন্দ স্বামী বলিলেন—ওটি তাহাদের একটি মহৎ দোষ।

তারপরে বলিলেন, কাল বাজারে কি ঘটিয়াছিল, তোমরা কেহ দেখিয়াছ ?

মারাঠী ছাত্রটি বলিল—ঐ যে তাহারা আসিতেছে। একেবারে তাহাদেরই গুধাইবেন। আমরা কি বলিতে কি বলিব, গোড়ীয় ছাত্রগণ বড় পরমত-অসহিষ্ণু।

এমন সময় গোড়ীয় ছাত্রগণ প্রবেশ করিল।

অন্য দেশের ছাত্রগণ প্রথমে আচার্যের পাদবন্দনা করিয়া নিজেদের মধ্যে কুশল সম্ভাষণ করিয়া, তবে আসন গ্রহণ করে, ইহারা সেরূপ কিছুই করিল না। আচার্যের দিকে মাথা দিয়া একটা দু' মারিবার ভঙ্গী করিয়া সকলে একান্তে বসিয়া পড়িল এবং অনতিনিম্নস্বরে কথাবার্তা বলিতে শুরু করিল।

আচার্য বলিলেন, কাল তোমরা বাজারে কি করিয়াছিলে ? একজন দরিদ্র সজ্জিওয়ালা আমার কাছে অভিযোগ করিয়া গিয়াছে।

নরেন্দ্র বলিল—আপনার কাছে দর্শন পড়িতে আসিয়াছি, পড়ান, ওসব ব্যাপারের মধ্যে আপনি যান কেন ?

আচার্য। আমি আর গেলাম কই ! দায়ে পড়িয়া সে লোকটা আমার কাছে আসিয়াছিল।

নরেন্দ্র । আপনি রাজা না কোটাল ! আপনার কাছে আসে কেন ?

আচার্য । তোমাদের গোড়দেশের রীতি কি জানি না । অস্ত্র সর্বত্র আচার্যের স্থান—রাজা ও কোটালের উপরে । একথা নিতান্ত অশিক্ষিতেও জানে, তাই রাজদ্বারে না গিয়া আমার কাছে আসিয়াছিল ।

নরেন্দ্র । আপনি আমাদের দেশ তুলিয়া কথা বলিবেন না ।

আচার্য । তোমাদের আচরণেই যে তোলায়, অত্যন্ত দেশের ছাত্রগণের সঙ্গে তোমাদের প্রভেদ কি বুঝিতে পারো না ?

নরেন্দ্র । ওরা ছাতু খায়, ভুট্টা খায়, জোয়ার খায়, চানা খায়, পুঁদিনার শাক খায় ।

আচার্য । তাহাতে ক্ষতি কি ? বাহার যা খাও ।

নরেন্দ্র । ক্ষতি এই যে, ওরা উড়ে, মেড়ো, ছাতু, ভূত ।

এমন সময়ে একটি গুজরাটি ছাত্র বলিল, তোমরা যে ধনেপাতা খাও ।

ধীরেন্দ্র । আমাদের খাও তুলিয়া কথা বলিও না ।

আচার্য । তোমরা অনেক বেশি তুলিয়াছ ।

ধীরেন্দ্র । আপনি উহাদের দিকে টানিয়া বলিলেন ।

আচার্য । তোমাদের দিকে ঘেঁষিতে দাও কই ?

সেই গুজরাটি ছাত্রটি বলিল—বাহারা তুচ্ছ ধনেশাকের জন্ত পরস্পরের পেটে ছুরি মারিতে পারে—

ধীরেন্দ্র । কে বলিল ছুরি মারিয়াছে ?

গুজরাটি ছাত্র । তোমার পেটে ও পটি বাঁধা কেন ?

ধীরেন্দ্র । তোমার পেটে তো বাঁধিতে যাই নি, তোমার ক্ষতি কি ?

আচার্য । এখন বিতণ্ডা থাক । সজ্জিওয়াল দাম পায় নাই, দুটা কড়ি চাহিতেছিল, দিয়া দিয়ো ।

নরেন্দ্র । ওর প্রতি আপনার এত দরদ কেন ? কিছু ভাগবধরা হইয়াছে বুঝি !

তাহার বাক্যে গোড়ীয়গণ ছাড়া আর সকলেই অষ্টমুগ্ধ হইয়া গেল ।

আচার্যের সম্বন্ধে এমন কথা ! বাঁহার সম্মুখে স্বয়ং কাশ্মীররাজ আসন গ্রহণ করেন না ।

আচার্যের অপমানে অত্যাচ্ছ ছাত্রগণ এবারে গর্জন করিয়া উঠিয়া বলিল—
এখনি আচার্যের পায়ে ধরিয়া ক্ষমা প্রার্থনা করো ।

গোড়ীয় ছাত্রগণ স্প্রিংএর পুতুলের মতো লাফাইয়া উঠিয়া বলিল—কখনোই নয়, কখনোই নয়, প্রাণ থাকিতে নয় ।

সরু সরু লিকলিকে কেঁচো যেমন কুণ্ডলীকৃত অঙ্গভঙ্গী করে, শীর্ণকায় গোড়ীয় ছাত্রগণের কঙ্কালসার দেহ তেমনি পাকাইয়া পাকাইয়া উঠিতে লাগিল ! ‘ইস্’, আমাদের এমন অপমান ! থাকিত আজ গোড়রাজের সৈন্ত ।’

আচার্য আসন ত্যাগ করিয়া উঠিলেন, গোড়ীয়দের প্রতি বলিলেন, আচরণ সংশোধন করিবার পরে তোমরা এখানে আসিও, আজ বিদায় হও ।

গোড়ীয়গণ চীৎকার করিতে লাগিল—দেখিব, তুমি কেমন ফলনা আচার্য, দেখিব, তুমি কেমন চতুষ্পাঠী করো, সব ভাঙিয়া দিব ! আমাদের এখনো তুমি চিনিতে পারো নাই, এবারে পারিবে, পারিবা নাকের জলে চোখের জলে এক হইবে, ইত্যাদি ।

৪

পরদিন প্রাতঃকালে নাগানন্দ স্বামী তাঁহার কুটারের দ্বার খুলিয়াই দেখেন যে, গোড়ীয় বিদ্যার্থীগণ ঠিক দরজার সম্মুখেই সারি বাধিয়া শুইয়া আছে, পাকেলিবার জায়গা নাই ।

তিনি শুধাইলেন—বাপু, তোমরা এখানে এভাবে শুইয়া পড়িলে কেন ?

একজন বলিল—আমরা প্রায়োপবেশন করিতেছি ।

নাগানন্দ । প্রায় উপবেশন আর কোথায় ? ইহাকে তো শয্যাগ্রহণ বলে ।

গোড়ীয় বিদ্যার্থী । ইহাই প্রায়োপবেশনের রীতি ।

নাগানন্দ । আচ্ছা, না হয় তাহাই হইল ; কিন্তু কাশ্মীর রাজ্যে কি আর স্থান ছিল না ? আমার দরজার সম্মুখে কেন ? বাহির হইব কি উপায়ে ?

—আমাদের বুকের উপর দিয়া হাঁট্রিয়া যাও।

নাগানন্দ। তোমাদের যে পাখীর বুক, মচ্ করিয়া ভাদ্রিয়া ঘাইবে।
কিন্তু বাপু, প্রায়োপবেশনের উদ্দেশ্য কি ?

—আপনার মত পরিবর্তন করাইতে চাই।

নাগানন্দ। আমার অপরাধ কি ?

—কাল আপনি আমাদের অপমান করিয়াছেন।

নাগানন্দ। লোকের ধারণা তো ঠিক অন্তরূপ, তোমরাই আচার্যের সঙ্গে
অনার্যোচিত ব্যবহার করিয়াছ।

—আবার অপমান করিলেন। আমাদের অনাৰ্য বলিলেন।

নাগানন্দ। বলিলে অত্যা হয় না, কিন্তু সত্যই কি বলিয়াছি ?

—সে লোকে বিচার করিবে। এই আমরা শুইয়া রহিলাম, আপনি যা
পারেন করুন।

অগত্যা নাগানন্দ স্বামী ঘরের মধ্যেই রহিতে বাধ্য হইলেন। অধিকাংশ
বিদ্যার্থী শুইয়া রহিল, কেবল জনদুই একটা জগদম্প পিটিয়া লোকের মনোযোগ
আকর্ষণ করিতে লাগিল। অল্পক্ষণের মধ্যেই ভিড় জমিয়া গেল।

সকলে অবাক। এমন দৃশ্য তাহারা কখনো দেখে নাই। সকাল গেল,
দুপুর গেল, সায়াহ্ন আসিল, না উঠিল বিদ্যার্থীগণ, না থামিল জগদম্পের
বাজনা।

ভিড়ের মধ্য হইতে একজন বলিল—তোমরা কি স্নানাহার করিবে না ?

—না।

—তোমরা কি আচার্যকে বাহিরে আসিতে দিবে না ?

—তিনি স্বচ্ছন্দে বাহিরে আসিতে পারেন, আমরা আটকাই নাই।

—ইহাকেই তো আটকানো বলে।

—মোটাই নয়, ইহাকে বলে সাংখিক প্রায়োপবেশন।

—কিন্তু আচার্যও যে প্রায়োপবেশন করিতে বাধ্য হইতেছেন।

—আমরা তাহার কি করিব ?

রাত্রি আসিল। ভিড় কমিয়া গেল। কিন্তু প্রায়োপবেশকল্প উঠিল না, বাজনাও থামিল না। নাগানন্দ ঘরের মধ্যে বন্ধ রহিলেন, কিন্তু অভুক্ত রহিলেন না। তিনি যোগী পুরুষ, যোগবলে ঘরে বসিয়াই খাণ্ড সংগ্রহ করিয়া আহার করিলেন। অভুক্ত বিদ্যার্থীদের কথা স্মরণ করিয়া তাঁহার দুঃখ হইল, ইহাতে বুঝিতে পারা যায় যে, যোগবলেও জীবনের সব রহস্য উদ্ঘাটিত হয় না। তিনি আধুনিক কালের লোক হইলে নিরঙ্ঘ উপবাস করিতে বাধ্য হইতেন।

এই ভাবে তিন চার দিন গেল। প্রতিদিনই ভিড় বাড়িতে লাগিল। সকলে দেখিয়া অবাক হইল যে, বিদ্যার্থীগণ আজ চার দিন অভুক্ত, অথচ দিব্য প্রফুল্লমূর্তি, মুখে ক্লেশ বা অনশনের চিহ্নমাত্র নাই।

কেহ বলিল—উহারা মায়া জানে।

কেহ বলিল—উহারা যোগী।

কেহ বলিল—ক্ষুধাতৃষ্ণ জয় করিবার কোশল শিখিবার উদ্দেশে একবার গৌড়ে যাইতে হইবে দেখিতেছি।

অবশেষে ব্যাপারটা রাজার কানে পৌছিল। তিনি মন্ত্রীকে দিয়া উপবাস তঙ্গ করিতে বলিয়া পাঠাইলেন। বিদ্যার্থীরা সম্মত হইল না। অবশেষে রাজা কৌটালকে আদেশ করিলেন, সৈন্ত দিয়া ছাত্রদের ঘেন ঘিরিয়া রাখে, নতুবা লোকে তাহাদের বিরক্ত করিতে পারে।

এই আদেশ শুনিয়া বিদ্যার্থীরা ঘোরতর আপত্তি করিল, বলিল—তাহা হইলে রাজদ্বারেও প্রায়োপবেশন সুরু করিতে হইবে দেখিতেছি।

রাজা বলিলেন—থাক, বাদ দাও, উহাদের ভালোর জন্তই ঘিরিয়া রাখিবার কথা বলিয়াছিলাম, উহারা না চায়, নাই ঘিরিয়া রাখিলে, আমার কি শিরঃপীড়া!

আরও চার পাঁচ দিন গত হইল। রাজা বিশেষ উদ্বিগ্ন হইয়া উঠিলেন, একটা অঘটন ঘটয়া গেলে গৌড়েশ্বর কি বলিবেন। তিনি রাজবৈজ্ঞকে পাঠাইয়া দিলেন, বলিলেন,—যাও, একবার পরীক্ষা করিয়া দেখ, ছাত্রদের শরীরের অবস্থা কিরূপ?

বিদ্যার্থীরা রাজবৈজ্ঞকে কাছে ঘেঁষিতে দিল না।

রাজা প্রধান অমাত্যগণকে পাঠাইয়া দিলেন, একবার কহিয়া দেখো, অনশন ত্যাগ করে কি না!

বিদ্যার্থীরা কাহারো কথা শুনিল না, বরঞ্চ চীৎকার করিয়া বলিতে লাগিল, আগে নাগানন্দ মত পরিবর্তন করুক, তারপরে আমাদের অহরোধ করিও।

অমাত্যগণের মুখ ভবিষ্যতের আশঙ্কায় কালো হইয়া গেল, তাহার। ভাবিতে লাগিল, রাজাকে গিয়া কি বলিবে।

এমন সময় এক বুড়ো মিঠাইওয়াল। তাহাদের কাছে আসিয়া বুদ্ধিগুণে বলিল—
কর্তা, আপনারা ছাত্রদের জন্ত চিন্তা করিবেন না, তাহারা কদাচ অনাহারে মরিবে না।

একজন কোতূহলী হইয়া শুধাইল, কেন এমন বলিতেছ?

কিন্তু মিঠাইওয়ালাকে আর দেখিতে পাওয়া গেল না, ভিড়ের মধ্যে সে কোথায় সরিয়া পড়িয়াছে।

আরও চার দিন গেল। বিদ্যার্থীদের প্রায়োপবেশনের আর পঞ্চদশতম দিবস।

গোড়বাসীর অনশনক্ষমতায় সমস্ত কান্দীর হতবুদ্ধি।

একজন বলিল—অনশনেই ওরা অভ্যস্ত, তাই না ওরূপ চেহারা।

আর একজন বলিল—মনের বলই বল, শরীরটা তো তুচ্ছ, দ্বিভাষ না থাকিলে নয়, তাই আছে।

অপর আর একজন বলিল—যা বল, ওরাই আসল ব্রাহ্মণ, সংস্কৃত উচ্চারণ যেমনি করুক না কেন।

ক্রমে অনেক লোকেই বিদ্যার্থীদের প্রতি সহানুভূতিপরিচয় হইয়া উঠিল, তাহারা বিদ্যার্থীদের অপরাধ তুলিয়া গেল, এমন কি, কেহ কেহ নাগানন্দকেই দোষী সাব্যস্ত করিতে লাগিল। জনমত যখন বিদ্যার্থীদের দিকে সুবিচার মুখে, এমন সময়ে এক অঘটন ঘটিল।

সে দিন অনশনের ষোড়শতম দিবস। দুইজন গোড়ীয় বিদ্যার্থী (সেই কান্দীর)

জনমত জাগ্রত করিবার উদ্দেশে জগন্মপিটিত) অতি প্রত্যাষে ছুটিতে ছুটিতে রাজবৈজ্ঞের বাড়ীতে আসিয়া উপস্থিত হইল।

রাজবৈজ্ঞ শুধাইল—এত ভোরে ! কি সংবাদ ?

—আপনাকে একবার বাইতে হইবে।

—কোথায় ?

—প্রায়োপবেশন ক্ষেত্রে।

—সকট দেখা দিয়াছে বৃষ্টি ! আগেই জানিতাম, এমন হইবে। হিকা, না শ্বাস, না দুই-ই ?

—আজ্ঞে, দুই-ই।

—হিকা আর শ্বাস ?

—আজ্ঞে, না, ভেদ আর বন্নি।

—উদরাময় ?

—তাইতো মনে হইতেছে।

—কি আশ্চর্য ! প্রায়োপবেশনের ফলে উদরাময়, এমন তো শাস্ত্রে লেখে না।

—আজ্ঞে তবু সত্য, কিছুমাত্র সন্দেহ নাই।

—কেন এমন হইল বলিতে পারো ?

—আজ্ঞে, ঘৃতটা কিঞ্চিৎ নীরেস ছিল।

—ঘৃত ? এর মধ্যে ঘৃত কোথা হইতে আসিল ?

—এক বেটা বুড়ো মিঠাইওয়ালার অনবধানেই এমন ঘটিয়াছে।

—মিঠাইওয়ালার ? তোমরা কি তবে প্রায়োপবেশন কর নাই ?

—আজ্ঞে প্রায় উপবেশন করিয়াছিলাম বলিয়াই এমন ছরবস্থা ঘটিল, শুধু

উপবেশন করিলে বোধ করি এমন হইত না।

তারপরে রাজবৈজ্ঞের চিকিৎসার গুণে উদরাময়ের রোগীরা কয়েক দিনের মধ্যেই সম্পূর্ণ সারিয়া উঠিল, আর নাগানন্দ স্বামীও গৃহাবরোধ হইতে মুক্তি লাভ করিলেন।

অতঃপর কাশ্মীররাজ গোড়ীয় বিদ্যার্থীদের ডাকিয়া পাঠাইলেন। তাহারা উপস্থিত হইলে বলিলেন—বৎস, এবার তোমরা দেশে ফিরিয়া যাও।

বিদ্যার্থীরা নিজেদের মধ্যে পরামর্শ করিয়া বলিল—আমাদের পাথরের অভাব।

রাজা বলিলেন—রাজকোষ হইতে দিতেছি।

বিদ্যার্থীরা বলিল—সঙ্গীর অভাব।

রাজা বলিলেন—কয়েকজন সৈন্ত তোমাদের সঙ্গে গোড় পর্যন্ত যাইবে।

তখন বিদ্যার্থীরা বলিল—আমরা যে চতুশ্চাঠীর পরীক্ষায় উত্তীর্ণ হইয়াছি, এমন অভিজ্ঞানপত্র দিতে হইবে।

রাজা বলিলেন—তাহাও দিতে পারি। কিন্তু তোমরাই জানো, কত দূর কি শিখিয়াছি, দেশে গিয়া ধরা পড়িবে না?

বিদ্যার্থীরা বলিল—আজ্ঞে, সে আশঙ্কা নাই; কারণ, দেশের লোকেরা আমাদের চেয়েও মূর্খ!

রাজা বলিলেন—তবে তাহাই হোক। তোমাদের অভীষ্ট সব বস্তুই পাইবে, এখন যাও, প্রস্তুত হও গিয়া।

তারপর একদিন সূত্রভাতে গোড়ীয় বিদ্যার্থীগণ রাজব্যয়ে কাশ্মীর ত্যাগ করিতে উত্তত হইল। চারিদিকের জনতাকে অভিভূত করিয়া দিয়া বিদ্যার্থীগণ ‘কাশ্মীর নিপাত ষাউক’ ধ্বনি করিতে লাগিল এবং পালাক্রমে ‘কাশ্মীর নিপাত ষাউক’ ও ‘গোড় উন্নত হউক’ ধ্বনি তুলিতে তুলিতে গৃহাভিমুখে যাত্রা করিল।

তাহারা চলিয়া গেলে, বিস্ময়ের ভাব কতকটা কাটিলে একজন বলিয়া উঠিল—‘হুনিয়া তো এক আজব চিড়িয়াখানা স্থায়। ওর গোড় উসীমে বন্দরকা মোকাম! সীয়ারাম, সীয়ারাম।’

পরিশিষ্ট

বাঙালী-নিন্দুক বলিয়া বর্তমান লেখকের একটা দুর্নাম আছে। এই গল্পটি তাহারই দৃষ্টান্ত বলিয়া গণ্য হইবে আশঙ্কা। কাজেই যে উৎস হইতে গল্পটির

উপাদান সংগ্রহ করিয়াছি, তাহার পূর্ণ বিবরণ প্রকাশ করিতে বাধ্য হইলাম। উক্ত অংশ পড়িলেই সকলে বুঝিতে পারিবেন যে, হাজার বছর আগেও বাঙালী-চরিত্র একই রকম ছিল, তাহার নিন্দা করিবার জন্ত কল্পনার আশ্রয় গ্রহণ নিশ্চয়োজন, নির্জলা সত্যকথনই যথেষ্ট, আর যিনি এ বিবরণ লিখিয়া গিয়াছেন, তিনিও বাঙালী ছিলেন না। কাজেই বিবরণটিকে ও বর্তমান গল্পটিকে নিরপেক্ষ চিত্র বলিয়া গ্রহণ করা যাইতে পারে।

কাশ্মীরে গোড়ীয় বিদ্বার্থী

কাশ্মীরী কবি ক্ষেমেন্দ্র তাঁহার দশোপদেশ-গ্রন্থে কাশ্মীর-প্রবাসী গোড়ীয় বিদ্বার্থীদের বর্ণনা দিয়াছেন। দশম একাদশ শতকে প্রচুর গোড়ীয় বিদ্বার্থী কাশ্মীরে যাইতেন বিদ্যালভের জন্ত। ক্ষেমেন্দ্র বলিতেছেন, 'ইহারা ছিলেন অত্যন্ত ছুৎমাগী, ইহাদের দেহ ক্ষীণ, কঙ্কালমাত্র সার এবং একটু ধাক্কা লাগিলেই ভাঙ্গিয়া পড়িবেন, এই আশংকায় সকলেই ইহাদের নিকট হইতে দূরে দূরে থাকিতেন। কিন্তু কিছুদিন প্রবাস-ব্যাপনের পরই কাশ্মীরের জল-হাওয়ায় ইহারা বেশ মেদ ও শক্তিসম্পন্ন হইয়া উঠিতেন। 'ওঙ্কার' ও 'স্বস্তি' উচ্চারণ যদিও ছিল ইহাদের মধ্যে অত্যন্ত কঠিন কর্ম, তবু পাতঞ্জলভাষ্য, তর্কমীমাংসা প্রভৃতি সমস্ত শাস্ত্রই তাঁহাদের পড়া চাই।...ক্ষেমেন্দ্র আরও বলিতেছেন, গোড়ীয় বিদ্বার্থীরা ধীরে ধীরে পথ চলেন এবং থাকিয়া থাকিয়া তাঁহাদের দর্পিত মাথাটি এদিক-সেদিক দোলান। ইাটবার সময় বিদ্বার্থীর ময়ূরপঙ্খী জুতায় মচ্-মচ্ শব্দ হয়; মাঝে মাঝে তিনি তাঁহার স্রবশ স্রবিশস্ত চেহারাটার দিকে তাকাইয়া দেখেন। তাঁহার ক্ষীণ কটিতে লাল কটিবন্ধ। তাঁহার নিকট হইতে অর্থ আদায় করিবার জন্ত ভিক্ষুক এবং অত্যাচারী পরাশ্রয়ী লোকেরা তাঁহার তোষামোদ করিয়া গান গায় ও ছড়া বাঁধে। কৃষ্ণবর্ণ ও শ্বেত দস্তপংক্তিতে তাঁহাকে দেখায় যেন বানরটি। তাঁহার দুই কর্ণলতিকায় তিন তিনটি স্বর্ণকর্ণভূষণ, হাতে যষ্টি, দেখিয়া মনে হয়, যেন সাক্ষাৎ কুবের। স্বল্পমাত্র অজুহাতেই তিনি রোষে ক্ষিপ্ত হইয়া উঠেন, সাধারণ একটু কলহে ক্ষিপ্ত হইয়া ছুরিকাঘাতে নিজের সহ-আবাসিকের পেট

চিরিয়া দিতেও তিনি স্বিধাবোধ করেন না। গৰ্ব করিয়া তিনি নিজের পরিচয়
 দেন ঠাকুর বা ঠাকুর বলিয়া এবং কম দাম দিয়া বেশি জিনিষ দাবি করিয়া
 দোকানদারদের উত্যক্ত করেন। (বাঙালীর ইতিহাস, আদি পর্ব, পৃঃ
 ৫৫১—৫৫২, নীহাররঞ্জন রায়।)

গুরুমারা (চল)

মুলতান সারিবদ্ধ বন্দীদের দেখিয়া বলিলেন—না, এতগুলো লোককে কিছুতেই হত্যা করা চলে না।

কোর্টাল করজোড়ে বলিল—জাঁহাপনা এই দুর্বৃত্তেরা যত লোককে হত্যা করিয়াছে, যত লুণ্ঠন, যত গৃহদাহ করিয়াছে, জানিলে ইহাদের প্রতি আপনার দয়া হইত না।

মুলতান বলিলেন—তোমার বাক্য আমি বিশ্বাস করিতেছি, কিন্তু মৃত্যু ছাড়া আর কি যোগ্য দণ্ড নাই ?

তার পরে বন্দীদের দেখাইয়া বলিলেন—দেখো, কেমন সুগঠিত স্তন্য দেহ, এগুলি সমাজের সম্পদ নয় ? ব্যভিচার ঘটিয়াছে বলিয়াই কি ব্যবহার ভুলিতে হইবে ?

অমাত্য বলিল—জাঁহাপনা, কোর্টাল সাহেব কেবল হত্যার তালিকাই দিলেন, কিন্তু আমার অভিজ্ঞতা এই যে, এই রাজ্যে যে-সব জালজুয়াচুরি, মিথ্যা মামলা, শঠতা প্রভৃতি ঘটিয়া থাকে, সে সমস্তেরও মূলে ইহারাই। অতএব আমার আরজি এই যে, ইহারাই শাসিত না হইলে রাজ্যরক্ষা করা কঠিন হইবে।

মুলতান জালাল উদ্দিন খিলজি বলিলেন—তোমাদের উভয়ের কথাই সত্য, কিন্তু ইহাদের আচরণের জন্য দায়ী ইহাদের স্বভাব। হতভাগ্যেরা যেমন শিখিয়াছে, তেমন করে—মারিয়া ফেলিলে তো স্বভাব সংশোধন হইবে না ? তা ছাড়া দেখো—ইহাদের মধ্যে হিন্দু আছে, মুসলমান আছে ; হিন্দু বধ করিলে আর হিন্দু প্রজাগণ দুঃখিবে, মুসলমান বধ করিলে মুসলমান প্রজাগণ দুঃখিবে—আর উভয় সম্প্রদায়কে বধ করিলে উভয় সম্প্রদায় দুঃখিবে। এ অবস্থায় মৃত্যুদণ্ড দান সম্ভব নহে।

—তবে জাঁহাপনার কি আদেশ ?

—রাজ্যের উপরে ইহাদের প্রভাব অবাস্তিত স্বীকার করিতেছি। কাজেই নির্বাসন দণ্ডই সমুচিত বিধান।

—কিন্তু শাহেনশাহা, যেখানে নির্বাসনে পাঠাইবেন, সেখানে গিয়া কি ইহারা স্বভাব বদলাইবে? তা' যদি না বদলায়, তবে সেখানকার লোকের অবস্থা কি হইবে একবার ভাবিয়া দেখুন।

—সে কথা সত্য! তাই তো রাজ্যের প্রত্যন্ত সীমায় পাঠাইয়া দিতে সক্ষম করিয়াছি। সে দেশ জনবিরল, সেখানে কাহার স্বভাব ইহারা পরিবর্তন করিবে?

—কোন প্রত্যন্ত সীমায়?

—পূর্ব দেশে। সেখানে গোড় নামে যে স্থাপদসঙ্কুল অরণ্যে পূর্ব দেশ আছে, তাহার প্রধান নগর লখনৌতি। আমার আদেশ এই যে, ইহাদের সপরিবারে সেখানে পৌছাইয়া দাও। সেখানে ইহারা স্বচ্ছন্দে বসবাস করুক। তাহাতে ইহারাও প্রাণে মরিবে না, দিল্লীর লোকও প্রাণে বাঁচিয়া যাইবে

—আর লখনৌতির লোক?

—জলে জল মিশিয়া যাইবে, কেহ প্রভেদ বুঝিতে পারিবে না। গোড়ের প্রভাব দিল্লীতে পৌছিতে পারিবে না।

সুলতানের আদেশ অমান্য করিবার উপায় নাই—অতএব সেই হাজার ঠগকে সপরিবারে গোড়ে পৌছাইয়া দেওয়াই স্থির হইল। তখন তাহার সরকারী পাহারায় নৌকাবোগে দিল্লী হইতে যমুনা, গঙ্গা এবং মহানন্দার শ্রোত বহিয়া একদিন প্রাতঃকালে সত্য সত্যই লখনৌতিতে আসিয়া উপস্থিত হইল। সেখানে তাহার নামিলে কোটাল বলিল, তোমরা এখানে স্বাধীনভাবে বাস করো, কিন্তু সাবধান, দিল্লীতে ফিরিবার চেষ্টা করিও না। সেখানে ফিরিলে প্রাণদণ্ডে দণ্ডিত হইবে, ইহাই সুলতানের আদেশ।

এই বলিয়া কোটাল ঠগদের মুক্তি দিল এবং কিছুদিন পরন্ত তাহাদের নজরবন্দী করিয়া রাখিবার উদ্দেশ্যে এক দল সৈন্য রাখিয়া দিল্লী প্রত্যাবর্তন করিল।

দেশের স্ত্রী দেখিয়া ঠগের দল মাথায় হাত দিয়া বসিয়া পড়িল। হায় হায়, তাহারা এ কোথায় আসিয়া পড়িল! এ কি একটা জনপদ, এ কি মানুষের আবাস, আর এখানে যে-সব দ্বিপদ জীব ঘোরা-ফিরা করিতেছে, তাহারা কি মানুষ? কোথায় নগরীশ্রেষ্ঠ দিল্লী, জীবশ্রেষ্ঠ দিল্লীবাসিগণ, কোথায় তাহাদের সে ঐশ্বর্য! কোথায় সেই দিল্লীর চাঁদনী চক, অহোরাত্র লোকসমাগমে গম্গম্ করে, তাহাদের শিল্পচর্চার সে কি অবাধ অবসর! তাহার তুলনায় এ কি একটা স্থান! একই ছনিয়ার অন্তর্ভুক্ত! মুসলমান ঠগেরা আল্লা আল্লা করিয়া, হিন্দু ঠগেরা হায় ভগবান্ করিয়া কপাল চাপড়াইয়া কাঁদিয়া উঠিল।

ফৌজদারের পায়ে গিয়া পড়িল, বলিল—সাহেব, আমাদের দিল্লী লইয়া চলো।

ফৌজদার সিদ্ধির পাত্রে চুমুক দিতে দিতে বলিল—সেখানে গেলে তোমাদের মৃত্যুদণ্ড অবধারিত।

ঠগেরা বলিল—চাঁদনী চকে গিয়া যে মৃত্যু, তাহা এখানে বাঁচিয়া থাকিবার চেয়েও অনেক ভালো।

ফৌজদার বলিল—কিন্তু লইয়া গেলে আমারও মৃত্যুদণ্ড হইবে।

ঠগেরা বলিল—সাহেব, পরোপকারের উদ্দেশ্যে না হয় প্রাণটা দিলেই।

কিন্তু ফৌজদারের কথাবার্তায় বোঝা গেল, এ বিষয়ে ঠগদের সঙ্গে তাহার জড়তর অন্তর্ভুক্ত আছে।

সে বলিল—তা হইবার নয়, তোমাদের এখানেই থাকিতে হইবে। তোমরা বাহাতে কিরিতে না পারো, তাহা দেখিবার জন্তই আমি আছি।

অরপরে বলিল—দুঃখ করিও না, মনীষিগণ প্রতিকূল অবস্থায় মুহুমান হয় না, তোমাদের মনীষা সর্বজনস্বীকৃত, তোমরা কেন স্রিয়মাণ হইতেছ? এখানেও মানুষ আছে—কাছেই তোমাদের শিল্পচর্চা একেবারে ব্যাহত হইবে, সেক্সপ

আশঙ্কা করিও না। চারি দিকে ঘুরিয়া-ফিরিয়া দেখ—প্রতিভার পথ সর্বত্র উন্মুক্ত।

ঠগেরা হতাশ হইয়া ফিরিয়া আসিল।

ঠগদের সর্দার রাম কাহেলী। সে বলিল—তোমরা নিকুংসাহ হইয়া ভাবিও না যে, ভগবান্ আমাদের প্রতিকূল। একুপ ভাবিলে ভগবানের প্রতি অবিচার করা হইবে। সাধারণ লোকেরা ঐকুপ ভাবিয়া থাকে। আবার তোমরাও যদি সেই চিন্তাধারাকে গ্রহণ করো, তবে ভগবান্ দাঁড়াইবেন কোথায়? সাধারণ লোকে যাহাই ভাবে ভাবুক, আমার ধারণা এই যে, ভগবান্ বিশেষ ভাবে ঠগ-সমাজের দিকেই। প্রমাণ চাও? প্রতিদিন যে শত শত ঠগ স্বকার্ষে নিযুক্ত আছে, তাহাদের মধ্যে কয়জন ধরা পড়ে? যে-কয়জন হতভাগা ধরা পড়ে, তাহা ভগবানের নির্দেশে নয়, তাহাদের শিল্পচাতুরীর অভাবে। আবার দেখো—সাধারণ মানুষ নিত্যনিয়মিত ঠগের হাতে মারা পড়িতেছে, কই—ভগবান্ তাহাদের রক্ষা করেন না কেন? তিনি তো সর্বশক্তিমান্, ইচ্ছা করিলেই পারেন, তবে যে করেন না, তাহার আসল কারণ, রক্ষা করা তাহার ইচ্ছা নয়। আর প্রমাণের বাকি রহিল কি? অতএব ভাই সকল, ভগ্নহৃদয় হইবার প্রয়োজন নাই, আবার ভগ্নবদ্বিছায় আমরা প্রতিষ্ঠা লাভ করিব। হয় তো মঙ্গলময়ের ইহাই অভিপ্রায় যে, এই পাণ্ডব-বর্জিত দেশে ঠগায়ন প্রচাৰিত হইবে। কে নিশ্চয় করিয়া বলিতে পারে, অতএব এসো, ক্লেব্য ত্যাগ করিয়া সকলে বদ্ধগরিকর হও।

রাম কাহেলী গীতাখানি উত্তমরূপে অধ্যয়ন করিয়াছে বৃত্তিতে পারা যায়! কোন্ ঠগ না ধর্মশাস্ত্র পড়িয়া থাকে!

সর্দারের বক্তৃতায় ঠগেরা সজীবিত হইয়া উঠিয়া দাঁড়াইয়া বলিল—সর্দার, এবার কি করিতে হইবে আদেশ করো।

রাম কাহেলী বলিল—তোমাদের মধ্যে তিন জন পশ্চিম, উত্তর ও দক্ষিণ দিকে যাও, আমি স্বয়ং পূর্ব দিকে যাইব। এই স্থানটা একবার তন্ন তন্ন করিয়া দেখা দরকার। তার পরে আমরা কর্মপদ্ধতি স্থির করিব। কারণ, শাস্ত্রেই বলিয়াছে যে, আগে জ্ঞান, পরে কর্ম। তখন তিন জন অভিজ্ঞ ঠগ তিন দিকে

রওনা হইল, আর খোদ সর্দার চলিল পূব দিকে। সেই দিকেই বাজার ও জনপদ আছে বলিয়া তাহারা শুনিয়াছিল। স্থির হইল যে, সন্ধ্যার প্রাকালে ফিরিয়া আসিয়া তাহারা সকলকে নিজ নিজ অভিজ্ঞতা নিবেদন করিবে।

৩

সন্ধ্যাবেলায় চার জন ঠগ চার দিক হইতে ফিরিয়া আসিল। তাহাদের ঘিরিয়া সকলে বসিল।

তখন রাম কাহেলী বলিল—বিঠোবা, তুমি পশ্চিম দিকে কি দেখিলে বলো ?

বিঠোবা আরম্ভ করিল—সর্দার, কি আর দেখিব ! এমন দেশে মানুষ আসে ! পশ্চিম দিকে আমি পাঁচ ছয় ক্রোশ গিয়াছিলাম, কিছুই দেখিতে পাইলাম না, না একটা মানুষ, না একটা ঘরবাড়ী ! শেষে একটা বিলের মধ্যে গিয়া পড়িলাম। তখন একটা বুনো শূণ্ডর তাড়া করিল। তাড়াতাড়ি পালাইয়া আসিলাম !

সর্দার তাহার অভিজ্ঞতা শুনিয়া বলিয়া উঠিল—আরে রাম কহো ! রাম কহো ! তার পরে বলিল—রহমৎ, তুমি দক্ষিণ দিকের কথা বলো।

রহমৎ শুরু করিল—সর্দার, আমি অনেকক্ষণ চলিয়া সেখানে কিছুই দেখিতে পাইলাম না। ভাবিলাম, এবারে ফিরি। ফিরিবার পথে দেখিলাম, একটা গোরু চরিতেছে। মনে করিলাম, গোরুটাকে লইয়া যাই। গোরুটার গলা ধরিয়া টানিবা মাত্র সে নিতান্ত ভাল ছেলেটির মতো আমার সঙ্গে চলিতে লাগিল। সর্দার—ভাবিলাম, ওটা সত্য সত্যই গোরু ! একবার চিন্তা করিয়া দেখো, দিল্লীর গোরু হইলে কি করিত ! টানাটানি করিয়া, দুঁ মারিয়া প্রাণান্ত করিত। তখন মনে হইল—আল্লা, এ কোন্ দেশে আনিলে ? চুরি, রাহাজানি যে করিব, তাহার স্বেষণ পর্যন্ত নাই—তাই জানোয়ারটাকে ছাড়িয়া দিয়া একাই চলিয়া আসিলাম।

সকলে তাহার অভিজ্ঞতা শুনিয়া তাজ্জব বনিয়া গেল।

সর্দার বলিয়া উঠিল—আরে রাম কহো, রাম কহো !

তখন সে উত্তর দিকগামী কাহাইয়াকে তাহার অভিজ্ঞতা বর্ণনা করিতে আদেশ করিল।

কাহাইয়া বলিল—সর্দার, দুঃখের কথা আর কি বলিব ? কিছু দূর যাইবার পরে দেখিলাম, নদীর ধারে একটা লোক ছিপ ফেলিয়া বসিয়া আছে। মাছ ধরিতেছে, তাহাতে আর সন্দেহ নাই। তবু ভাবিলাম, দেখাই যাক, লোকটা কি বলে ! শুধাইলাম—কি করিতেছ ?

সে বলিল—মাছ ধরিতেছি।

সর্দার, দিল্লী হইলে সে কি স্বীকার করিত ? নিশ্চয়ই বলিত, জল মাপিতেছি বা ঐ রকম আর একটা কিছু।

সর্দার, যে দেশের লোক অকারণে সত্য কথা বলে, সে দেশে কোন্ সূত্রে থাকিব ? হয় তো ইহাদের সঙ্গে থাকিতে থাকিতে আমরাও শেষে সত্য কথা বলিতে সুরু করিয়া দিব। মনের দুঃখে চলিয়া আসিলাম।

সর্দার আবার বলিয়া উঠিল—আরে রাম কহো, রাম কহো !

তখন সকলে সর্দারকে তাহার অভিজ্ঞতা বর্ণনা করিতে অনুরোধ জানাইল।

সর্দার সুরু করিল—আমি পূর্ব দিকে গিয়াছিলাম। ক্রোশথানেক পথ গিয়া একটা সহর দেখিলাম। আরে ছোঃ, সে কি সহর ! গোটাকয়েক কোঠাবাড়ী, আর সব থড়ের চালা।

সেখানে একটা বাজার আছে দেখিতে পাইলাম। সারি সারি দোকান, চাল-ডাল, কাপড়-চোপড় সাজানো, কিন্তু সব দোকানে দোকানী নাই। লোকে পছন্দমতো জিনিষ তুলিয়া লইয়া দাম রাখিয়া দিয়া চলিয়া যাইতেছে।

তাহার কথা শুনিয়া ঠগেরা সকলে হায় হায় করিয়া বুক চাপড়াইয়া বলিয়া উঠিল—এ কোথায় আসিলাম !

সর্দার বলিতে লাগিল—যত বাড়ী-ঘর দেখিলাম, কোনটার দরজায় কুলুপ-চাবি নাই, সব খোলা পড়িয়া আছে, অথচ শুনিলাম, কোন জিনিষ কখনো চুরি যায় না !

—কেমন করিয়া জামিলে ?

—একটা লোককে শুধাইয়াছিলাম কি না ! তাহার কখনো চাবি-কুলুপ দেখে নাই, এমন কি, সে বস্তুর নাম পর্যন্ত শোনে নাই। অথচ দিল্লীর কথা ভাবিয়া দেখে, দরজায় চাবি-কুলুপ দিয়াও নিশ্চিত হইবার উপায় নাই, শাহার বসাইতে হয়।

—লোকটাকে তাহার নাম শুধাইলাম, সে বলিল—জগা !

—সত্য বলিল যে, তাহার প্রমাণ কি ?

—আরে মিথ্যা করিয়া বলিবার মতো বুদ্ধি আছে কি ? তাহা হইলে আর ভাবনা কি ছিল ? দেখিলাম, আর পাঁচ জনেও তাহাকে জগা বলিয়াই ডাকিতেছে।

—তাহাকে একান্তে ডাকিয়া বলিলাম, তোমার নাম জগা সন্দেহ নাই, কিন্তু তাহা বলিলে কেন ?

—সে বলিল—তবে কি বলিব ?

—ঠগা বলিবে, লগা বলিবে, রামা বলিবে, জগা ছাড়া আর বাহা মুখে আসে, তাহাই বলিবে !

—সে বলিল—কেন ?

—অথবা সত্যকথা বলিলে প্রয়োজনকালে যে মিথ্যা বলিতে পারিবে না।

সে শুধাইল, মিথ্যা কি ?

—শোনো একবার কথা—মিথ্যা কি ? মিথ্যা কি নয় ? তাহাকে বলিলাম—বাঁপু, মিথ্যার মহিমা অত সহজে বুঝাইতে পারিব না, তবে এখন এইটুকু জানিয়া রাখো যে, যে মিথ্যা বলিতে পারে, সে সবই পারে !

—দেখিলাম, লোকটার মধ্যে সম্ভাবনা আছে। সে বলিল, তবে আমাকে মিথ্যা বলিতে শিখাইয়া দাও।

আমি বলিলাম—নিশ্চয়ই শিখাইব, সেই জন্তই তো সুলতান আমাদের এখানে পাঠাইয়া দিয়াছেন। লোকটা কাল সকালে এখানে আসিবে।

সর্দারের কথা শুনিয়া সকলে খুব উৎসাহিত হইয়া উঠিল।

সর্দার বলিল—আমরা এক বৎসর কাল এখানে থাকিব। যদি এই সময়ের মধ্যে গৌড়ের লোক মিথ্যা, জাল, জুয়াচুরি, রাহাজানি প্রভৃতি শিখিয়া লয়, তবেই এ দেশে থাকিয়া যাইব, নতুবা সকলে দিল্লী ফিরিব, তাহাতে সুলতান আমাদের হাতেই মারুন আর ভাতেই মারুন।

সকলে বলিল—ইহা নিতান্ত সমীচীন সিদ্ধান্ত।

তখন সকলে প্রভাত ও জগার আশায় ঘুমাইয়া পড়িল।

৪

পরদিন যথাসময়ে প্রভাত ও জগা দেখা দিল।

জগা সর্দারকে বলিল—এবার আমাকে মিথ্যা কথা বলিতে শিখাও।

সর্দার বলিল—বহুৎ আচ্ছা! তোমার উৎসাহ দেখিয়া খুশী হইয়াছি। এখন মন দিয়া পাঠ লও। মিথ্যা কথার প্রথমটাই কঠিন, তারপরে ইহার মতো সহজ ব্যাপার আর নাই।

অতঃপর সর্দার ও জগার মধ্যে যে-রকম কথোপকথন হইল, তাহার কিয়দংশ উদ্ধার করিয়া দিতেছি—

সর্দার। আমার হাতে কয়টা আঙ্গুল?

জগা। পাঁচটা।

সর্দার। ওটা সত্য কথা হইল। উহা সকলেই জানে।

জগা। তবে কি বলিব?

সর্দার। হয় ছয়টা বলিবে, নয় তিনটা, কি চারটা বলিবে।

জগা। কেন?

সর্দার। কেন আবার কি! সেটাই যে মিথ্যা হইল, তাহাই শিখিতে তুমি যে আসিয়াছ।

জগা। মিথ্যা কাহাকে বলে?

সর্দার। সত্য ছাড়া আর যাহা বলিবে, তাহাই মিথ্যা।

জগা। তবে লোকে মিথ্যা বলে না কেন ?

সর্দার। তোমাদের এই পাণ্ডববর্জিত দেশ ছাড়া আর সব দেশেই মিথ্যা বলে।

জগা। আমরাই বা মিথ্যা বলি না কেন ?

সর্দার। সদৃশ্য এবং বুদ্ধির অভাব।

জগা। মিথ্যা বলিলে কি হয় ?

সর্দার। কি না হয় ! মিথ্যা না বলিলে জাল-জুয়াচুরি, রাহাজানি, কিছুই সম্ভব নয়।

জগা। ও সব কি ?

সর্দার। সময়ে শিখিবে, আগে মিথ্যাটা আয়ত্ত করিয়া লও।

জগা। প্রস্তুত আছি।

সর্দার। এবার বলো, আমার হাতে কয়টা আঙ্গুল ! বিবেচনা করিয়া উত্তর দিও।

জগা। আটাশটা।

সর্দার। বহুৎ আচ্ছা। এবার বলো, তোমার নাম কি।

জগা। ঠগা।

সর্দার। আবার বলো, তোমার নাম কি ?

জগা। ঐ তো বলিলাম—ঠগা।

সর্দার। উহ, হইল না।

জগা। কেন ?

সর্দার। কেন কি ! একই মিথ্যাকে একাধিক বার বলিলে তাহা প্রায় সত্য হইয়া পড়ে—অতএব প্রত্যেক বারে নূতন নূতন মিথ্যা বলিবে।

জগা। বেশ, তবে আমার নাম লগা।

সর্দার। এই তো চাই। কে বলিল, গোড়ের লোক নিকোঁধ ! কেবল সদৃশ্যের অভাব। এবার আমরা আসিয়াছি, সে অভাবও আর থাকিবে না। আচ্ছা, বলো তো—সূর্য্য কোন্ দিকে ওঠে ?

জগা। কখনো দক্ষিণে, কখনো পশ্চিমে, কখনো উত্তরে।

সর্দার। কখনো পূবে নয় কেন!

জগা। ওদিকে যে সত্যই ওঠে।

সর্দার। সে কথা ঠিক! কিন্তু অনেকগুলি মিথ্যার সঙ্গে মিশাইয়া বলিলে সত্যও মিথ্যার রঙ পায়! বরঞ্চ আসলটাকে বাদ দিলেই লোকে সন্দেহ করিবে।

জগা। বুঝিয়াছি।

সর্দার। বুঝিবেই তো, তুমি যে গোড়বাসী। ভালো, তোমার নামটা কি?

জগা। খগা।

সর্দার। বাঃ বাঃ, বেশ!

জগা। সর্দার, তোমার শিক্ষাতে ইতোমধ্যেই মনে এক প্রকার আনন্দ অন্বেষণ করিতেছি। এমন আর কখনো করি নাই।

সর্দার। তবে আজ আর প্রয়োজন নাই। কারণ, ঐ আনন্দই প্রমাণ করিতেছে যে, তোমার মনে সত্যের মূল উৎপাটিত হইয়া তৎস্থানে মিথ্যার অঙ্কুর মাথা তুলিয়াছে। এবাবে তুমি গ্রামে ফিরিয়া যাও। কাল আবার আসিবে।

জগা যাইবার জন্ত উত্তত হইলে সর্দার তাহার হাতে এক জোড়া চাবি-কুলুপ দিয়া বলিল—এটা তুমি লইয়া যাও।

জগা। ইহা তো কখনো দেখি নাই?

সর্দার। মিথ্যাই কি আগে শুনিয়াছিলে?

জগা। ইহার নাম কি?

সর্দার। লোকে ইহাকে চাবি-কুলুপ বলে। কিন্তু আসল নাম ‘শয়তানের বেড়ি’।

জগা। ইহার ব্যবহার কি?

সর্দার। আপনি জানিতে পারিবে। বিশেষ তোমার মনে যে অঙ্কুর গজায়মান, তাহারই পত্রে পত্রে ইহার ব্যবহারও ইতিহাস লিপিবদ্ধ আছে। চেষ্টা করিয়া পড়িয়া লইও, তবে আশা আছে যে, খুব বেশি চেষ্টা না করিলেও হইতে পারে।

সারা দিন সেখানে কাটাইয়া জগা সেই চক্চকে চাবি-কুলুপ জোড়া লইয়া সন্ধ্যাবেলা সানন্দে গ্রামাভিমুখে প্রস্থান করিল।

৫

জগা ওরফে লগা, খগা, ঠগা ইত্যাদি রাত্রে শুইবার সময়ে তালা চাবি জোড়া দরজার শিকলের সঙ্গে ঝুলাইয়া রাখিল। এখানে বলা বাহুল্য যে, রাম সর্দার তালা-চাবির ব্যবহার শিখায় নাই—আর সেটা যে দরজার শিকলে ব্যবহার করিতে হয়, তাহাও শিখায় নাই, ওটা জগার নিজেরই আবিষ্কার। সেটা ছিল জ্যোৎস্না রাত্রি। জগার পাশের বাড়ীর প্রতিবেশী অনেক রাত্রে উঠিয়া দেখিতে পাইল, জগার বাড়ীর দরজার শিকলে কি একটা অদৃষ্টপূর্ব বস্তু জ্যোৎস্নায় ঝক্‌ঝক্‌ করিতেছে। সে নিকটে আসিয়া সেই অত্যাশ্চর্য বস্তুটার দিকে মুগ্ধের ন্যায় তাকাইয়া রহিল! ওটা কি? জগা কোথায় পাইল? কি আশ্চর্য! কি সুন্দর! তখন তাহার মনে যে ভাবোদয় হইল, ইডেন উদ্যানে স্বর্ণ আপেল দর্শনে আদিম নারী ইভের মনোভাবের সঙ্গে তাহার বিস্ময়জনক সাদৃশ্য ছিল! বাস্তবিক ঐ পিক্তল-নির্মিত জ্যোৎস্না-জালে উজ্জ্বল তালা-চাবি জোড়া তো এক প্রকার স্বর্ণ আপেলই বটে! জগার মুগ্ধ প্রতিবেশীর চোখ লোভে জলিতে লাগিল। তখন আদিম নারী ইভ যা করিয়াছিল, সেও তাহাই করিল, সেই অভিনব স্বর্ণময় আপেলটি পাড়িয়া লইয়া নিজ গৃহে আনিল। কোথায় রাখিবে? জগা যেখানে রাখিয়াছিল স্বর্গহের সেই শিকলে রাখিয়া শুইয়া পড়িল।

তাহার পাশের বাড়ীর লোকটি কিছুক্ষণ পরে উঠিয়া সেটি দেখিতে পাইল। সেও মুগ্ধ হইয়া সেটি খুলিয়া আনিয়া নিজ গৃহের শিকলে ঝুলাইয়া রাখিল। এমনি করিয়া পাশের বাড়ীর প্রতিবেশী কতৃক অপসারিত হইয়া সেই স্বর্ণ আপেল এক রাত্রির মধ্যেই গ্রামান্তের গৃহে চলিয়া গেল।

ভোর বেলা জগা উঠিয়া তালা-চাবি দেখিতে না পাইয়া পাশের বাড়ীকে ধরিল। পাশের বাড়ী তাহার পাশের বাড়ীকে ধরিল। এই ভাবে ধরাধরি

চেউ চলিতে চলিতে সকলে আসিয়া গ্রামান্তের গৃহস্থের বাড়ীতে পড়িল। তখনো তাহার শিকলে তালা-চাবি জোড়া ঝুলিতেছিল। সে সব অপরাধ অস্বীকার করিয়া বলিল—এ তালা-চাবি কেমন ভাবে আসিল, সে কিছুই জানে না। তখন তালা-চাবি জোড়ার স্বত্ব লইয়া ঝগড়া ও মারামারি আরম্ভ হইল। যাই হোক, সাক্ষী-প্রমাণের জোরে জগা তাহার তালা-চাবি জোড়া ফিরিয়া পাইয়া সানন্দে গৃহে প্রত্যাবর্তন করিল।

তা করুক ! কিন্তু ঐ তালা-চাবি জোড়া উপলক্ষ্য করিয়া গোড় নগরে এক রাত্রে এক সঙ্গে মিথ্যা, চুরি, বাটপাড়ি প্রভৃতি প্রথম সংঘটিত হইল।

বিকালবেলা জগা ঠগদের আড্ডায় আসিয়া উপস্থিত হইয়া রাত্রেই অভিজ্ঞতা বর্ণনা করিল। রাম সর্দার শুনিয়া পুলকিত হইয়া তাহার পিঠ চাপড়াইয়া বলিল—

এই তো ভাই, তোমরা সভ্যতা ও প্রগতির পথে চলিয়াছ—আর ভয় নাই।

তার পরে বলিল—এসো, তোমাকে তালা-চাবির ব্যবহার শিখাইয়া দিই।

এই বলিয়া চাবি দ্বারা কিরূপে তালা বন্ধ করিতে হয়, আর তালা-চাবি দুই দ্বারা কিরূপে দরজা বন্ধ করিতে হয়—সব জগাকে শিখাইয়া দিল। জ্ঞানবৃক্ষের ফলের আরও খানিকটা গলাধঃকরণ করিয়া জগা গৃহে ফিরিল।

তার পরদিন জগার মাতুলালয়ে যাইবার কথা। সে তালা-চাবি দিয়া দরজা বন্ধ করিয়া, চাবিটা ট্যাঁকে গুঁজিয়া মাতুলালয়ে প্রস্থান করিল।

জগার প্রতিবেশী রাত্রে উঠিয়া দেখিল, জগার গৃহ সেই পূর্ব-দৃষ্ট বস্তু দ্বারা বন্ধ। সে দরজা ঠেলিল, খুলিল না। তখন সে ভাবিল, ঘরে নিশ্চয় কোন মূল্যবান বস্তু আছে, নহিলে দরজা বন্ধ করিবে কেন ? এ দেশে তো দরজা বন্ধ করিবার প্রথা নাই। তখন কোতূহলের বশবর্তী হইয়া সে গৃহের ভিত্তে একটি সিঁধ কাটিয়া ভিতরে প্রবেশ করিল।

পরদিন জগা ফিরিয়া আসিয়া দেখিল—দরজা বন্ধ, কিন্তু গৃহের ভিত্তে মনুষ্য-প্রবেশযোগ্য একটি গর্ত। সে রাম সর্দারকে গিয়া সব নিবেদন করিল।

রাম সর্দার পুনরায় তাহার পিঠ চাপড়াইয়া বলিল—বাচ্চা, ঘাৰড়াও মৎ, তোমরা সভ্যতার পথে আর এক ধাপ অগ্রসর হইলে।

তার পরে ব্যাখ্যা করিয়া বুঝাইয়া দিল যে, ঐক্লপ গর্তকে সিঁধ কাটা বলে, আর সিঁধ কাটিতে যাহারা জানে, তাহারাই প্রকৃত সিদ্ধপুরুষ।

জগা বলিল—তবে আমিও সিঁধ কাটিব।

রাম সর্দার বলিল—অবশ্যই কাটিবে। এই বলিয়া সর্দার একখানা সিঁধ-কাঠি জগার হাতে দিল। কৃতজ্ঞ জগা সিঁধ-কাঠি লইয়া গৃহে ফিরিল।

এদিকে গোড়বাসীরা জগার তাল-চাবি লাভের রহস্য জানিয়া ফেলিয়াছে, তাহারা জনে জনে ঠগপত্তনে আসিয়া উপস্থিত হইল এবং প্রত্যেকে এক জোড়া তাল-চাবি উপহার পাইয়া সানন্দে গৃহে প্রত্যাবর্তন করিল।

সকলে দরজায় তাল-চাবি লাগাইয়া নিশ্চিন্তে শুইত, কিন্তু সে নিশ্চিন্ত ভাব রাত্রি প্রভাত পর্যন্ত টিকিত না। কারণ, তাহারা ভোরের আলো দেখলে কর্তিত একটি গর্তপথে আসিতে দেখিত।

সকলে গিয়া রাম সর্দারকে বলিত—সর্দার, এ কি ব্যাপার ?

সর্দার প্রত্যেককে একটি করিয়া সিঁধ-কাঠি দিয়া বলিত, তুমিই বা পিছাইয়া থাকিবে কেন ?

বাস্তবিক জগা আগাইয়া যাইবে, আর তাহারা পিছাইয়া থাকিবে—এ হইতেই পারে না। তখন প্রতি গৃহে সিঁধ দেখা দিতে লাগিল এবং অচিরকাল-মধ্যে গোড়বাসীরা সকলেই সিদ্ধপুরুষ হইয়া উঠিল।

৬

অতঃপর গোড়ের পরিস্থিতি সহজেই বুঝিতে পারা যাইবে। প্রত্যেক গৃহস্থ যুগপৎ ঘরের অর্গল অধিকতর মজবুত এবং সিঁধ-কাঠি অধিকতর তীক্ষ্ণ করিতে লাগিয়া গেল; প্রত্যেকে যুগপৎ তাল-চাবি ও তাল ভাঙিবার যন্ত্র সংগ্রহ করিতে লাগিল; এবং সময়ে সময়ে সকলেই ঠগ-পল্লীতে গিয়া প্রয়োজনমত

পরামর্শ লইয়া আসিতে সুরু করিল। অল্প কালের মধ্যেই গোঁড়ের সে শাস্তি, সে নিয়মাহুর্বাতিতা, জনগণের মধ্যে সে প্রীতি ও বিশ্বাসের সম্বন্ধ, সাধুতা, লোভহীনতা ও সত্যবাদিতা কোথায় লুপ্ত হইল। এখন সর্বদাই সেখানে মারামারি, কাটাকাটি, চুরি, জুয়াচুরি, বাটপাড়ি, রাহাজানি লাগিয়াই আছে। এখন কেহ কাহাকেও বিশ্বাস করে না, এখন কাহারো ধন-প্রাণ নিরাপদ নহ্ন, সর্বদাই সকলের মনে যেমন নিদারুণ লোভ, মুখে-চোখে তেমনি উৎকট আশঙ্কা! একাধারে চোর ও চৌর্যের বিষয় হইলে যেমন হইয়া থাকে, তেমনি হইল।

শেষে অবস্থা এমন দাঁড়াইল যে, ঠগদের শিষ্যগোরব ক্রমে শিষ্য-ভীতিতে পরিণত হইল।

ঠগেরা আসিয়া সর্দারকে ধরিল, বলিল,—সর্দার, এ কি করিলে? এখন যে প্রাণ বাঁচানো দায়!

রাম কাহেলী বলিল—কি হইয়াছে?

—কি হইয়াছে?

এক জন বলিল—কাল সন্ধ্যাবেলায় মাঠের মাঝে কে আমার মাথার লাঠি মারিয়া সব কাড়িয়া লইয়াছে।

আর এক জন বলিল—পরশু রাত্রে আমার ঘরে সিঁধ কাটিয়াছে।

অপর এক জন বলিল—আমার গোরু চুরি গিয়াছে।

কেহ বলিল—আমার গ্রন্থিচ্ছেদ ঘটয়াছে।

এক জন বলিল—আমার জোরুর নীবিচ্ছেদ ঘটয়াছে।

চার দিক্ হইতে এই রকম শত শত অভিযোগ উঠিল।

তখন রাম কাহেলী বলিল—এ সব তো অবিমিশ্র দুঃখের কারণ নহ্ন, গোরবেরও কারণ বটে।

—গোরবের কারণ?

—নয় তো কি? শিষ্য গুরুকে অতিক্রম করিবার মতো হইয়াছে, ইহাতে কোন্ গুরু না গোরব অসুভব করিবে?

এ উত্তরে কেহ খুশী হইল না।

কেহ কেহ বলিল—সর্দার, তোমার গায়ে হাত পড়ে নাই কি না, তাই গৌরবের দোহাই দিতেছ। নিজের গায়ে হাত পড়িলে তোমারও আমাদের মতো মনের অবস্থা ঘটিত ! হাঁ, তখন বুকিতাম, কেমন গুরু গৌরব !

সর্দার বলিল—আচ্ছা, সেই পরীক্ষাই হোক। আমি সহরের দিকে চলিলাম, কাল ভোরে ফিরিয়া আসিব, ততক্ষণ তোমরা ধৈর্য ধারণ করিয়া থাকো।

এই বলিয়া সর্দার সহরের দিকে চলিল। তখন সন্ধ্যা সমাগত।

৭

জোরবেলা রাম কাহেলীর উল্লাস-ধ্বনিতে ঠগ-পল্লীর নিদ্রাভঙ্গ হইল। সকলে শব্দ্য ত্যাগ করিয়া বাহিরে আসিয়া জিজ্ঞাসা করিল—সর্দার, ব্যাপার কি ?

সর্দার বলিল—ভাই, রাম কহো, রাম কহো।

সকলে বলিল—তা না হয় কহিতেছি, ব্যাপার কি ?

সর্দার। আমার জেব কাটা গিয়াছে।

সকলে। কই, দেখাও।

সর্দার। দেখো, এখন শীতকাল, গায়ে আমার মোটা জামা—

সকলে। তাহার জেব কাটিয়াছে ?

সর্দার। সে তো অনেকেই পারে, তাহাতে কি এমন কুতিষ ?

—তবে ?

সর্দার। আমার গায়ে তিনটি জামা, সব নীচেটার জেব কাটিয়াছে।

তোমরা পারিতে কি ?

সকলে। সাধ্য কি !

সর্দার। তবে ?

—কাটিল কে ?

সর্দার। আর কে ? জগা। কাল সারা রাত আমি আর জগা গল্প করিয়া কাটাইয়াছি—তারই মধ্যে কখন যে কাজ হাঁসিল করিল, কিছুই টের

পাইনি! তার পরে সে বলিল—আজ সকালবেলা জগার গৃহত্যাগ করিয়া আসিবার সময়ে হঠাৎ হাত দিয়া দেখি, ফতুয়ার জেব অতলম্পর্শ! আর কি চাও? তোমরাই বলো, দিল্লীতে এমন পাকা হাত কয়টা আছে?

এক জন বলিল—সর্দার, তোমার কি দুঃখ হইতেছে না?

—দুঃখ? এমন যার শিষ্য, তার “কিসের দুঃখ, কিসের দৈন্ত, কিসের লজ্জা, কিসের ক্লেশ?”

—এখন কি করিবে?

—এ দেশেই স্থায়ী ভাবে বসবাস করিব। স্বয়ং মুলতান ফিরাইয়া লইতে আসিলেও যাইব না।

সকলে স্বীকার করিল—সর্দার, তবে আমরাও যাইব না; কেন না, এখন আমরা শিষ্যদের কাছে পাঠ লইয়া হাত পাকাইব। আমাদের এখনো অনেক শিখিবার আছে।

সর্দার বলিল—মাতুষের শিখিবার বয়স কখনো যায় না।

তার পরে সকলে মিলিয়া ফোজদারের কাছে গিয়া বলিল,—সাহেব, তুমি এবার নিশ্চিন্তে দিল্লী ফিরিয়া যাইতে পারো—আমরা স্থায়ী ভাবে এখানেই থাকিলাম।

ফোজদার শুধাইল—মুলতানকে গিয়া কি বলিব?

সর্দার বলিল—বলিও যে, “তোমারে বধিবে যে, গোড়ে বাড়িছে সে।”

ফোজদার। ইহার অর্থ?

সর্দার। ভাবী কালের ইতিহাস ইহার অর্থ পরিষ্কার করিয়া বলিবে। এখন না-ই বলিলাম।

ফোজদার নিশ্চিন্ত হইয়া ফিরিয়া গেল। ঠগেরা স্থায়ী ভাবে গোড়ে রহিয়া গেল—নড়িবার লক্ষণ দেখাইল না।

তার পরে কালক্রমে জলে জল মিশিয়া গেল। গোড়ীয় ঠগ আর দিল্লীর ঠগ, দুইয়ে মিলিয়া গোড়-বাংলার গৌরবময় ইতিহাস রচনা করিয়া তুলিতে লাগিল। এখনো সে অধ্যায় শেষ হয় নাই।

শুদ্ধিপত্র

পৃ: ৫৫, পংক্তি ১১

‘জোয়ারের কাদাজলের মধ্যেই পারদ থাকে—যে চাঁদ তাকে আগিয়ে দেয়’
স্থলে হইবে ‘জোয়ারের কাদা জলের মধ্যেই আবদ্ধ থাকে যে চাঁদ তাকে জাগিয়ে
দেয়।’

পৃ: ৫৬, পংক্তি ১৬

‘হাস্তময়’ স্থলে হইবে ‘রহস্তময়’

পৃ: ৫৭, পংক্তি ১৭

‘কাজের’ স্থলে হইবে ‘বাজে’

পৃ: ৫৮, পংক্তি ৬

‘আখ্যাটি’ স্থলে হইবে ‘অধ্যায়টি’

পৃ: ৫৯, পংক্তি ১৫

‘বই’ স্থলে হইবে ‘বই’

পৃ: ৬৪, পংক্তি ১৭

‘কবিত্ত্ব’ স্থলে হইবে ‘কবিত্ব’

পৃ: ৬৬, পংক্তি ১২

‘কার্য’ স্থলে হইবে ‘কাব্য’

পৃ: ৬৯, পংক্তি ১৫

‘কার্যের’ স্থলে হইবে ‘কাব্যের’

পৃ: ৬৯, পংক্তি ২১

‘কার্যের’ স্থলে হইবে ‘কাব্যের’

পৃ: ৭০, পংক্তি ১১

‘ঘুরাইয়া’ স্থলে হইবে ‘পুরাইয়া’

পৃ: ৭১, পংক্তি ১৬

‘বইটি’ স্থলে হইবে ‘বইটি’

